

皇極經世

釋義

四明張氏約園開雕



序

世謂邵子之學出道家固也要尤深於周易吾觀皇極經世殆與太玄相表裏子雲不喜稱老氏退之舉以與孟荀竝列漢世道家言已甚熾子雲過人處蓋在是然易老之旨不殊易言數三獨多老子言一生二生三生萬物邵子究數理悉以三爲主如曰天之體數四而用者三不用者一地之體數四而用者三不用者一無體之一以況自然不用之一以況道用之者三以況天地人也又曰一時三月一月三十日三月九十日用

皇極經世觀物外篇釋義序

一四明叢書  
約園刊本

數也用止於三而極於九凡此之類盡出於易合於老蓋易數始於一其生數則二也然一二不足爲成數奇耦相復而有定也唯三也兼奇耦而爲用其變無窮矣乾之九坤之六奇耦顯然可見也震坎艮之七巽離兌之八奇耦亦顯然可見也自表言之一生數二成數也然參倚之義何居究極言之九六之數倚一二以生七八之數參合九六以成而要於三見其用故易言數極於九而言三者獨多其有三百三歲三年三日三接云者仍以三爲主無非終極之義耳夫數始於一道生於

一固可知也積而爲三散而爲億萬亦可知也然舍三以求數則有不可求不必求者矣蓋三之爲數並有奇耦其用之妙奇之中有耦耦之中有奇一奇一耦而數成矣一陰一陽而易見矣故奇耦之數盡於三億萬無窮之數亦盡於三一二雖數不可以爲數唯三乃可以爲數一二之數奇耦推之可盡三以包之變化無窮故易重三數老子曰三生萬物而邵子謂三爲用數三才之道盡在是易老之旨本在是然則邵子之學不獨出道家實尤深於周易不亦明乎顧其書詞旨奧衍人莫能通曉故其傳不廣其學雖顯而眞能傳之者蓋寡有明嘉靖閒吾鄉余南湖先生嘗爲皇極經世作注釋既復爲外篇作釋義頗能通數理之要而不以術恩數然亦不侈言數理而略乎其術蓋粹然有常數理之本不失邵子之舊誼固確如也余於數理之學恨未能通曉讀南湖自序謂惜其學不傳閒有能道之者多彼此異同然程子謂皇極數爲加一倍法邵子固已服其妙悟精識其實一二相倍三兼奇耦此理要足千古南湖學於此逾一紀攷定獨審姑取此書刊之以裨益世之通此

學者民國二十三年十月後學張壽鏞序

學樞經傳外編序

三四明故書  
約圖刊本

皇極經世觀物外篇序

觀物外篇有先生撰著之言有先生談論之言門人張  
嶠之所記錄也嶠既沒其兄岫得其遺稿以授先生之  
子伯溫蓋散逸而僅存者爾其言有觀物篇之所未發  
故名之曰觀物外篇數多闕誤章寡倫序張行成嘗補  
其數次其章令重次之視昔逾密於乎先生之道未易  
知未易能也善觀此亦或可以窺其端矣吳澄識

皇極經世觀物外篇釋義序

數之淪於術久矣逮邵子始及於理其說悉本之易先天圖精深玄微妙及天人之際惜其學不傳間有能道之者多彼此異同不能盡合蓋得其一二旁取之他書以附足其說也竟未審孰爲真傳本學於此已逾一紀深惟觀物外篇出自其門人所記疑得其真其起例祕訣雖未盡具然大要不外是矣惜紛亂無敘張文饒吳草廬雖嘗校正尙多脫誤本不揣重加考定遂條爲之解藏之巾笥以備觀覽然亦未審果能得邵子之傳否

皇極經世釋義

自序

二 四明樓書

約圖刊本

也嘉靖改元春三月四明守愚子余本序

鄞縣志本傳

余本字子華號南湖天錫之後曾祖煙南安府同知父謙德慈孝坦易鄉稱善人本生而英卓少遊郡庠觥觥自持張邦奇撰墓志終日危坐讀書夜則焚膏以繼凡天文地理鍾律象數悉研其奧於正蒙尤深妙契蚤思夜索若有神授之者嘗言人對聖賢書則心明氣定卽他玩好不能入從此攝伏身心自然有益及門之士屢滿其戶俱以余夫子稱之年三十提學楊且試以隱僻事大加詫異謂必魁天下是年果領鄉薦正德六年殿試第二

學經世釋義

一四明叢書  
約園刊本

授翰林編修

嘉靖志

充經筵官值權奸迭起文事廢不用

本具疏指斥無所忌至再上不報乃乞補近地儒學官

便祿養當道難之擢授廣東提學副使以釐俗作士爲

己任秉公力勤務必行己志見行事一不當於理卽義

形於色

嘉靖志

敷教率先德行士敬而愛之秉性剛直

廣東通志

時潮州妖巫託廟神以惑眾遂按除之

嘉靖志

與巡按御

史毛鳳忤劾其不法數事鳳亦肆莠言以相詆誣詔各

回籍聽勘鳳以京考落職本丁父艱

嘉靖志

居數年益授徒

講說訓迪不倦

嘉靖志

嘉靖六年起復山東提學

○案錢志作五

年着舊傳作嘉靖改元均誤行政不改嶺南明年秋試士之中式經

本所首選者幾半遷南京右通政牒無細大一一訊辨

務擇可否罷行之曰不爾則無以遏讒說距殄行非朝

廷設官意也八年卒年四十八本性孝娶妻未逾歲遭

母喪終其制不入私寢

墓志

從兄弟早孤以父命爲之置

室且給之田親族有急輒傾囊使持去或稱貸與之白

爲償

甬上着舊傳

至其詩文直寫己意不崇華飾作世俗語

而典雅確實克裨世教云

墓志

補刻皇極經世觀物外篇釋義序

余南湖先生精於性理之學正蒙皇極經世律呂新書俱有註釋正蒙集解坊間梓行久矣皇極經世解予髫髻時曾手錄以藏於家壬戌冬承乏青郡見東庫壁隅書版皮有百餘取而閱之乃觀物外篇釋義先生督學東省時命郡守校刻以分授諸生者也閱歲未久守者忽焉循致腐缺漫漶意欲校補而役役吏牘未遑也甲子夏懷庭秦公以秉憲至訪刻版在郡適纂郡志訖工併命補刻以成全書乃覓侍御周海莊家完本校而補

皇極經世釋義序

一四明叢書

約園刊本

之昔程子觀皇極數以爲加一倍法邵子服其妙悟精識欲以其學授之而辭以未暇學遂不傳先生獨於數百年之後精思妙契會悟旁通哀輯諸家註釋纂彙成編其師授固有所自而學者能因其書而求之則於邵子數法之妙思過半矣嘉靖乙丑冬青州府知府四明杜思書



皇極經世觀物外篇釋義目錄

卷之一

論皇極起數之原致用之法

卷之二

論河洛之圖易象之理

卷之三

論太極之本天象地理物數之原

卷之四

論人事之數

皇極經世釋義目錄

一四明叢書  
一約圖刊本

右四卷乃本所訂定以類相從庶有條理凡邵子本文高一字本註文低一字本文原無圖凡圖皆本取之邵子別本或以義起其後所書皆低邵子本文一字或本文所無其圖其言於皇極有相關者亦間或取入題曰附載

署昌樂縣儒學教諭事後學四明董國俊校閱

後學四明薛 農訂正

皇極經世觀物外篇釋義卷之一

明鄞縣余 本子華撰

觀物外篇一

天數五地數五合而爲十數之全也天以一而變四地以一而變四四者有體也而其一者無體也是謂有無之極也天之體數四而用者三不用者一也地之體數四而用者三不用者一也是故無體之一以況自然也  
不用之一以況道也用之者三以況天地人也

此言先天之數本之河圖一三五七九天數五也二

四六八十地數五也一爲太極先天圖左爲天右爲地乾兌離震爲日月星辰坤艮坎巽爲水火土石體數各有四也而皆本之太極以生所謂太極生兩儀兩儀生四象四象又各有太少故各曰以一而變四太極之理無聲無臭而默寓之四象有體之間以爲之主有之數極於四無之數極於一合而成體有與無相須而有者故曰有無之極言有無合爲一理也體數各四取之以用則用其三而去其一者去交數又曰存其本也以一元言開物於寅閉物於戌亥子

丑三會無所用以一歲言物生於春正月收於秋九月冬三月無所用以一日言戊夜將明以至甲夜人所作爲乙丙丁三更無所用此皆陰陽相交之數陰盡而無爲陽生而未用故邵子取先天之數以著之皇極者皆用其三而不用其一去交數也故天數三地數三合而爲六兼餘分爲七太極圖元會運世十六位實止有七數自一人之人至兆人之人自一物之物至兆物之物人物各分七等起運法十二萬九千六百年亦取七分爲用止以九萬七百二十年爲

小運一變之數此皆去交數者也天地之化育必存其本而後能生物如木必有根而後枝葉茂水必有源而後流派長故太陽少陽太剛少剛之體數四十四因之得一百六十中去陰柔之體數四十八餘一百一十二爲用數太陰少陰太柔少柔之體數四十八四因之得一百九十二中去陽剛之體數四十餘一百五十二爲用數由是以其用數更相因之各得一萬七千二十四爲日月星辰水火土石之變化數又以此一萬七千二十四再相倡和共得二萬八千

九百八十一萬六千五百七十六是爲動植通數而用之以取二百五十六卦也天地四象體數合之共八十八以四因之共得三百五十二是四箇八十八也於此三百五十二之中去一八十八以其餘數二百六十四相因以致用是去一用三存其本也況譬也老子曰人法地地法天天法道道法自然邵子之言蓋本諸此此一節乃經世起數致用之原也故以爲首

天有四時一時四月一月四十日四四十六而各去其

皇極經世釋義

卷一

三

四明叢書

約園刊本

一是以一時三月一月三十日也四時體數也三月三十日用數也體雖具四而其一常不用也故用者止於三而極於九也體數常偶故有四有十二用數常奇故有三有九

三百六十五日四分日之一共二十四氣爲一年凡十五日零二時五刻爲一氣合二氣爲一月每月必有餘分溢於三十日之外僭過三十一日爲四十日之起數矣故曰一月四十日以時言一時三月該六氣每時餘分皆僭過第四月之日數故曰一時四月

皆舉交數言也各去其一者去交數也非真有四月  
四十日而去其一月一十日止於三者三月也極  
於九者九十日也有四者四時也十二者十二月也  
大數不足而小數常盈者何也以其大者不可見而小  
者可見也故時止乎四月止乎三而日盈乎十也是以  
人之肢體有四而指有十也

大數總包故不可見小數詳分故可見是則大數不  
足者非不足也總包其數而不言也如一元十二會  
三百六十運四千三百二十世元一而已而會運世  
之數皆盈者元以總之於上也非元實不足於世也  
至於一會一運一世皆然下言時日體指者舉其數  
之可指而易見者以爲證也

天見乎南而潛乎北極於六而餘於七是以人知其前  
昧其後而略其左右也

天之體周圍三百六十五度四分度之一南北各分  
其半北極出地三十六度餘則皆潛南極入地三十  
六度餘則皆見在地上者爲見地下者爲潛故曰見  
乎南而潛乎北其用數本三兼地之用數三故曰極

於六更兼餘分一共爲七故曰餘於七此指天晝夜之數言蓋天之行本無之分但爲地所隔而有潛見則日之麗於天者隨之於是乎晝夜生焉晝夜之數百刻而止夏至日晝六十刻極於六矣此止以其日出於寅入於戌止得寅戌之小半言也然日未出而天已明人已動日既入而天未黑人之動者亦未息是晝又侵夜一分爲七也人得天之氣而生者也故亦見前而昧後如天之見乎南而潛乎北略其左右則左右略之而已尙亦見焉不盡昧也則亦如天之十分而得其七也此推明經世數用七之原也下凡言三與七者皆然

天體數四而用三地體數四而用三天剋地地剋天而剋者在地猶晝之餘分在夜也是以天三而地四天有三辰地有四行也然地之火且見且隱其餘分之謂邪此以經世數本先天以致用者言左天右地左四卦右四卦體數各四也各四八三十二合爲六十四所謂體者八變也若致用則用三十六卦以成六十四左大有同人小畜履大畜无妄睽家人損益賁噬嗑

皆反覆其六卦并乾離中孚頤四正卦爲十右恆咸  
井困升萃解蹇師比謙豫皆反覆其六卦并坤坎小  
過大過四正卦爲十其餘十六卦皆天與地反覆其  
焉平分之各八卦是天用十八卦三六也地用十八  
卦亦三六也故曰天用三地用三每卦六爻六箇三  
十六共二百一十有六爲用數六分矣然尚有餘分  
之一并爲七者何哉左天一百一十二陽右地一百  
一十二陰此六分之數也然天地相交陰陽必相錯  
故天亦有八十陰地亦有八十陽所謂天剋地地剋  
天者也然天剋地陰則置而不用其天數之見剋者  
在地則取其中四十陽用之正猶晝之餘分在夜夜  
自爲晝所侵也故天三而地四合爲七分共二百六  
十四爲實用之數於其中去八陽四陰餘一百四十  
四陽一百八陰共二百五十二爲七箇三十六正得  
三百六十數十分之七爲用數之用一百五十二箇  
三百六十爲九萬七百二十用之以起小運此生物  
之時之數也何也蓋此數本之天地與天地合者也  
天有三辰地有四行天地之數本自天三而地四也

地之四者非地之數也天之數餘於地者也經世數皆出於自然之理蓋如此李氏補註曰天有四辰謂日月星辰曰三辰者辰全不見也地有四行謂水火土石然地之火半見半隱即天餘分之在地者也

體者八變用者六變是以八卦之象不易者四反易者二以六卦變而成八也重卦之象不易者八反易者二以十八以三十六變而成六十四也故爻止於六卦盡於八策窮於三十六而重卦極於六十四也

卦成於八重而成於六策窮於三十六而重於三百八十四也

皇極經世一

七 四明叢書

約圖刊本

天地各四故曰八變體成於偶也各用其三故曰六變用行於奇也不易者四謂乾坤坎離反易者二謂震反爲艮巽反爲兌也不易者八謂乾坤坎離頤中孚大小過也反易者二十八謂屯蒙需訟等五十六卦反覆觀之止二十八也策窮於三十六者謂揲著求卦視其第三變過揲之策以定其七八九六之數而成爻者有四六二十四四七二十八四八三十二四九三十六四者不同至三十六極矣乃六六之積也故曰策窮於三十爻天也故得用數卦地也故得



體數卦成於八以下四句此自註文或作大字非是  
天有二正地有二正而其用二變以成八卦也天有四  
正地有四正而其用二十八變以成六十四卦也是以  
小成之卦正者四變者二其六卦也大成之卦正者八  
變者二十八共三十六卦也乾坤離坎爲三十六卦之  
祖也兌震巽艮爲二十八卦之祖也

先天圖左爲天右爲地曰正者不變也乾離中孚頤  
坤坎大小過八重卦不變者合二十八變爲三十六  
卦考乾坤離坎四三畫卦不變者爲三十六卦之祖  
兌與巽震與艮四三畫卦反覆相變止爲二卦故爲  
二十八變卦之祖曰祖者三畫卦在先也

先天八卦用六圖



天辰不見地石不生震巽

此下數字  
原本模糊

先天六十四卦用三十六圖

皇極經世釋義  
卷一  
九



紅者爲天黑者爲地然天而黑者明其卦在地也地而紅者明其卦在天也天地各四正卦正相對各四變卦正相對共十六卦張氏通變曰乾一者乾也兌二者大過也兌離二者離也震四者小過也震巽五者中孚也巽坎六者坎也艮七者頤也艮坤八者坤也此八卦者不變之體也乾一者否也乾兌二者隨也震離三者未濟也震坎離四者歸妹也震巽五者漸也巽坎六者既濟也坎艮七者蠱也艮坤八者泰也坤此八卦者應變之用也伏羲之卦以相應爲對如

皇極經世釋義卷一

十四明藏書  
約圖刊本

姤對復夬對剝是也文王之卦以相反爲對如復對剝夬對姤是也相應者論飛伏也相反者論升降也在伏羲文王之卦皆對者惟乾坤坎離否泰既濟未濟頤大中中孚小過隨蠱漸歸妹十六卦而文王六十四卦兩卦或左右互易或上下反覆相重取其中者亦皆成此十六卦故知此十六卦者易之要也以方圖觀之自然明白矣

附載先天乾坤十六卦方圖

坤					否
		漸	遁		
		坎		濟	
	蠱				遯隨
	頤			離	
		蹇	夬		
泰					乾

卦之正變共三十六而又有二百一十六則用數之策也三十六去四則三十二也又去四則二十八也又去四則二十四也故卦數三十二位去四而言之也天數二十八位去八而言之也地數二十四位去十二而言之也四者乾坤離坎也八者并頤中孚大小過也十二者并兌震泰既濟也

皇極起運之法本之先天六十四卦乾坤爲生物之主離坎運生物之用乾坤離坎所以成數也故存此四卦不用六十卦二百六十爻之數相因至二萬

八千二百一十一兆九百九十萬七千四百五十六  
億以爲大運所謂運行之時用數也於其中十分用  
七爲二百五十二以二百五十二乘三百六十爲九  
萬七百二十以爲小運所謂生物之時用數之用也  
二百一十六爲用數之策者此天地生物之時六分  
正數也加餘分一三十六則爲七分卽二百五十二  
矣先天圖陰陽各三十二卦故曰卦數三十二位天  
數二十八位者康節有左行五十六卦圖分陰陽二  
氣本卦義以取往來生物之象各二十八卦也謂之

天數者左行陽也二十八乃四七陽數也地數二十  
四位者康節又有右行四十八卦圖亦分陰陽二氣  
本卦義以取往來成時之象各二十四卦也謂之地  
數者右行陰也二十四乃四六陰數也通變曰大運  
每變九數自元至分復當元九數實用者八凡四  
變至姤得三十三卦則三十二之外別存乾之眞一  
也自天數二十八位言之自乾爲一當天之元歷元  
會運世年月日辰分而當履卦爲地之元十數得兌  
卦二十億而當地之會自兌又歷十數得離卦一千

萬兆一千一十五萬五千九百九十五兆六千六百六十八萬四千一百六十億而當人

之運自離又歷十數得震卦二百四垓二百四垓六千九百八十

萬七千三百八十一京五千四百九十三萬八千四百九十九兆七百二十萬億

而當物之世三變三十實二十八卦而天數終矣先生曰天起

於乾終於震而乾繫度曰天終爲萬物老陽之數三

十六而天數二十八位者真一以當九未用而未分

合則爲天之一散則爲物之九也餘三變每變而九

共二十七則體數之用用之者三也一者天之一二

十八者天變之終終則爲萬物故震爲物之世此亦

皇極經世程義

卷一

十三四明叢書

約園刊本

天數二十八位也地數起小運者起於小畜十二萬

九千六百六變至臨與大運合又變至十二變爲震

之二百四垓之數與天運天數之震數合而止所謂

地用六變而終於十二變每一變合十二三十二數

十二變則有二十四位矣此亦地數二十四位也詳

見於後正卦非反覆者故去之不算并去兌震泰既

濟者兌震者純卦也泰既濟乾坤離坎四主卦之交

也艮巽亦純卦也否未濟亦乾坤離坎之交也不言

去者何兌巽震艮泰否既未濟皆反覆只一卦也然

兌震泰既濟屬之天言天則屬之地者在其中矣此  
 卽人身之十六象也在方圖上指其八純卦八交卦  
 言咸恆損益不去者非純又非主也

天數左行



坤謙	剝艮	比蹇	觀漸	豫適	晉旅	萃咸	否遯
師升	蒙蠱	坎	渙	解	濟	困	訟
復翼	頤賁					隨革	姤
臨泰	損畜	需				兌夫	履乾
		齋節				睽睽	
						吝	

通變曰此五十六卦生物之數不用者八卦以方圖觀之正當其中自始終言之則爲巧成而藏密自終始言之則爲中虛而待用藏密則無爲待用則善應矣

又曰此左行之五十六卦者天數也物數也乾坤本無形體因氣而有天因物而有地氣本係天爲地數者因地生物而後氣有用故天隨地數右行者所以生氣也物本係地爲天數者因天布氣而後物有生故地隨天數左行者所以生物也自一陽動於下少



陰悅焉隨之以升二七至中孚陽盛也陽包陰陽外  
發而陰內伏所以過火之物中多虛也歸妹亦震兌  
也與隨無異然陽上陰下陽愈強矣至夬而決乾陽  
也既純天下未嘗一日無陰也故受之以姤陰之初  
生其勢必微居上則說同乎人也在下則巽屈其身  
也大過之體已著微陰之情在物則陰之實決於上  
而反生於下之象也陰方微當養而勿用夏至之後  
金行靈府以養其陰而大過之下鼎恆巽井四卦不  
用者巽無策也自一陰巽於下少陽止焉感之以陰

二七至小過陰盛也陰包陽陰外見而陽內藏所以  
經秋之物實乃結也漸亦巽艮也與蠱無異然陰上  
陽下陰愈壯矣至剝而爛坤陰也既純天下未嘗一  
日無陽也故受之以復陽之初生其勢必微居上則  
止不可爲也在下則動將有爲也頤之體已著微陽  
之情在物則陽之實剝於上而反生於下之象也陽  
方微當養而勿用冬至之後木行天以養其陽而頤  
之下屯益震噬嗑四卦不用者震無策也陰微不用  
將秋則用先生曰自泰至否則有蠱矣言陰數至蠱

而行則否之漸也陽微不用將春則用先生曰自否  
 至泰則有隨矣言陽數至隨而行則泰之漸矣陰陽  
 二氣爲德不同故作易者扶陽抑陰所以震巽皆無  
 策陰陽皆勿用乾之初九復也而曰潛龍勿用者教  
 君子以養也坤之初六姤也而曰履霜堅冰至者戒  
 君子以防也

皇極經世釋義

七 四明叢書  
 約圖刊本

地數右行



								否 遯 訟
								萃 咸 困
								晉 旅 濟
								豫 遁 解
								漸 渙 巽
								蹇 坎 井
								艮 蒙 蠱
								謙 師 升
								震 豐 蠱
								隨 革 兌
								震 離 睽
								夬 兌 履
								巽 節 需
								賁 損 畜
								翼 師 泰

通變曰陰至巽而伏亦自巽而止陽至震而休亦自震而生以方圖觀之陰陽二氣交乎震巽實坎離會於中州心腎交乎黃庭之象

又曰此右行四十八卦者地數也時數也一陽生乎坤中四而成體自豫而用有雷出地奮之象者陽之始見也至遯十二卦四變之數足坤一變上交爲剝二變五爻爲比三變四爻爲豫四變三爻爲謙五變二爻爲師故遯爲四變之足數師則五變之初也

又十二至巽陰巽伏於下則立夏之後也故夏至之後天地間無非一陰來消陽而已一陰生於乾中四

而成體自小畜而用有風行天上之象者陰之始見也至臨十二卦四變之數足

體成則用利矣

同人則五變之

初也又十二至震陽反動於下

天之有數起乾而止震餘入於無若論陰

數則當止於巽

則立冬之後也故冬至之後天地間無非一

陽來消陰而已是故自恆至姤爲立夏之後陰消而不用之數自乾至大壯爲夏至之後陰生而不用之

數

共十陰

自益至復爲立冬之後陽消而不用之數自

坤至觀爲冬至之後陽生而不用之數

共十陽

消而不

用者陰陽各四卦無數之八也生而未用者陰陽亦

各四卦交數之八也此分陰陽坎離用半自地二而言也若乾全用坤全不用自天一而言則以陽爲主故天地間陽來則生物去則死所以先生謂天自明夷以下地自否以下爲交數天自益以下地自豫以下爲無數也四十八者地數二十四位而偶之者也五十六者天數二十八位而偶之者也六十四者卦數三十二位而偶之者也

愚按古書精義曰二十八宿者隨天運左轉日月五星皆順地道右行蓋日行天六甲之中天左過一度

則日爲右行一度故斗柄隨天左指日逆天右行與斗相應如正月斗指寅在東日卽與月會於亥姬訾二月斗指卯日又右轉一辰與月會於戌降婁四月斗指巳在南日又右轉與月會於申之實沈矣寅與亥卯與戌巳與申皆相合天之行春在東日之行春在西至夏至則日與斗會於南也由夏而分又一左一右天之行秋在西日之行秋在東至冬至則又同在北矣由冬至而分又一左一右雖有左右之分實無不相應故曰天左行一度布氣以生物日亦右移

一度變時以應天月天日相應則氣候調齊此圖之所以有左行右行之說也

乾七子兌六子離五子震四子巽三子坎二子艮一子坤全陰故無子

乾除本身橫看  
 自夬至泰直看  
 自履至否皆得  
 七卦兌除本身  
 橫看睽至臨直  
 看自剝至萃皆  
 得六卦餘倣此

坤	比	豫	萃	<small>其半可類推</small>
	蹇	遁	咸	
師	蒙	坎	困	
			吝	
復	頤	屯	隨	
			革	
臨	損	節	睽	
			兌	
			乾	

通變曰此以一卦爲一子共二十八卦一百六十八  
 爻偶之五十六卦三百三十六爻八變之數也若以  
 卦數言乾七子四十二數兌六子四十五數離五子  
 四十五數震四子四十二數巽三子三十六數坎二  
 子二十七數艮一子十五數其變其通直看爲變得  
 橫看爲通  
 數皆然總二百五十二則用數之用也合變與通五  
 百有四以方圖觀之左右各二百五十二飛伏迭見  
 則半用半不用也天道窮於六兼餘分不過乎七其  
 三百六十以十分之而用其七則二百五十二也是

故三百三十六者天統乎體八變之數二百五十二者地分乎用六變之數爻爲天數爲地也

乾七子坤六子兌五子艮四子離三子坎二子震一子巽陰剛故無子

橫看謂之通乾除本身自

餘半可類推

履乾

夫至泰得七卦坤除本身

萃

兌

自剝至萃得六卦直看謂之

晉旅

變乾除本身自履至否得七

豫過解

震

卦坤除本身自謙至臨得六

觀漸渙巽

卦兌橫看自睽至損直看自

比蹇坎井屯

革至咸皆得五卦餘做此

坤謙師損翼升臨

此生子法皆先陽而後陰故陽饒而陰乏通變曰其變其通爻數卦數與前數皆同別出此一義者前主乾言之以明坤以全陰而無子此分乾坤言之以明巽以過剛而無子體數八變而十六用數六變而十二半以前獨主乎天半以後則兼乎地也先生曰極南大暑極北大寒故南融而北結物之死地也又曰地之南北不生物而中央生物以圓圖觀之巽坎艮坤地卦也巽在南過剛而無子坤在北全陰而無子皆不生物者也所以地生物者物所生之數取天而去之而不用也

皇極經世釋義 卷一

三三 四明叢書

約圖刊本

一百八陽地之一百八陰又取地之艮坎四十陽共二百五十六數而巽之二十八陽與坤之十二陽皆去之而不用也  
乾坤七變是以晝夜之極不過七分也兌艮六變是以月止於六其爲十二也離坎五變是以日止於五其爲十也震巽四變是以體止於四其爲八也  
先生以元會運世配乾兌離震元會運世者以大歲也故此以歲月日辰配乾兌離震坤艮坎巽又乾兌離震之卦也故配合言之變者以其所生之子卦言



也故陽順陰逆在前者皆去而不算七變者純乾純坤之後各有七卦也如乾一變兌則爲夬離二變離則爲大有坤一變艮則爲剝二變坎則爲比之數類是也六變者純兌純艮之後各有六卦也如兌一變離則爲睽二變震則爲歸妹艮一變坎則爲蹇二變巽則爲小過之類是也餘倣此晝夜之極以歲言一歲夏至晝六十刻夜四十刻晝長而夜短冬至則夜六十刻晝四十刻夜長而晝短其長之極各六分若晝兼餘分之一則不過七分也乾爲晝坤爲夜兌爲陽月艮爲陰月十二者十二支也離爲陽日坎爲陰日十者十干也震爲天之體巽爲地之體八者日月星辰水火土石也

四象變數圖



皇極經世釋義

卷一

三五 四明叢書

約圖刊本

日有八位而用止於七去乾而言之也月有八位而用止於六去兌而言之也星有八位而用止於五去離而言之也辰有八位而用止於四去震而言之也日有八位而數止於七去泰而言之也

乾爲日兌爲月離爲星震爲辰在六十四卦圖則各有八位也用者用之以起數也坤艮坎巽乃乾兌離震之配猶夫婦也故再言日有八位而數止於七去泰而言之也此以坤言下疑有月有八位而數止於六去損而言之也星有八位而數止於五去既濟而

言之也辰有八位而數止於四去益而言之也六句  
變用言數者用正所以用其數互文耳此亦就方圖  
由下而起言圖具於後

四象用數圖

坤 六 七 八 九	艮 七 八 九	震 六 七 八 九	巽 五 六 七 八 九	坎 五 六 七 八 九	離 四 五 六 七 八 九	兌 三 四 五 六 七 八 九	乾 二 三 四 五 六 七 八 九
坤 六 七 八 九	艮 七 八 九	震 六 七 八 九	巽 五 六 七 八 九	坎 五 六 七 八 九	離 四 五 六 七 八 九	兌 三 四 五 六 七 八 九	乾 二 三 四 五 六 七 八 九
坤 六 七 八 九	艮 七 八 九	震 六 七 八 九	巽 五 六 七 八 九	坎 五 六 七 八 九	離 四 五 六 七 八 九	兌 三 四 五 六 七 八 九	乾 二 三 四 五 六 七 八 九
坤 六 七 八 九	艮 七 八 九	震 六 七 八 九	巽 五 六 七 八 九	坎 五 六 七 八 九	離 四 五 六 七 八 九	兌 三 四 五 六 七 八 九	乾 二 三 四 五 六 七 八 九

通變曰日去乾月去兌星去離辰去震者各存其本也日去泰月去損星去既濟辰去益者四者交卦兼存天地之本也夫日月星辰在天則自存其本者天以獨運無待於地也在地則兼存天之本者地偶而生必資於天也交卦者九數也萬物以陽爲本存九者用之常不盡也故易言六者六六三十六言七者七七四十九言八者八八六十四交卦用九止於八九七十二而無九九之數也乾用七兌用六離用五震用四自圓圖言變巽坎艮坤敵用者天統乎體地配天也自方圖言位巽坎艮坤盡用者地分乎用天用地也地之巽坎艮坤八位用之皆盡者生物之數小數常盈也然實之用數於三百八十二猶去其八十八者亦存本之義用終不可窮也

又曰乾四十四除二餘四十二坤一百除九餘九十一共一百三十三兌五十二除七餘四十五艮九十二除十七餘七十五共一百二十離六十除十五餘四十五坎八十四除二十四餘六十共一百五震六十八除二十六餘四十二巽七十六除三十餘四十

六共八十八乾兌離震總除五十用一百七十四巽  
坎艮坤總除八十用二百七十二日用一百三十三  
者天包閏餘之數也一年得閏百三十三時十二年  
得閏百三十三日則氣之盈得六十三朔之餘得七  
十故動植用數布於卦氣圖每兩位用百三十三也  
月用百二十者自寅之中至午之中四會之數也星  
用一百五者自卯之初至午之中之數也辰數八十  
八者太陽少陽太剛少剛太陰少陰太柔少柔八象  
之數也先生曰月自兌起者月不及日之數故十二  
月常餘十二日也日主年月主月星主日辰主體月  
不及日星又不及月辰又不及星故合二卦十六位  
之數自百四十四而遞減之由乾泰之木數十一以  
至震益之十七則用卦數五十六餘七十四則天地  
自用之數也日用百三十三月用百二十者氣盈朔  
虛非月所自用也星用百五者月自專其月星計一  
日之數冬夏晝夜相侵以春秋二分爲正故上去寅  
之半下去戌之半其餘半之則一百五也辰用八十  
八又不及星則物數也日用百三十三合之則二百

六十六也

二百六十四爲實用之數猶有不盡餘分

日用百二十合之則

二百四十也

開物於寅中開物於戌中

星用一百五合之則二百

一十也

日出於卯日入於酉昏曉不生物而不用此用數也故應河圖之數一百五數足則爲百

六之會二百一十數足爲三七之厄卦氣圖開物於寅自驚蟄至夏至實一百五日則以陰侵故上去半

月辰用八十八四之爲三百五十二也應乎巽坎艮

坤之全數去一用三卽動植本數也

愚按日主年以閏數言者葢三百有六旬有六日閏

月定四時成歲是定時成歲者閏也故以閏數言

月自兌起者月不及日之數也故十二月常餘十一日

也

氣盈六日朔虛六日一年其餘十二日以爲閏雖分

氣朔其實皆是月行不及於日也曰十二日者舉大

數言耳其實餘十日十時有奇

乾陽中陽不可變故一年止舉十二月也震陰中陰不

可變故一日之十二時不可見也兌陽中陰離陰中陽

皆可變故月日之數可分也

乾震陰陽之純兌離陰陽之雜此以第二與第三爻

言也不可見見字疑作分字月本十二數矣則又分

三月爲一時分爲四數日本三十日爲一月矣又可  
以九十日爲一時故曰可分若年則止爲一年時則  
止以十二時爲一日卽已矣未聞其更有所分也  
是以陰數以十二起陽數以三十而常存二六也

此與上文義不相蒙疑有脫誤補註曰乾爲年兌爲  
月離爲日震爲時月之數十二故陰數遂以十二起  
日之數三十故陽數遂以三十起以三十乘十二則三  
百六十以十二乘三百六十則四千三百二十以十  
二三十反覆乘之而窮天地終始之數陰數常二陽數  
常六也通變也元起於一天數也一變十二再變三十  
得三百六十自此以十二變者常終於二以三十變者  
常終於六會起於十二地數也以變十二得百四十四  
再變三十得四千三百二十自此以十變者常終於四  
以三十變者常終於二運起於三百六十人數也一變  
三十得一萬八千再變十二得十二萬九千六百自此  
以三十變者常終於八以十變者常終於二六大抵元  
爲天之體數以二六而變會之地數運之人數分而爲  
用會自二變四而終於二運自六變八而終於六故先

生曰陰數以十二起陽數以三十起而常存二六也  
舉年見月舉日見日舉日見時陽統陰也是天四變含  
地四變日之變含月與星辰之變也是以一卦含四卦  
也

日月星辰經元會運世元會運世只是以大年月日  
時耳大者不可見以其可見者明之故以年月日時  
言大者爲陽小者爲陰如年爲陽月爲陰月乃年之  
所統有十二也故舉一年卽其見其月爲十二矣舉  
月見日舉日見時做此小者大之影耳由年月日時

皇極經世釋義

卷一

三十四明叢書

約園刊本

觀之則可見天四變含地四變矣天四變元會運世  
也謂之天者屬乾兌離震經之者日月星辰也地四  
變年月日時也謂之地者屬巽坎艮坤經之者土石  
水火也年月日時卽元會運世中之小數耳本其所  
統也故天四變含地四變日之變含月與星辰之變  
者元之元會運世乾之乾兌離震爲乾夫大有大壯  
也月之變又含日與星辰之變則會之元會運世兌  
之乾兌離震爲履兌睽歸妹矣運之元會運世世之  
元會運世皆然皆一卦含四卦也鮑氏發微曰陽



爲奇陰二爲偶是以一元之數起於乾爲起數之端  
猶一歲包年月日時而爲之也乾之後有兌兌爲月  
其數二衍之爲十二一歲有十二月也兌之後有離  
離爲日其數三衍之爲三百六十一歲有三百六十  
日也離之後有震震爲時其數四衍之爲四千三百  
三十一歲有四千三百二十時也此一二三四爲天  
地生物之始數陽之所以先乎陰也震四之後繼以  
巽五陰元之氣莫先於此是爲巽元之數衍之爲十  
二萬九千六百年爲起數之端坎六繼之是爲巽元  
之月數衍之爲一百五十五萬五千二百月艮七又  
繼之是爲巽元之日數衍之爲四千六百六十五萬  
六千日若夫巽之時數則居坤之八焉又衍之而得  
一五萬五千九百八十七萬二千時此五六七八又天  
地成物之終數陰之所以承乎陽也大抵乾兌離震  
包巽坎艮坤在其中自子至巳上六辰皆屬乾謂之  
先天自午至亥下六辰皆屬坤謂之後天後天皆效  
先天而爲之也

日一位月一位星一位辰一位日有四位月有四位星

有四位辰有四位四四十有六位盡此一變而日月之數窮矣

日一位爲元月一位爲會星一位爲運辰一位爲世日有四位者日之日日之月月日之星日之辰也月有四位者月之日月之月月之星月之辰也星有四位者星之日星之月星之星星之辰也辰有四位者辰之日辰之月辰之星辰之辰也盡此一變者日月星辰各有一變爲十六位也辰之日爲四千三百二十世辰之月爲十二萬九千六百年辰之星爲一百五

皇極經世一

三四明藏書

約國刊本

十五萬五千二百月辰之辰爲四千六百六十五萬六千日變自日起而至於辰則盡其變矣由是辰之星與辰卽得一元月日之細數故曰日月之數窮矣窮者言盡其數無所遺也尙有時分秒末之數未言是天地之細數尙未盡故止曰日月之數下文十六變則及於秒末矣故始曰天地之數窮

四日四位

日之辰	日之星	日之月	日之日
壹三三三	四三三三	履十二	乾一
元之世	元之運	元之會	元之元

十月四位

歲隨 <small>五萬二千八百四十</small>	早早早千	元之會	元之元
會世	會之運	會之會	會之元

六星四位

星步辰	星之星	星之月	星之日
星步辰	星之星	星之月	星之日
運之世	運之運	運之會	運之元

圖辰四位

日震 <small>二六萬三千五百</small>	豐 <small>二百五十五萬八千四百</small>	奕 <small>五萬二千</small>	奕 <small>四萬三千</small>
世之世	世之運	世之會	世之元

皇極經世理義卷一

三四四明叢書 約園刊本

天有四變地有四變變有長也有消也十有六變而天地之數窮矣

總細數而合之為長舉其大數中之細數分言之曰消元會運世年月日時總八變矣然有大數又有小數八變之中又有分秒等八細數含於其中總十有六變而天地之數盡矣大數積於細數以細數而逆推之如以細數為三十沒二以十二因之總三百六十數三以三十因之總一萬八百數四以十二因之總一十二萬九千六百數五以三十因之總三百八

十八萬八千數六以十二因之總四千六百六十五  
萬六千數七以三十因之總十三億九千九百六十  
八萬數爲一秒八以十二因之總一百六十七億九  
千六百一十六萬數爲一分九以三十因之總五千  
三十八億八千四百八十萬數爲一時十以十二因  
之總六萬四百六十六億一千七百六十萬數爲一  
日十一以三十因之總一百八十一萬三千九百八  
十五億二千八百萬數爲一月十二以十二因之總  
二千一百七十六萬七千八百二十三億三千六百

萬數爲一年十三以三十因之總六兆五千三百三  
萬四千七百億八千萬數爲一世十四以十二因之  
總七十八兆三千六百四十一萬六千四百九億六  
千萬數爲一運十五以三十因之總二千三百五十  
兆九千二百四十九萬二千二百八十八億爲一會  
十六以十二因之總二萬八千二百一十一兆九百  
九十萬七千四百五十六億合同人之數爲一元是  
謂十有六變也

天各地各四變圖



皇極經世一

四明叢書  
約圖刊本

日起於一月起於二星起於三辰起於四衍而伸之陽  
數常六陰數常二十有二變而大小之運窮矣

日月星辰所以經元會運世如所謂日甲月子星甲  
辰子者是也乾爲元故曰日起於一兌爲會故曰月  
起於二離爲運故曰星起於三震爲世故曰辰起於  
四衍而伸之者衍之爲十六位圖又衍之爲六十四  
位圖如陽數以三十起者曰三百六十曰十二萬九  
千六百皆六也如陰數以十二起者曰四千三百二  
十曰一百五十五萬三千二百皆二也天地之始終

盡於此數矣故曰大小之運窮

三百六十變爲十二萬九千六百十二萬九千六百變  
爲一百六十七億九千六百一十六萬一百六十七億  
九千六百一十六萬變爲二萬八千二百一十一兆九  
百九十萬七千四百五十六億以三百六十爲時以十  
二萬九千六百爲日以一百六十七億九千六百一十  
六萬爲月以二萬八千二百一十一兆九百九十萬七  
千四百五十六億爲年則大小運之數立矣

此本先天圖以起數先天圖有六十四卦總三百八

皇極經世釋義

卷一

三十四明叢書

約園刊本

十四爻去乾坤離坎四卦則有三百六十爻正合一

元三百六十運一年三百六十日之數故以之相乘

起數而立大小運爲時爲日爲年爲月者一元之元

會運世卽一年之年月日時故以年月日時當元會

運世非眞指年月日時言也年者元也元之細數總

二萬八千二百一十一兆九百九十萬七千四百五

十六億其大數乃合三百六十爻而爲一也月者會

也會之細數分一元十二分之一得二千三百五十

兆九千二百四十九萬三千二百八十八億其大數

於一元三百六十爻中分得三十爻其所包中數以三百六十乘三十爻爲一萬八百又以十二萬九千六百乘一萬八百爲十三億九千九百六十八萬然後以十三億九千九百六十八萬爲實以一百六十七億九千六百一十一萬乘之使得前二千兆之細數矣會乃是一百六十七億九千六百一十六萬箇一十三億九千九百六十萬細數也故曰以一百六十七億九千六百一十六萬爲月日者運也運之小數分一會三十分之一得七十八兆三千六百四十二萬六千四百九億六千萬其大數於一會三十爻中得一爻其所包中數爲一箇三百六十以十二萬九千六百乘之爲四千六百六十五萬六千又以一百六十七億九千六百一十六萬乘之合前七十八兆細數運乃是十二萬九千六百箇三百六十中數也故曰以十二萬九千六百爲日時者世也世之小數分一運十二分之一得六兆五千三百三萬四千七百億八千萬其大數已盡於一運一爻三百六十六中數內分得三十以十二萬九千六百乘之該三百

八十八萬八千若以前一運十二萬九千六百拆爲  
十二時而此得一算之當得一萬八百箇三百六十  
亦合此數又以一百六十七億九千六百一十六萬  
乘三百八十八萬八千卽合前細數時乃是三百六  
十箇一萬八百拆數也故曰以三百六十爲時以數  
之小大而言則三百六十爲大十二萬以下三數以  
次漸分爲小故以三百六十運起數以數之多寡而  
言則二萬八千二百一十一兆九千九百九十萬七  
千四百五十六億爲多一百六十七億以上三數以  
次漸分爲寡故反以三百六十數寡者爲時以積次  
其數之多者爲日爲月爲年惟年是正數日月時皆  
拆數也特取其數之名以爲別耳補註曰此言一元  
大小運之數用數也蓋三百六十乘三百六十爲十  
二萬九千六百十二萬九千六百乘十二萬九千六  
百爲一百六十七億九千六百一十六萬一百六十  
七億九千六百一十六萬乘一百六十七億九千六  
百一十六萬爲二萬八千二百一十一兆九百九十  
萬七千四百五十六億體數有三百八十四用數有



三百六十用數之用有二百五十二用數大運之數  
也用數之用小運之數也

二萬八千二百一十一兆九百九十萬七千四百五十  
六億分而爲十二前六限爲長後六限爲消以當一年  
十二月之數而進退三百六十日矣

此以元經會之數也曰以當一年十二月之數者一  
元在大化中猶一年也故假年月可見者之名目明  
之一年十二月一元十二會也三百六十日三百六  
十運也運之在於一元猶日之在於一年也進數三

百六十日退數又三百六十日者運有消長猶日有  
晝夜分消長而各數之則分三百六十而各用其半  
故有七百二十運也非有七百二十運也分其數爲  
二而用其半數各爲一也若合而總言之止三百六  
十運耳發微曰體數者三百八十四而用數止於三  
百六十一年正數得三百六十以經世推之十二運  
用九則用二百七十日今以一元三百六十運中止  
用二百四十運加閏數不過二百五十二者用開物  
八會也開物於寅中星七十六閉物於戌中星之三十  
百一十五是爲八會又加以閏數十有二也

天有生物之時地有生物之數主天而言一年用三百六十日主地而言自草木萌動至地始凍用二百五十二日也故卦氣圖在日數則三百八十四日在時數則三百五十六日止有三千七十二時此大小運之所以分也盡取十二限進退三百六十日又有限進六日而退亦若是陰陽賡續分治一元別而言之各有三百六十陰分乎陽折乎半數若合而言之陽進陰退共成三百六十者陽包乎陰總全數也故此大小運法別退數閏數而言明天地陰陽之數正

閏相生分半而通用同本而異名也

一百六十七億九千六百一十六萬分而爲三十以當一月三十日之數隨大運之消長而進退六十日矣

此一會經三十運之數一百六十七億九千六百一十六萬者非上面細數也每一數包上面十三億九千九百六十八萬細數在其內乃一百六十七億九千六百一十六萬箇十三億九千九百六十八萬也故曰每限得十三億九千九百六十八萬之一百六十七億九千六百一十六萬分而爲三十者一會三

十運□□□□五萬五千九百八十七萬二千爲  
一日各以其半數二萬七千九百九十三萬六千爲  
一日也此一會三十運之數數有消長故分爲六十  
運卽前一元大運十二限中之一限也如其時在前  
六限長數內則進六十運如在後六限消數內則退  
六十運故曰隨大運之消長而進退六十日日卽運  
也進者非進其數加多也算進數六十運也退者非  
退其數加少也算退數六十運也止一六十運也或  
作進數或作退數不同耳非有兩六十運爲一百二  
之耳

皇極經世釋義

卷一

學三四明叢書

約圖刊本

十運也此一會與一元之數所以算天地始終之運  
者也故曰大運數有消長朮胸故每一數分爲二數  
一元有七百二十運一會有六十運以其半數分言  
之耳  
十二萬九千六百分而爲十二以當一日十二時之數  
而進退六日矣

此一運之數而起數得十二萬九千六百箇三百六  
十中數爲四千六百六十五萬六千其細數得七十  
八兆三千六百四十一萬六千四百九億六千萬所

以算年者也故曰小運六日者六年分而爲十二段  
前六段算進數六日後六段算退數六日共十有二  
年也本只六年之數耳於十二萬九千六百十分用  
七得九萬七百二十內八萬六千四百爲開物八會  
正數餘四千三百二十爲閏數故除四千三百二十  
爲閏數十二分外每一年正數當得一萬四千四百  
數以其數有朧朧而分半兩言之故成十二每一日  
爲一年當得七千二百數

三百六十以當一時之數隨小運之進退以當晝夜之  
時也

世在於元猶時之在於年也故此以一世之數而起  
數以當一時之數所以當算一年之月數者也於上  
十二萬九千六百數中得一萬八百箇三百六十爲  
三百六十箇一萬八百十分用七得二百五十二箇  
一萬八百除十二爲閏數於一分其正數爲二百四  
十若以一萬八百箇三百六十分用七言之當得  
七千五百六十箇三百六十內除三百六十箇三百  
六十爲閏數一分其正數當得七千二百箇三百六

十正合前一時之數晝夜之時時卽月也一日十二時六爲晝六爲夜一年十二月自子至巳六月猶晝自午至亥六月猶夜以晝夜六時之數各分爲二計之每一時得三百之數則晝夜各有十二時爲二日一年又分爲二年算矣此以三千六百爲一年此一時之數卽前六段年小運十二段中之一段也如其時在前六段六日進數內則以此七千二百之數分作進數一日晝夜各十二時如在後六段六日退數內則以此七千二百之數分作退數一日晝夜各十二時故曰隨小數運之進退以當晝夜之時也大運小運皆以進退言者蓋數之進者氣之盛數之退者氣之衰大運以六十運爲一變小運以六十年爲一變變而進者則爲得爲吉變而退者則爲失爲凶古今治亂興衰之故皆由此可推也

十六變之數去其交數取其用數得二萬八千二百一十一兆九百九十萬七千四百五十六億分爲十二前六限爲長後六限爲消每限得十三億九千九百六十八萬之一百六十七億九千六百一十六萬每一百六

十七億九千六百一十六萬年開一分進六十日也六  
限開六分進三百六十日也猶有餘分之一故開七分  
進三百六十六日也其退亦若是矣

十六變解見前章皇極數本之先天圖圖有三百八  
十四爻故三百八十四爻爲體數蓋二十四氣爲一  
年每一氣歷十五日零二時五刻是一氣有十六日  
合二十四氣則當有三百八十四日內二十四日交  
數也故於三百八十四爻之中去乾坤離坎四卦二  
十四爻之數蓋以二十四爻當交數也用其三百六  
十用數也十六變之數正是去其交數取其用數三  
百六十三乘之乃得二萬八千二百一十一兆九百  
九十萬七千四百五十六億年字疑衍開除也以十  
三億九千九百八萬六百合爲一算每一百六十七  
億九千六百一十六萬算爲一分故開除此一分之  
算數卽算進數六十日也六限其進三百六十日兼  
餘分一分當得四百二十日矣非四百二十日也乃  
於餘分之一六十日數內分得一十六億七千九百  
六十一萬六千乃六日之數也每一日該得二億七

千九百九十三萬六千此云六日否亦是舉成數言耳若要其實止該得十四億六千九百六十六萬四千爲五日零三時此本止是三日之數折半而中分用之則成六日故曰進三百六十六日此節申上文大運之意大運者天地始終運行之數也故十分全用此對體數之用數也下文小運乃八會生物之時之數故十分用七十二萬九千六百之三三百六十止用其二百五十二運閏所謂用數之用也

皇極經世程頤卷一

四明叢書 約國刊本

一元消長總運圖

元會運世

日甲子	一星	辛辰	六十年	八	辟復
月丑	二星	辛辰	七十年	二萬	臨
月寅	三星	辛辰	八十年	三萬	泰
月卯	四星	辛辰	九十年	四萬	泰
月辰	五星	辛辰	八十年	五萬	夬
月巳	六星	辛辰	六十年	六萬	乾
月午	七星	辛辰	五十年	七萬	姤
月未	八星	辛辰	四十年	八萬	遯
月申	九星	辛辰	三十年	九萬	否
月酉	十星	辛辰	二十年	十萬	觀
月戌	十一星	辛辰	十年	十一萬	剝
月亥	十二星	辛辰	十年	十二萬	坤

開物星之紀

曆要始星受頁十辰之末  
辛一百五十六萬股國秦覽漢  
西晉六國南北朝隋唐五代  
宋

閉物星之戊三  
一十五

一元消長分算圖

運閏數在外

日甲	會子	會丑	會寅	會卯	會辰	會巳	會午	會未	會申	會酉	會戌	會亥
	一百六十七億九千六百六十八萬	一百六十七億九千六百六十七萬	一百六十七億九千六百六十六萬	一百六十七億九千六百六十五萬	一百六十七億九千六百六十四萬	一百六十七億九千六百六十三萬	一百六十七億九千六百六十二萬	一百六十七億九千六百六十一萬	一百六十七億九千六百六十萬	一百六十七億九千六百五十九萬	一百六十七億九千六百五十八萬	一百六十七億九千六百五十七萬
	六十日	六十日	六十日	六十日	六十日	六十日	六十日	六十日	六十日	六十日	六十日	六十日

長數三百六十運所謂

進三百六十日者也

消數三百六十運所謂

退三百六十日者也

皇極經世釋義

卷四

大運以十三億九千九百六十八萬細數為一算

全數

以五億五千九百八十七萬二千算為一日

以一億三千九百九十六萬八千算為四分日之

一

半數

以二億七千九百九十三萬六千算為一日

以六千九百九十八萬四千算為四分日之一

十二萬九千六百去其二者交數也取其七者用數也



用數三而成於六加餘分故有七也七之得九萬七百二十年半之得四萬五千三百六十年以進六日也日有晝夜數有朧朧以成十有二日也每三千六百年進一日凡四萬三千二百年進十有二日也餘二千一百六十年以進餘分之六合交數之二千一百六十年共進十有二分以爲閏也故小運之變凡六十而成三百六十有六也

天地之用數各三合而言之則成六而天猶侵地而有餘分故七凡年字俱疑衍半之者分一日朧朧之

皇極經世釋義

卷四

約圖刊本

數爲二而各數之故算進數三日爲六日此以七千二百爲一日然日又有晝夜與數又有朧朧分晝夜之時與朧朧之數四者各數之則進數六日又分爲二故曰以成十有二日此以三千六百爲一日退數亦然則分一日爲四日六日之數其分爲二十四日算矣若合其數而總言之本只是六日也蓋一百四十四乃十二之十二皇極秒數也故以一千四百四十爲一分一萬四千四百爲一日然必以六日算者天以六變也疾行爲朧遲縮爲朧天一日一周天三

百六十五度四分度之一而日過日一度日一日一周天而無餘無欠月一日一周天而不及日十二度十九分度之七是一日有朏朧也以九萬七百二十中分之前爲陽爲晝凡四萬三千二百爲進正數十二日餘二千一百六十分爲六分每分得三百六十爲進閏數六分又取交數之不用者二千一百六十分合餘分而計之共爲進數十二分之閏數後爲陰爲夜亦四萬三千二百爲退正數十二日餘二千一百六十爲退閏數六分亦取交數之不用者二千一百六十合餘分而計之共爲退數十二分之閏數共二十六日四分此分一爲四而言故有此數若總言本止有六日零六分每分當得一千四百四十必合交數者必取交數四千三百二十而後閏數得足此六日十分日之一也玄玄集曰天地開闢二會半計二萬七千年後方爲開物之時開物者士農工商之人走飛草木之物生生化全備於天地之間未開物前四千三百二十年間天氣下降地氣上升人物逐氣而生隨地而長故會經運開物後閉物前止有八

萬六千四百年運未開物前生生化化之時共九萬七百二十年乃先天圖圖之用閉物後先無動物又歷四千三百二十年而植物始盡天地方翻覆混沌共九萬七百二十年此一元三十分之二十一分也乃先天方圖之用故曾經運共九萬五千四十年此一元三十分之二十二分也乃十二萬九千六百年中各十之七也通變日一年三百六十六日以二百五十二日爲生物時數餘一百十四日又以十二爲閏數故實用之數二百六十四爲動植用數也此二

說皆合交數之謂也一運之數凡三百六十年十二萬九千六百日用數九萬七百二十日每年用二百五十二日總所去交數而言共有十二萬九千六百日小運六年一變自十二萬九千六百爲一變六年起凡六十變至三百六十年年有三百六十日適合一運十二萬九千六百日之數每一數含三百六十爲四千六百六十五萬六千此每一數又各含一百六十七億九千六百一十六萬細數在內則有七八兆三千六百四十一萬六千四百九億六千萬爲

一運之細數由此而積至十二運則得臨卦九百四十兆三千等萬之數不已而至十三運卽與一會六十運一大變二千三百五十兆之數合矣故小運之數止於臨爲六變一運止三百六十年耳曰成三百六十有六者合閏數而言也或曰一年三百六十五日零三時五日三時閏數也其數總該七萬五千六百分在六十變中每十變該得一萬四千四百分日之一萬二千六百每一變該得一萬四千四百分日之一千二百六十每一變之一口該得二百一十爲

餘分若更以日與餘分各四分之一日止該得五十二零半數耳今乃以所餘二千一百六十進餘分之六矣又取交數之二千一百六十其進十有二分以爲閏者何哉若必如此則六十變後得三百六十日時其進退多餘積數當有五十一萬八千四百數該多三十六日矣安得曰成三百六十有六也曰非也凡經世數所謂餘分交數者多舉其虛數而言如二十四氣每一氣本只得十五日零二時五刻耳乃曰一氣有十六日蓋因二時五刻在第十六日之中遂

舉其成數言也三百六十爻以二十四爻爲閏數三百六十運以二十四運爲閏數正是此意然則此所謂進十有二分以爲閏者豈果悉以三百六十爲一分而盡用之哉蓋亦謂每一分三百六十數中得其五十二零半數以爲一日之餘分耳積其餘分十有二日當得十有二分共六百三十乃其實數也退數十有二日亦然共一千二百六十積十變該得一萬二千六百積六十變則得七萬五千六百以一萬四千四百爲日法而除之正得五日零三時合之於三百六十則爲三百六十有六矣蓋三時之零在第六日也故以三時亦算一日

小運日法日者年也

全數以一萬四千四百爲一日

以三千六百爲四分日之一

以一千四百四十爲一日餘一分虛數

以二百一十爲一日餘一分中所得實數

一日爲一年正數一萬四千四百閏數二百一十以此數分爲三百六十五日零三時三時四分日之一

也

以四十爲一日 以二十爲四分日之一

半數

以七千二百爲一日

以七百二十爲一日餘一分虛數

以一百五爲一日餘一分中所得實數

此一日爲半年折算爲一年以七千三百五分爲三百六十五日四分日之一

以二十爲一日 以五爲四分日之一

皇極經世釋義

卷一

四男藏書  
約園刊本

四分數

以三千六百爲一日

以三百六十爲一日餘一分虛數

以五十二零半數爲一日餘一分中所得實數

此一日爲一時三月折算爲一年以三千六百五十二零半數分爲三百六十五日四分日之一以一分爲一分

以十爲一日 以二數半爲四分日之一

假如夏禹八年入午會第一甲子運甲子世之甲子

年乃是小運第一百六變之始自八年追取子丑二月算起歷九年十年十月止以三年分爲二作進數六日十一年十二年十三年亦以三年分爲二作退數六日八年爲甲子一年分作四年如祝氏法起卦其年得損五上節初二爲閏數節三四五上爲正數子丑寅三月爲一日節之六三用事卯辰巳三月爲一日節之六四用事此二日爲晝數午未申三月爲一日節之九五用事酉戌亥三月爲一日節之上六用事此二日爲夜數十一年以後退數亦然卽其進

退之節參其晝夜之數以卦爻之義變而斷之吉凶見矣此變旣完至十四年又爲一變之始進退相因晝夜相代終始循環周而復始直至今日皆可推考天統乎體故八變而終於十六地分乎用故六變而終於十二天起於一而終於七秭九千五百八十六萬六千一百一十垓九千九百四十六萬四千八京八千四百三十九萬一千九百三十六兆地起於十二而終於二百四垓六千九百八十萬七千三百八十一京五千四百九十三萬八千四百九十九兆七百二十萬億也

陰數十二陽數三十合陰陽二數相生爲一變元會  
運世爲天年月日時爲地統者兼也地有體而天兼  
統之也故一元大運言天之運行之時也全用同人  
八變之數而極其數終於十六變八與六皆體數也  
如乾一變夬爲十二大有以三十因十二爲三百六  
十二變大壯以十二因三百六十爲四千三百二十  
小畜以三十因四千三百二十爲一十二萬九千六  
百自此以後皆以十二三十反覆相因三變需一百  
五十五萬五千二百大畜四千六百六十五萬六千  
四變泰五億五十九百八千七萬二千履一百六十  
七億九千六百一十六萬五變兌二千一十五億五  
千三百九十二萬睽六萬四百六十六億一千七百  
六十萬六變歸妹七十二萬五千五百九十四億一  
千一百二十萬中孚二千一百七十六萬七千八百  
二十三億三千六百萬七變節二兆六千一百二十  
一萬三千八百八十億三千二百萬損七十八兆三  
千六百四十一萬六千四百九億六千萬八變臨九  
百四十兆三千六百九十九萬六千九百一十五億



二千萬同人二萬八千二百一十一兆九百九十萬  
七千四百五十六億此所謂八變所以立大運者也  
由此更以十二三十反覆變之歷革離豐家人既濟  
賁明夷无妄隨噬嗑震益屯頤復姤十六卦又其爲  
八變遂得七秭之數而天之分數盡矣是之謂終於  
十六分者天主用而地分助之也地分乎用故小運  
主年而言地上生物之時也分用乎同人六變之數  
而極其數亦止終於十二變六與十二皆用數也何  
也天地之體數各四爲八各去一用三則各四成六

皇極經世釋義

卷一

五十六

四明叢書

約圖刊本

矣四四一十六體也去一用三則十二矣地長數亦  
起於夬與天無異此地之折數也然小運用十二萬  
九千六百起數則隨天數致用自小畜之數起至臨  
與大運合而接同人則是與同人八變之數去乾夬  
大有大壯不用矣去乾夬大有大壯不用者何乾夬  
大有大壯元會運世數也此言小運年數也故去之  
爲六變一變小畜需以十二乘之爲一百五十五萬  
五千二百二變大畜以二十因需之數爲四千六百  
六十五萬六千泰以十二因大畜爲五億五千九百

八十七萬二千自此以後以三十二反覆相因三變履兌四變睽歸妹五變中孚節六變損臨此所謂六變所以立小通者也又由此更以三十二反覆變之歷同人至震十二卦與天之世之世卦合天地始終數圖世之世爲震爲大數十六位之極又其爲六變遂得二百四核之數隨天致用之數止於此矣是之謂終於十二天起於一而終於七秭至二十萬億也二句是申終於十六終於十二之意通變曰天去一故體數自夬而起八變至同人又八變至姤而終地去四故用數自小畜而起六變至臨又六變至震而終康節於大運言體數舉同人二萬兆之數者八變之終也於小運言用數舉小畜十二萬之數者六變之始也蓋體用互舉始終以相發明也又曰天之體數之終與分數同地之用數之終與長數不同者長數地之本數用數則隨天而用者也非陰之本數也又曰同人者八變之數也計三百三十六自乾一變夬十二起三百六十得三十自此以十二三十三反覆分於十六位至同人總之合此數臨者六變之

數也計二百五十二除大壯以上五十四同人三十  
其餘八十四故止有此數六變之數自十二萬九千  
六百年之數而行八變之數自十二會之數而行先  
生大小運數大運舉同人數者舉體數而要其終也  
分其數爲十二者主會而用也小運舉小畜數者舉  
用數而原其始也取其九萬七百二十日主年而用  
也

乾爲一乾之五爻分而爲大有以當三百六十之數也  
乾之四爻分而爲小畜以當十二萬九千六百之數也

皇極經世釋義

卷一 四明叢書

約園刊本

乾之三爻分而爲履以當一百六十七億九千六百一  
十六萬之數也乾之二爻分而爲同人以當二萬八千  
二百一十一兆九百九十萬七千四百五十六億之數  
也乾之初爻分而爲姤以當七秭九千五百八十六萬  
六千一百十垓九千九百四十六萬四千八京八千四  
百三十九萬一千九百三十六兆之數也是謂分數也  
分大爲小皆自上而下故以陽數當之如一分爲十二  
十二分爲三百六十也

以三百六十之數爲三百六十運此一元大數也下

十二萬等三數皆三百六十運中所包細數但分言之以極於細耳故曰分大爲小此大小以分統言自上而下者從一元上面大運而下分至於秒沒之數以上爲主上者陽也故以三百六十等陽數當之凡六字在數中者陽數也此所謂天數天卦用之起數而算天地始終大數者也天卦用元之本數元陽也故曰天

通變曰

天數

皇極經世燿義

卷一

五十四明叢書

約園刊本

一自乾而始天起於一也凡一位八卦而虛二數故數有十卦有八而先生謂天地各以一變四四者有體其一無體也

十二

三百六十

四千三百二十以上變數總五十五爲天之天之元會運世之數所謂運數在天者也

一十二萬九千六百

一百五十五萬五千二百

四千六百六十五萬六千

五億五千九百八十七萬二千以上變數總八十四  
爲天之地之年月日辰之數所謂年數在地者也

以前乾八位之變者天之正數也

一百六十七億九千六百一十六萬當履卦

二千一十五億五千三百九十二萬當兌卦

六萬四百六十六億一千七百六十萬

七十二萬五千五百九十四億一千一百二十萬

二千一百七十六萬七千八百二十三億三千六百

皇極經世釋義

卷一  
四明叢書

約圖刊本

萬

二兆六千一百二十一萬三千八百八十億三千二

百萬

七十八兆三千六百四十一萬六千四百九億六千

萬

九百四十兆三千六百九十九萬六千九百一十五

億二千萬

以上變數總一百六十八爲地之天地之元會運世  
年月日辰之數通前得二百五十二者爲用數六變

之數兌八位之變者地之正數也

二萬八千二百一十一兆九百九十萬七千四百五十六億當同人卦

三十三萬八千五百三十三兆一千八百八十八萬九千四百七十二億

一千一十五萬五千九百九十五兆六千六百六十八萬九千四百七十二億

自此以後以十二三十反覆因之七秭之數可得矣由七秭而又以十二三十反覆因之

皇極經世釋義卷一

空四明叢書

約園刊本

歷坤反剝雖萬萬極之數皆可得矣詳具於通變此不能盡述

一生二爲夬當十二之數也二生四爲大壯當四千三百二十之數也四生八爲泰當五萬五千九百八十七萬二千之數也八生十六爲臨當九百四十兆三千六百九十九萬六千九百一十五億二千萬之數也十六生三十二爲復當二千六百五十二萬八千八百七十七兆三千六百六十四萬八千八百京二千九百四十七萬九千七百三十一兆二千萬億之數也三十二生六

十四爲坤當無極之數也是謂長數也長小爲大皆自下而上故以陰數當之

一者一沒也十二者十二沒也爲一忽之數從一忽之數長至無極之數合之而爲一元大數故曰長小爲大此大小以多寡言自下而上以下爲主下陰也故以十二等陰數當之凡二字在數終者陰數也此所謂地數地卦因之以算萬物細數者也地卦用會之折數會陰也故曰地

通變曰

皇極經世釋義卷一

三四明發書  
約圖刊本

地數

十二自夬而起地上之數起於二也

大有一百四十四十二

大壯四千三百二十三十

小畜五萬一千八百四十

需一百五十五萬五千二百三十

一千八百六十六萬三千四百當大畜卦皇極十六

位世之世數止於此一位祈十六位又偶之乃得泰

之數而三十分加二五億五千九百八十七萬二千

當泰卦天之運行地之生物物之通數皆會於此故卦氣圖元之元起於泰卦也

六十七億一千八百四十六萬四千當履卦

二千一十五億五千三百九十三萬

二萬四千一百八十六億四千七百四萬

七十二萬五千五百九十四億一千一百二十萬

八百七十萬七千一百二十九億三千四百四十萬

二兆六千一百二十一萬三千八百八十億三千二

百萬

皇極經世釋義

卷一

三四明蔽書

約圖刊本

三十一兆三千四百五十六萬六千五百六十三億  
八千四百萬

九百四十兆三千六百九十九萬六千九百一十五  
億二千萬

一萬一千二百八十四兆四千三百九十六萬二千  
九百八十二億四千萬當同人卦

自此以後以三十二反覆因之二百四核  
之數可得矣又由二百四核而推之雖坤無  
極之數以極之於萬萬極皆不過此三十三



二相因而得也詳具於通變

天自臨以上地自師以上運數也天自同人以下地自  
遯以下年數也運數則在天者也年數則在地者也天  
自賁以上地自艮以上用數也天自明夷以下地自否  
以下交數也天自震以上地自晉以上有數也天自益  
以下地自豫以下無數也

經世天地始終之數圖本之先天圖乾兌離震四圖  
爲天巽坎艮坤四圖爲地天圖者元會運世之數所  
謂運數在天者也地圖者年月日辰之數所謂年數

皇極經世釋義

卷一

中西四明叢書

約圖刊本

在地者也此運數年數分屬天地之大限也若以天  
地各分爲二言之則乾兌二圖爲天之天巽坎二圖  
爲地之天皆大數運數也離震二圖爲天之地艮坤  
二圖爲地之地皆細數年數也離震之數本大於巽  
坎也然巽坎反爲大數者何就天地而各分大小也  
巽坎言歲月雖皆年數然以歲月日辰而自分大小  
則又視歲月爲元會運世爲運數視日辰爲歲月日  
辰爲年數矣此小元也十六卦爲交數者四分去一  
而用三也天之用數起於賁賁者顯也而自震以上

已爲有數者數已形而未用也地之用數止于艮  
者止也而至晉尚爲有數者用雖止而數未盡也故  
曰交數乃用不用相交之間也八卦爲無數者震爲  
天辰不見坤爲至陰無功且以十二卦一元圖觀之  
則坤之前後乃閉物之後未開物之先混沌蒙蒙象  
數不立故爲無數然必以八卦者八卦各生七卦而  
自隱其體故無數者必八也通變曰天自臨以上地  
自師以上爲天之天地之天之元會運世數天自同  
人以下地自遯以下爲天之地地之之年月日辰  
數天自乾至臨地自遁至師一百九十二策去乾與  
坎則一百八十策天自同人至復地自遯至坤一百  
九十二策去離與坤則一百八十策一元三百六十  
運一運三百六十年消長迭用各得其半故經世大  
小運止用其半數也年數卽運數地數卽天數然運  
數統其大年數分其細天數屬陰陽之陽各當元會  
運世之數地數屬陰陽之陰各當年月日時之數既  
有運有年又分天分地一數拆而成四故自九十七  
數之變言之臨當九百兆同人當二百兆師當七千

溝遊當二十三萬溝之數也天自賁以上地自艮以上爲用數者二百七十六也八卦爻數三百八十四去其乾坤坎離故用數三百六十六位爻數二百八十八去其乾與坎離故口數也用二百七十此多六數者陽去離陰去坎存乾六策以當餘分也天自明夷以下地自否以下爲交數者交數主剛柔而言故存復以爲主自明夷至頤而八自否至坤而八也八之中細別而言則交數四無數四合之則皆交數也天自震以上地自晉以上爲有數者有數主乾而言

故自晉至姤二十七自震至夬二十七兼乾則五十五也卦數八八六十四各得一爲本則七八五十六者三百三十六爲十一月而加餘分之日也五十四者三百二十四爲十一月而除小盡之日也五十五者三百三十爲十一月之足數也天自益以下地自豫以下爲無數者無數主坤而言故自益至復自豫至剝各四卦則無數之八也愚按體數之用二百七十者十二會用九會之數以致用也以掛一圖二百五十六卦所以分管一元者言之亦然二百五十六

卦分直三百六十運并闕數二十四運每四爻直一  
運三百六十年每一爻直九十年每一卦上下二體  
每體三爻得二百七十年數掛一圖二百五十六卦  
本用六十四卦而四之是體數三百八十四也然以  
其數而致用則每三爻止得二百七十年故曰體數  
之用二百七十已是兼閏數言矣通變以多六數爲  
存乾以當餘分竊恐未然用數者乾之所爲也故存  
乾以用二百七十之數乾非餘分之策也乾以用數  
而不以爲數者也乾之後多一卦者開物於寅閉物  
於戌陰數本多也

辟數祖先天圖

皇極經世釋義  
卷一 六十八



天之有數起乾而止震餘入於無者天辰不見也地去一而起十二者地火常潛也故天以體爲基而常隱其基地以用爲本而常藏其用也一時止於三月一月止於三十日皆去其辰數也是以八八之卦六十四而不變者八可變者七八五十六其義亦由此矣

震爲辰之位辰者天之體日月所會之躔次耳穹窿而無象也故震自益以下四卦爲無數經世十六位圖亦元之元數起乾而至於震爲世之世之數而止地卦之數本於乾之一乃去其一而起夬之十二者

正猶地取天以成用而常潛其火也火之光常隱於木石之中無體可見也辰者地之餘氣在天天托之以爲體火者天之餘氣在地地承之以爲用陰陽互根也常隱其基藏其用者陰爲陽勝陽爲陰掩交數也辰數者體數也卽交數也一時四月一月四十日體數之相交者也去其體數之一則用止於三矣八八六十四卦體數也不變者八卦乾坤離坎頤中孚大小過也可變者七八五十六卦二卦反覆止一卦也變者爲用而有不變者八是亦去體數之義也

有地然後有二有二然後有晝夜二三以變錯綜而成故易以二而生數以十二而起而一非數也非數而數以之成也

有地則對天而成二有二則天爲地隔陽與陰相間然後有晝夜有二則二合其一爲三遂有三三三以變遂往來交錯而成十百千萬之數矣易以二而生者所謂兩故化也數以十二而起者大數起於十二會小數起於十二沒也一非數者數之本也故數以之成

天行不息未嘗有晝夜人居地上以爲晝夜故以地上之數爲人之用也

天行不息何嘗有晝夜哉惟人居地上則天爲地所隔而人之目力有所不及無後有明有暗分爲晝夜晝夜者地上之數以人之目力有見不見而分也非天有晝夜也故天之運總其數之全人之用分其數之七地上之數也

陽爻晝數也陰爻夜數也天地相銜陰陽相交故晝夜相雜剛柔相錯春夏陽多也故晝數多夜數少秋冬陰

多也故晝數少夜數多

此以先天圖言凡百九十二陽爻皆晝數也凡百九十二陰爻皆夜數也然陰陽爻必左右錯居者何也蓋地居天中而天以氣而包銜之陰陽二氣必交錯而流行故晝夜數必相雜而剛柔爻皆相錯也左爲陽而亦有陰爻右爲陰而亦有陽爻是也此言陰陽之互根左爲春夏春夏則陽用事陽多也故左一百一十二陽爻止有八十陰爻晝數多而夜數少卽晝長而夜短也右爲秋冬秋冬則陰用事陰多也故右

皇極經世釋義

卷一

三四明叢書

約園刊本

一百一十二陰爻止有八十陽爻晝數少而夜數多卽晝短而夜長也此言陰陽之分盛

體數之策三百八十四去乾坤離坎之策爲用數三百六十體數之用二百七十去乾與離坎之策爲用數之用二百五十二也體數之用二百七十其一百五十六爲陽一百十四爲陰去離之策得一百五十二陽一百一十二陰爲實用之數也蓋陽去離而用乾陰去坤而用坎也是以天之陽策一百一十二去其陰也地之陰策一百一十二陽策四十去其南北之陽也極南大暑極北



大寒物不能生是以去之也其四十爲天之餘分邪陽  
侵陰晝侵夜是以在地也合之爲一百五十二陽一百  
十二陰也陽去乾之策陰去坎之策得一百四十四陽  
一百八陰爲用數之用也

此言經世數皆本於先天圖先天圖者數之祖也經  
世有卦氣圖用二百五十六卦分主三百六十運及  
其閏數二十四運每運用四爻直之以之求天地運  
行之數者也用六十四卦而四之又有序呂倡和圖  
用方圖六十四卦天卦十六位爲律如日日聲爲乾  
日月聲爲履日星聲爲同人日辰聲爲无妄之類得  
西北方十六卦每一位各唱呂圖十六位以兩卦竝  
處而橫觀之遂得西南方交數之十六卦矣如以日  
日聲之乾唱水水音之坤以乾居左坤居右從右邊  
橫觀之則上下體皆成否卦以日日聲之乾唱水火  
音之謙以乾居左謙居右從右邊橫觀之則上體爲  
否下體爲遯餘倣此皆西南之卦也是謂日月星辰  
之變數以觀動物者也地卦十六位爲呂如水水音  
之坤水火音爲謙水土音爲師水石音爲升之類得

西南方十六卦每一位各倡律圖十六位以兩卦竝處而橫觀之遂得東北方交數之十六卦矣如以水水音之坤和日日聲之乾以坤居右乾居左從左邊橫觀之則上下皆成泰以水水音之坤和日月聲之履以坤居右履居左從左邊橫觀之則上爲泰下爲臨餘倣此皆東北之卦也是謂水火土石之化數以觀植物者也此圖合六十四卦而皆用之以爲萬物之數皆所謂體數也其數祖於三百八十四爻乾坤天地也爲生物之主坎離水火也又所以升降於天

地之間爲天地所役而生物者也故乾坤主運行之時坎離主生物之用所以爲主而成數者此四卦也故去之者存之也存其體以致用故用數三百六十經世一元用三百六十運其細數以三百六十相乘以至同人二萬八千兆之數用之以立大小運者皆用數也其數祖於三百六十爻卦氣圖體數每四爻直一運三百六十年是一爻含九十數一卦上下二體各三爻則一體含二百七十數矣又一元一十二會三百六十運於其中四分去一以寅爲開物戊爲

閉物而用其九會之數則每會三十運三九亦爲二百七十數矣是體數中又分用二百七十數也故爲體數之用其數祖於二百七十爻然九會之數概言之耳若細詳之則開於寅中閉於戌中寅戌皆止得半數耳故止八會二百四十運爲正數兼閏數十二運則爲二百五十二故大小運用數中取其一運三百六十箇十二萬九千六百之數而起數則十分用七三百六十而用其二百五十二以起小運以推生物之時是又於用數之中而分之以致用者也故爲

用數之用其數祖於二百五十二爻先天圖天自賁以上地自艮以上爲用數則陽爻一百五十七陰爻一百一十九視體數之用二百七十多六數者存乾以爲用數之主也非多也但存乾則陽爻止有一百五十一耳若就圖分左右爲陰陽而各用其本數而言則陰陽各得一百一十二兼餘分之陽四十而并之數則於二百七十六之中陽止當得一百五十一陰止當得一百一十二也若就其未去離而言則離有四陽有二陰以四陽二分陰加於前數而言則陽

當得一百五十六去其一矣陰當得一百一十四去  
其五矣此又不以存乾爲主論也故體數之用二百  
七十去離而言則陽去四陰去二故二百六十四爲  
實用之數實用之數者物之用數也在律呂聲音圖  
太陽少陽太剛少剛之體數共四十四而因之爲  
一百六十太陰少陰太柔少柔之體數共四十八  
四而因之爲一百九十二陰陽互根者也故以之致  
用則於一百六十內去陰之體數四十八得一百一  
十二於一百九十二內去陽之體數四十得一百五  
十二以一百五十二合一百一十二共爲二百六十  
四得二百六十四字

如多良干刀妻宮心古黑安也  
夫卜東乃走思聲音之類是

爲字姆更唱迭和以求萬物之聲音用之以推其數  
之長短厚薄得失吉凶是體數三百八十四之中用  
之以求生物之時者概言之雖二百七十而實用之  
以求萬物形體之數者止二百六十四耳故曰實用  
之數陽者數之主故用乾而離之在陽而雜於陰者  
去之坤則在陰而純於陰者也故不用坎雖在陰中  
尙有陽以爲之主也故用之於自賁艮以上用數之

爻去其一陽五陰之多者并去離而分其陽與陰既得一百五十二陽一百一十二陰則是二百六十四陰陽中半而陽多餘分乃實用之數也是故以圖左右陰陽之數而分觀之亦合是數此圖之所以爲妙也左爲天右爲地陽去乾之策陰去坎之策此承前陽去離用乾陰去坤用坎而言前固去離去坤矣今復去乾與坎則又去八陽四陰乾坤離坎之體數皆盡然後得二百五十二故以之爲用數之用體數之用乃在體中也故雖去坤不去乾與離坎用數之用

乃用中之用也故必舉四卦體數皆去之而後成用通變曰以節氣而言開物於寅中當自雨水計月而自驚蟄則陰侵陽也閉物於戌中當自霜降計月而至立冬則陽侵陰也陽侵陰爲閉物之數陰侵陽雖未開物而天道已明豈惟雨水而然當自立春而然矣故閉物在立冬之初足明開物在立春之後所以用數三百六十而體數之用二百七十者立春至立冬之日數也然開物在驚蟄後亦足知閉物在寒露前故星物一百五合之而二百一十也陰陽相侵如

晝夜相侵天已明而日未出人未動日已入而天未  
昏人未息治亂之初正如此矣要之皆爲晝數故先  
生用數旣曰陽侵陰陰侵陽又曰陽侵陰晝侵夜

又曰

天之用數九萬七百二十

補於二百五十二

天數盈於七於十二萬九千六百之中十取其七是  
爲用數之用則九萬七百二十也天數以一萬八百  
爲一會自開物於寅中至閉物於戌中八會之數二  
百四十運計八萬六千四百年餘四千三百二十年  
計一十二運則閏數也故天之用數三百六十而用  
數之用二百五十有二也

地之用數九萬二千一百六十

補於二百五十六

天數以一萬八百爲一會者六十卦之策數也地數  
以一萬一千五百二十爲一會者六十四卦之策數  
也天數別閏而言地數通閏而言地每會多七百二  
十者閏數也天用數八會計二百四十運餘十二以  
爲閏數地用數八會每會比天多二運之數則二百  
四十運之外得一十六運爲閏數矣故天生物之時

於三百六十之中十用其七而得二百五十二地生  
物之數於三百八十四之中六用其四坎離用四位而得  
二百五十六也然實用之數二百六十有四閏數十  
六運之外又於不用四會之中復用八運二千八百  
八十年之數共爲二十四運通正數則二百六十四  
運九萬五千四十年也夫正數所用不過八會而閏  
數則十二會之餘數盡用之者物數也故邵子曰大  
數不足小數常盈也

物之用數三萬四千四十八

祖於二百六十四計得二百五十六之一百三十三

皇極經世釋義 卷一

夫四明叢書

約園刊本

二百五十六地數也  
一百三十三日數也

一十二萬二千八百八十之中

合律呂圖天地相交之數也

先去

交數之半

唱和重數

所餘則六萬一千四百四十也

動植全數

各三萬七百二十

於其中又去聲音之不用者外實餘用數

以百十二與百五十二相唱和各一萬七千二十四

爲動植之用數天之用聲唱地之用音爲動數十六

位每位均得一千六十四計一萬七千二十四地之

用音和天之用聲爲植數水和日四位每位得一千

八共四千三十二火和月土和星八位每位得一千

三百四十四計一萬七百五十二石和辰四位每位得五百六十計二千二百四十共計一萬七千二十四也若通交數則六萬八千九十六矣

陽三十六三之爲一百八陰三十六三之爲一百八三陽三陰陰陽各半也陽有餘分之一爲三十六合之爲一百四十四陽一百八陰也故體數之用二百七十而實用者二百六十四用數之用二百五十二也

此明二百五十二爲七分也

卦有六十四而用止於三十六爻有三百八十四而用止於二百一十六也

此明體數八用數六也三十六者六六也二百一十六者六三十六也

六十四分而爲二百五十六是以一卦去其初上之爻亦二百五十六也此生物之數也故離坎爲生物之主以離四陽坎四陰故生物者必四也陽一百一十二陰一百一十二去其離坎之爻則二百一十六也陰陽之四十共爲二百五十六也是以八卦用六爻乾坤主之也六爻用四位離坎主之也故天之昏曉不生物而日



中生物地之南北不生物而中央生物也

掛一圖用四象八十八數以四相因至二萬八千九百八十一萬六千五百七十六爲通數以之布算起卦得二百五十六位起於泰終於明夷律呂聲音相倡和爲既濟陰陽二圖亦各二百五十六位皆六十四卦分散布列以得此數也以掛一圖合之既濟圖由是以聲起數以數合卦進退變化推詳吉凶則物之情狀皆可得矣故曰生物之數也每一卦皆去其初上之爻用中四爻也此句至生物者必四也言主

中爻而言有一百五十六陰陽之四十言陰中之餘陽四十也陽一百一十二至共爲二百五十六也此言主左右中分陰陽而言亦有一百五十六言此數無往不合以見數之出於自然也八卦用六位乾坤主之此言三百六十爲運行之時六爻用四位離坎主之此言二百五十六爲生物之數日夜之所息非無萌蘖之生也萌蘖生於夜氣安得曰昏曉不生物而惟生於日中也所謂生物者謂萬物之動作在於日中所謂日出事述生者也聲音入既濟四象并掛

一卦總括陰陽二圖見祝氏解中多不盡述

體數何爲者也生物者也用數何爲者也運行者也運行者天也生物者地也天以獨運故以用數自相乘而以用數之用爲生物之時也地偶而生故以體數之用陽乘陰爲生物之數也

體數生物主四象體用之數圖言用數運行主一元消長之數圖言天爲萬物之主統貫萬類無所資於物者也故獨運地必承天之氣然後能發以生物故偶而生用數自相乘者三百六十乘三百六十以次

相乘至二萬八千兆之數起大小運以算生物之時者也以體數之用陽乘陰者四象陽之體數四十陰之體數四十八各以四相因則陽有一百六十陰有一百九十二於其中交錯去其體數以致用則陽有一百一十二陰有一百五十六共二百六十四所謂體數之用實用之數也由是以一百一十二乘一百五十二得一萬七千二十四以一萬七千二十四乘一萬七千二十四得二萬八千九百八十一萬六千五百七十六是謂動植萬物之通數所以求聲起卦

以求物之長短得失者也故曰生物之數祝氏解曰  
元會運也用三百六十數行乎十千十二支藏閏以  
通運行乾坤主之律呂聲音用三百八十四爻行乎  
十聲十二音顯閏以表生物坎離主之蓋運行者天  
也圓圖也生物者地也方圖也其用三百六十爲藏  
閏三百八十四爲顯閏雖有不同及其合之於掛一  
圖卦則無不同也

天數三故六六而又六之是以乾之策二百一十有六  
地數兩故十二而十二之是以坤之策百四十有四也

乾用九故三其八爲二十四而九之亦二百一十六兩  
其八爲十六而九之亦百四十有四坤用六故三其十  
二爲三十六而六之亦二百一十六兩其十二爲二十  
四而六之亦百四十有四也坤以十二之二十四六之  
六六之一與半爲乾之餘分則乾得二百五十二坤得  
一百八也

乾之策二百一十有六坤之策百四十有四此繫辭  
傳文六者天之用數六六而又六之者以六乘六得  
三十六而又以六乘三十六是一變三數也十二者

地之用數十二而十二之者是一變兩數也此本易參天兩地之意也此言乾坤二數之分立下言乾坤二數之交通地以十二之二十四六之承兩其十二爲二十四而六之言因上有兩箇六之故言將這二十四六之底六分之一是二十四又兼半箇則十二也共爲三十六爲乾之餘分乾得二百五十二坤得一百八

體有三百八十四而用止于三百六十何也以乾坤離坎之不用也乾坤離坎之不用何也乾坤離坎之不用所以成三百六十之用也故萬物變易而四者不變也天惟不變是以能變也用止於三百六十而有三百六十六何也數之贏也數之贏則何用也乾之全用也乾坤不用則離坎用半也乾全用者何也陽主贏也乾坤不用者何也獨陽不生專陰不成也離坎用半何也離東坎西當陰陽之半爲春秋晝夜之門也或用乾或用離坎何也主陽而言之故用乾也主贏分而言之則陽侵陰晝侵夜故用坎離也陽主贏故乾全用也陰主虛故坤全不用也陽侵陰陰侵陽故離坎用半也是以天

之南全見而北全不見東西各半見也

萬物變易而四者不變者天地主運行之時水火主物生之用存其體然後可以成其用靜而後能致其動自然之理也乾之全用離坎半用者非二者並用也言或主陽言則乾有六陽爻全用之成羸數之六或主羸分言則不用乾坤止用離坎之半蓋離有四陽爻坎有二陽爻去其陰而用其陽是兩半也亦成羸數之六故有三百六十六此言經世之用悉本之先天圖數之出於自然之妙也離東坎西當陰陽之

半爲春秋晝夜之門者離東居卯中自坤至乾爲半乃子中至午中六陽辰之半而陰尙未盡坎西居酉中自乾至坤爲半乃午中至子中六陰辰之半而陽尙未盡皆陰陽交際之中半也故爲春秋晝夜之門蓋春秋之時日出卯中入酉中晝夜平分陰陽各半也故用半用其陽也主羸分而言則是陽侵陰晝侵夜陽之羸者在於陰本用陽之雜於陰者也故用離坎陰中之陽此言數之用羸分之陽故偏主用陽而言曰陽侵陰晝侵夜下言離坎用半之故故主陰陽

相雜而平言曰陽侵陰陰侵陽陽侵陰者坎也陰侵陽者離也

附錄掛一圖載通變者亦自卦氣圖

祝氏改正

此當用之大運

世之元月會子升冬至甲巳孟日起升卦初六甲寅

又泰甲巳仲運起泰卦初九至六四爻直闕數泰六五至損九二乃甲子運正數

蒙 三百五十六卦

損 二乃甲子運正數

蠱 三百五十二爻

畜 二乃甲子運正數

井 三百五十四爻

節 二乃甲子運正數

坎 甲巳季日起坎卦初六己未

需 甲巳孟運起需初九己巳

巽 三百五十五卦

學 二乃甲子運正數

渙 三百五十三爻

畜 二乃甲子運正數

解 甲巳仲日起解卦六三甲子

歸 甲巳季運起歸妹六三甲戌

皇極經世釋義

卷一

全六四明策書約圖刊本

需 三百五十四爻

奎 二乃甲子運正數

濟 三百五十二爻

睽 二乃甲子運正數

鼎 小寒甲巳孟日起鼎六五己巳

脊 小寒甲巳仲運起大有六五至兌九二四爻直闕數兌六三至上六己卯運正數

困 三百五十三卦

兌 二乃甲子運正數

遯 三百五十二卦

乾 二乃甲子運正數

姤 三百五十四卦

履 二乃甲子運正數

訟 甲巳季日起訟九五甲戌

乾 甲巳孟運起乾九五甲申

隨 三百五十四卦

困 二乃甲子運正數

世之會兌

世之會咸

乾

甲巳仲日起

萃

萃初六巳卯

噬

泰

層會丑否

大寒甲巳孟日起  
起否六三甲申

震

睽

咸

革

甲巳季日起  
甲九三己丑

皇極經世釋義 卷一

齋

旅

甲巳季運起  
旅初六己丑

解

過

層會丑渙

大寒甲巳仲運起渙空至五九四  
冬道斷數漸初六至六四乃甲午運

漸

坎

蹇

蒙

甲巳孟運起  
蒙六三己亥

五七一四明叢書 約園刊本

遯

脊

履

泰

剝

頤

步運益

豐

巽

甲巳仲日起  
履六五甲午

立春甲巳孟日元之運  
起益初九己亥之元

比

觀

晉

遯

坤

謙

臨

師

艮

甲巳季運起  
臨六五甲辰

立春甲巳仲運起晉初六至九四  
之晉斷數至五至六之乃己酉  
運正數



姦

甲巳季日起小

過

過初六甲辰

臨

賁

學

贛

晉

賁

節

雨水孟日甲巳起損六五甲寅

甲巳仲日起中季六三己酉

畢極經世釋義 卷一

剝

甲巳孟運起

巽

巽初六甲寅

升

否

豫

井

豐

革

東甲巳仲運起屯九五季革六三巽直闔數擊九三季士乃甲

甲巳季運起豫六三己未

運定數

六六四明叢書 約圖刊本

夾

需

畜

畜

坤

謙

漸

艮

離

甲巳季日起大畜六五己未

甲巳仲日起漸初六甲子

開於巽中為巽是壬亥九自卦

恆

蠱

訟

益

離

姤

隨

夾

甲巳孟運起訟九五己巳

甲巳季運起姤初六甲戌

亮之世 老多元

開物半比 驚蟄甲巳孟日起比六三巳巳

蹇 ䷦

豫 ䷏

師 ䷆

夙 ䷗

旅 ䷷

屯 ䷂

觀 ䷓

震 ䷲

開物 震 驚蟄巳仲運起震六三至六四爻直闕數鼎初六至九四乃巳卯

鼎 ䷱

鹽 ䷖

隣 ䷖

頤 ䷚

萃 ䷬

巽 ䷸

復 ䷗

夙 ䷗

皇極經世釋義 卷一

八九 四明叢書 約圖刊本

復 ䷗

巽 ䷸

泰 ䷊

損 ䷨

畜 ䷇

節 ䷻

需 ䷄

學 ䷄

畜 ䷇

元之元 月會卯 春分甲巳孟日 寅至元 起泰初九甲申 姤為鼎

損 ䷨

畜 ䷇

節 ䷻

需 ䷄

學 ䷄

畜 ䷇

畜 ䷇

春分甲巳仲運起損初九至六四爻直闕數損六五至姤九二乃甲午運正數

甲巳孟運起中 午初九己亥

巽 甲巳仲月起歸  
妹六三甲午

震 甲巳仲月起歸

睽 甲巳仲月起歸

脊 清明甲巳孟日起  
大有六五己亥

兌 甲巳仲月起歸

夬 甲巳仲月起歸

履 甲巳仲月起歸

乾 甲巳季日起  
乾九五甲辰

困 甲巳仲月起歸

睽 甲巳季運起  
睽六三甲子

脊 甲巳仲運起

兌 甲巳仲運起

夬 清明甲巳仲運起  
九五至履九二  
爻直闕數履六三至九乃己酉  
運正數

履 甲巳仲運起

乾 甲巳仲運起

困 甲巳仲運起

咸 甲巳孟運起  
咸九五甲寅

濟 甲巳仲運起

皇極經世釋義 卷一

九十四明叢書 約園刊本

元之會咸

濟 甲巳仲日起

旅 甲巳仲日起  
旅初六己酉

解 甲巳仲日起

遁 甲巳仲日起

月會辰渙 數兩甲巳孟日  
起換六三甲寅

漸 甲巳仲日起

坎 甲巳仲日起

蹇 甲巳仲日起

會之會 元

旅 甲巳季運起歸  
妹初九己未

解 甲巳季運起歸

渙 甲巳仲運起

漸 甲巳仲運起

月會辰坎 數兩甲巳仲運起  
坎六三至六四  
爻直闕數蹇初六至六四乃甲子  
運正數

蹇 甲巳仲運起

蒙 甲巳仲運起

艮 甲巳仲運起

蒙 ䷃ 甲巳季日起  
蒙六三己未

艮 ䷳ 甲巳仲日起  
臨六五甲子

師 ䷆ 甲巳仲日起  
臨六五甲子

謙 ䷎ 甲巳仲日起  
臨六五甲子

坤 ䷁ 甲巳仲日起  
臨六五甲子

遯 ䷠ 甲巳仲日起  
臨六五甲子

晉 ䷢ 立夏甲巳孟日會運  
起晉初六己巳

觀 ䷓ 立夏甲巳孟日會運  
起晉初六己巳

師 ䷆ 甲巳孟運起  
師六二己巳

泰 ䷊ 甲巳孟運起  
師六二己巳

臨 ䷒ 甲巳季運起  
謙六五甲戌

謙 ䷎ 甲巳季運起  
謙六五甲戌

遯 ䷠ 甲巳季運起  
謙六五甲戌

觀 ䷓ 甲巳季運起  
謙六五甲戌

剝 ䷖ 甲巳季運起  
謙六五甲戌

蠱 ䷑ 甲巳季運起  
謙六五甲戌

井 ䷯ 甲巳季運起  
謙六五甲戌

皇極經世釋義 卷一

約園刊本

比 ䷇ 甲巳季日起  
巽初六甲戌

剝 ䷖ 甲巳季日起  
巽初六甲戌

巽 ䷸ 甲巳季日起  
巽初六甲戌

升 ䷭ 甲巳季日起  
巽初六甲戌

否 ䷋ 甲巳季日起  
巽初六甲戌

豫 ䷏ 甲巳仲日起  
豫六三己卯

井 ䷯ 甲巳仲日起  
豫六三己卯

豐 ䷶ 甲巳仲日起  
豫六三己卯

履 ䷉ 小滿甲巳孟日  
起屯六五甲申

屯 ䷂ 甲巳孟運起  
師六二己巳

遯 ䷠ 甲巳孟運起  
師六二己巳

姤 ䷫ 甲巳孟運起  
姤初六甲申

訟 ䷅ 甲巳孟運起  
姤初六甲申

姤 ䷫ 甲巳孟運起  
姤初六甲申

夬 ䷪ 甲巳孟運起  
姤初六甲申

夬 ䷪ 甲巳孟運起  
姤初六甲申

夬 ䷪ 甲巳孟運起  
姤初六甲申

夬 ䷪ 甲巳孟運起  
姤初六甲申

夬 ䷪ 甲巳孟運起  
姤初六甲申

夬 ䷪ 甲巳孟運起  
姤初六甲申

夬 ䷪ 甲巳孟運起  
姤初六甲申

夬 ䷪ 甲巳孟運起  
姤初六甲申

夬 ䷪ 甲巳孟運起  
姤初六甲申

夬 ䷪ 甲巳孟運起  
姤初六甲申

夬 ䷪ 甲巳孟運起  
姤初六甲申

夬 ䷪ 甲巳孟運起  
姤初六甲申

夬 ䷪ 甲巳孟運起  
姤初六甲申

夬 ䷪ 甲巳孟運起  
姤初六甲申

小滿甲巳仲運起比六五至巽九二  
變否初九至九二乃甲午

革

恆

蠱

訟

益

世離

姤

隨

巽

坤

升

萃

隨

晉

噬

否

離

運正數

皇極經世釋義 卷一

九三四明叢書 約麗刊本

夬

震

鼎

噬

濟

頤

萃

巽

復

若種甲巳孟日起  
越震六三巳亥

甲巳季日起  
頤六三甲辰

甲巳仲日起  
復六五己酉

革

頤

復

恆

豐

震

夬

益

濟

若種甲巳仲運起頤六三上九四  
爻直間數爲九至六四乃己亥運  
正數

甲巳孟運起  
震六三甲寅

甲巳季運起既  
濟九五己未

夬

夬

賁

損

畜

節

需

學

畜

夬 唐劉瓛夢爻三百六十亥運履  
之末三百五十六台未世卦得黃

損 會之元  
月會午  
夢三五  
萬壽曰孟夏初九乃會午

畜 甲寅

節 甲寅

需 甲巳季日起甲  
季初九己未

學 甲巳季日起甲  
季初九己未

畜 甲巳季日起甲  
季初九己未

皇極經世釋義 卷一

賁

翼

夬

畜

節

需

學

畜

夬

唐劉瓛夢爻三百六十亥運履  
之末三百五十六台未世卦得黃

夬 甲寅  
甲巳季日起甲  
季初九己未

畜 甲寅

節 甲寅

需 甲巳季日起甲  
季初九己未

學 甲巳季日起甲  
季初九己未

畜 甲巳季日起甲  
季初九己未

九三 四明叢書 約園刊本

莊

睽

脊

兌

夬

履

乾

困

咸

甲巳仲日起  
睽六三甲子

小暑甲巳五日  
起美九五己巳

甲巳季日起  
咸九五甲戌

夬

翼

夬

畜

節

需

學

畜

夬

唐劉瓛夢爻三百六十亥運履  
之末三百五十六台未世卦得黃

夬 甲寅  
甲巳季日起甲  
季初九己未

畜 甲寅

節 甲寅

需 甲巳季日起甲  
季初九己未

學 甲巳季日起甲  
季初九己未

畜 甲巳季日起甲  
季初九己未

甲巳季運起大  
有九三甲戌

小暑甲巳仲運起履九五至乾  
九二四爻直闕數乾九三至上  
九乃己卯運正數

甲巳孟運起  
解六五甲申

濟



會會旅



運之會  
之空元



解



鼎



歸



遯



渙



訟



漸



姤



月象坎



天暑甲巳孟日  
起坎六三甲申

月象隨



天暑甲巳仲運起隨六三至六四  
空置闕數旅初六至九男甲午運

蹇



旅



蒙



噬



皇極經世釋義 卷一

九四 四明叢書 約園刊本

艮



遯



師



甲巳季日起  
師六三己丑

震



甲巳孟運起  
震六三己亥

泰



渙



臨



巽



謙



甲巳仲日起  
謙六五甲午

益



甲巳季運起  
益九五甲辰

遯



井



觀



屯



剝



坎



會運蠱



五秋甲巳孟日  
起蠱初六己亥

運之運  
之元之完

漸



五秋甲巳仲運起漸初六至六四  
空置闕數漸九五至六二乃己酉

井 ䷯

屯 ䷂

遯 ䷠

姤 ䷫

訟 ䷅

姤 ䷫

遁 ䷗

豫 ䷏

鼎 ䷱

甲巳季日起

甲巳季日起

甲巳季日起

甲巳季日起

甲巳季日起

甲巳季日起

甲巳季日起

甲巳季日起

甲巳季日起

運正數

晉 ䷢

萃 ䷬

泰 ䷊

蹇 ䷦

豫 ䷏

遯 ䷗

咸 ䷞

師 ䷆

艮 ䷳

甲巳孟運起

蹇初六甲寅

甲巳季運起

咸九三己未

皇極經世釋義

卷一

九五

四明叢書

月會甲比

巽 ䷸

坤 ䷁

升 ䷭

萃 ䷬

隨 ䷐

會世晉

噬 ䷔

否 ䷋

處暑甲巳孟日

起比九五甲寅

甲巳季日起

萃九五己未

甲巳季日起

甲巳季日起

甲巳季日起

甲巳季日起

否初六甲子

月會甲剝

觀 ䷓

姤 ䷫

離 ䷄

豐 ䷶

復 ䷗

運之世

草 ䷮

家 ䷤

處暑甲巳運起剝六至觀六一

運正數

甲巳孟運起

豐九五己巳

甲巳季運起家

甲巳季運起家

甲巳季運起家

甲巳季運起家

甲巳季運起家

約園刊本



離 ䷄

革 ䷰

頤 ䷚

復 ䷗

恆 ䷟

豐 ䷶

震 ䷲

家人 ䷤

益 ䷩

白露甲巳五日  
起頤六三巳巳

甲巳季日起  
震六三甲戌

皇極經世釋義 卷一

否 ䷋

比 ䷇

升 ䷭

頤 ䷚

賁 ䷖

蒙 ䷃

謙 ䷎

坤 ䷁

同人 ䷌

白露甲巳仲運起升九三至上六四  
交直闕數頤初九至六四乃上如恒  
正歲

甲巳孟運起  
謙九三甲申

卒六四明叢書 約園刊本

既濟 ䷾

賁 ䷖

巽 ䷸

同人 ䷌

大畜 ䷙

節 ䷻

需 ䷄

率 ䷐

小畜 ䷈

甲巳仲日起既  
濟九五己卯

秋分甲巳孟自起  
大畜初九甲申

甲巳季日起小  
畜初九己丑

否 ䷋

比 ䷇

升 ䷭

頤 ䷚

賁 ䷖

蒙 ䷃

謙 ䷎

坤 ䷁

同人 ䷌

巽 ䷸

臨 ䷒

損 ䷨

既濟 ䷾

升 ䷭

蒙 ䷃

蠱 ䷑

井 ䷯

坎 ䷜

甲巳季運起明  
夷六五己丑

秋分甲巳仲運起升初六至六四三  
交直闕數升六五至蒙九三乃甲午  
運正歲

甲巳孟運起  
坎初六己亥

歸妹

䷵

睽

䷥

夬

䷪

履

䷉

未濟

䷿

甲巳仲日起大  
有九三甲申

寒露甲巳五日  
起履九五己亥

皇極經世釋義 卷一

巽

䷸

渙

䷺

恆

䷟

鼎

䷱

姤

䷫

甲巳季運起  
解六三甲辰

寒露甲巳仲運起鼎六五至雨  
九二四爻直開數困六三至十六  
乃巳西運正數

四明叢書 約圖刊本

運之會恆

䷟

鼎

夬

姤

會戌隨

䷐

解

甲巳季日起  
解六五甲辰

姤

䷫

世之會  
之元完

隨

䷐

乾

䷀

萃

䷬

會戌否

䷋

甲巳季運起  
萃初六己未

霜降甲巳孟日  
起隨六三甲寅

霜降甲巳仲運起否六三至上九  
爻直開數无妄初九至九四乃甲  
子運正數

噬嗑

☲☲

小過

☱☱

震

☳☳

渙

☴☴

巽

☴☴

益

☴☱

井

☴☵

屯

☳☶

坎

☵☵

睽

☵☶

咸

☱☲

革

☱☲

遯

☶☷

脊

☶☷

履

☱☳

泰

☱☳

剝

☶☱

頤

☶☱

南物半  
運之運

漸

☴☳

立文甲巳五月  
起漸初六巳巳

益

☴☱

交甲巳仲運起益初九至六四  
受交直開數九五至豐六二乃

皇極經世釋義 卷一

宋文 四明叢書 約圖刊本

晉

☴☳

萃

☱☷

泰

☱☳

蹇

☵☶

豫

☱☳

遯

☶☷

咸

☱☲

師

☶☱

既濟

☵☲

學

☵☲

小過

☱☱

臨

☳☱

賁

☶☱

甲巳季運起中  
午九二二己丑

甲巳孟運起小  
過初六甲申

甲巳季運起中  
午九二二己丑

艮

小雪甲巳孟日

月會亥剝

起剝六五甲申

月會亥損

小雪甲巳仲運起損六三

甲寅

四交直開數節六三至六方甲午

觀

運三數

夬

離

豐

甲巳季日起  
豐六五己丑

復

運之世盛

革

晉

節

家人

需

畜

小畜

坤

謙

漸

艮

離

比

蹇

豫

師

同人

旅

皇極經世釋義 卷一

宋元四明叢書 約園刊本

家人

甲巳仲日起  
家人初九甲午

否

比

升

大雪甲巳孟日  
起升九三己亥

頤

賁

蒙

謙

甲巳季日起  
謙九三甲辰

坤

甲巳孟運起同  
人九三甲寅

同人



屯




明夷

甲巳仲日起明夷六五己酉

觀

甲巳季運起觀九五己未

臨



震



損



復



蹇



巽



祝氏曰張文饒所定卦始於世之元之元之元始若周易元亨利貞而先用貞無是理也以家世所傳改正之而始於元之元之元之元正合先天之理悟皇極者知所擇矣又曰元經會之運卦在張文饒之例

皇極經世釋義 卷一

一百四明叢書 約園刊本

失其當者張當時只得牛無邪堯卽位之世卦升蒙蠱井之說又堯大運在賁之說遂臆料其說而定起例未思康節於元會運世爲大運起日甲月子卦用未然之卦則從元爲首排去也今旣使日甲月子乃用歲月日時小運之例却用已然之卦以世之元之元之元口口分肇諸運非康節正書也故改正之凡會運世三節皆元之元爲頭旣是未然之卦故用日甲月子至於歲月日時之卦却依張之例用世之元之元之元起已然之卦而用起日甲月寅又曰牛無

邪傳康節學固未純然說堯之世當賁亦必有所傳  
張氏通變用已然之卦推元之會見堯之運卦得元  
之賁遂牽合以爲是并取牛氏堯甲寅卽位起山風  
蠱之說蓋未思堯之時直世是賁直運乃是同人而  
非賁也辰之未二千一百五十六世當既濟五上爻  
與賁之初爻二爻堯甲辰年卽位尙是既濟之上爻  
至六年己酉方交賁之初九四十五載皆是賁當世  
至五十一年而交明夷之初若變而用之則既濟爻  
變成豐賁之初變損二變剝三變蠱四變既濟五變

家人六變明夷明夷應懷山襄陵之水矣當堯卽位  
之年大運在同人之五爻正悔皆陽爲卦不合初變  
明夷爻不合又變水火既濟卦爻皆合是大運亦用  
既濟也夫小運在既濟大運又是既濟上水下火內  
陽外陰非雍熙盛時乎又曰元會運世之卦起日甲  
月仲年月日時之卦起甲巳孟二數不同甲巳仲者  
中朔同起也用甲巳孟者仲朔離也而皆藏閏至於  
物數用日則顯閏矣故大四象用三百六十而生物  
用三百八十四人在天地中當餘閏之數則顯閏而

用三百八十四矣三百八十四者散五日四分之一於二十四氣之首蓋一氣十五日兩時五刻其兩時五刻自然踰一日故氣有十六日二十四氣日各十六故成三百八十四日也

離坎陰陽之限也故離當寅坎當申而數常踰之者蓋陰陽之溢也然用數不過乎寅交數不過乎申也

或離當卯

坎當酉

八卦圖乾居南陽之極坤居北陰之極離坎一東一西且陰陽相閒離一陰閒二陽坎一陽閒二陰而各

皇極經世一義

卷一

一頁四明叢書

約阿刊本

居乾坤之中所以判陰陽而爲之分限者離坎也故六十四卦圖離當寅坎當申各居其陰陽交變之處而有以合造化自然之妙蓋造化之陰陽運行寅者陽始出地巖互轉而溫和陰始退而陽漸進也故離陽之限乎陰者當之申者陰始用事酷烈變而清涼陽始消而陰漸盛也故坎陰之限乎陽者當之數常踰之者離當寅而其純離反居卯初直至卯中同人而後其數始盡坎當申而其純坎反居酉初直至酉中師而後其數乃盡謂其過寅申之限也此陰陽

之溢也溢者滿而過也陰陽之氣無截然兩開其往來交錯皆以馴致故離之氣必交於卯坎之氣必交於酉而後盡蓋氣之有溢自然之理也正猶陽極於巳而乾乃在午中陰極於亥而坤乃在子中皆陰陽之溢也然離之用陽其數本不過乎寅坎之交陰其數本不過乎申言寅方至而離巳用事申初交而坎巳害陽非過乎寅與申而後爲離坎也離者陽始勝陰陽出而生物故曰用數正月立春是也坎者陰始陷陽陰交而殺物故曰交數七月立秋是也於陽曰

皇極經世釋義 卷一

一三四明叢書 約國刊本

用數於陰曰交數亦可見君子扶陽抑陰之意此二句啓蒙引作用數不過乎中恐當如此爲是

乾四十八兌三十離二十四震十坤十二艮二十坎三十六巽四十

未詳

乾三十六坤十二離兌巽二十八坎艮震二十

此皆主陽離兌巽三女也本皆乾之體乾求於坤得坤之畫而成女故陽多坎艮震三男也本皆坤之體坤求於乾得乾之畫而成男故陽少



乾四十八而四分之一分爲陰所剋坤四十八而四分之一分爲所剋之陽也故乾得三十六而坤得十二也陽主進是以進之爲三百六十日陰主消是以十二月消十二日也

四分之邵子論易凡事皆以四爲節也一分爲陰所剋者剋其陽而陰居之陽中有陰也一分爲所剋之陽者陰得陽以爲主陰中有陽也三百六十日一年之日數也年數陽也故以陽數進之進三十爲三百進六爲六十二月月數也陰也故以陰數退之陰數止十二退則消而爲無矣故消十二日氣盈六日朔虛六日也故十二月止有三百五十四日

陽四卦十二爻八陽四陰以三十六乘其陽以二十四乘其陰則三百八十四也

此言八卦圖左方爲陽陽四卦八陽爻以三十六乘之得二百八十八乃六變去一用三之數八八六十四卦四分去一用二則六八四十八卦二百八十八爻也於四十八卦去乾離坎則爲體數之用二百七十矣用數陽也四陰爻以二十四乘之得九十六

乃八變體數中去二不用之數體數陰也合之則三百八十四一元全體之數皆備矣此言陽得兼陰故卽陽四卦而一元體用大數無不悉備若卽陰四卦而觀之亦十二爻八陰四陽以三十六乘其陽得一百四十四以二十四乘其陰得一百九十二合之得三百六十六亦合八卦變六十四卦之體數○八卦各變八卦存其八體其不算止八七五十六卦三百三十六爻也陰不得兼陽故止合其體數而已圖真妙矣哉

皇極經世觀物外篇釋義卷之二

明鄞縣余 本子華撰

觀物外篇二

圓者星也曆紀之數其肇於此乎方者土也畫州井地之法其倣於此乎蓋圓者河圖之數方者洛書之文故羲文因之而造易禹箕敘之而作範也

紀曆者驗之星故圖圓象星者有以肇曆紀之數州與地皆土也故書方如土者足以成畫州井地之法朱子曰曆法合一始以定剛柔天數始於一地數始

皇極經世釋義

卷二


四明叢書

約圖刊本

於二二中以定律曆天數中於五地數中於六一終以紀閏餘天數終於九地數終於十是所謂曆紀也州有九井九百畝是所謂畫州井地也又曰二始者一二也一奇故爲剛二偶故爲柔二中者五六也五者十千六者十二辰也二終者九與十也閏餘之法以一十九歲爲一章又曰河圖旣無那四偶則比之洛書固亦爲圓矣雲峯胡氏曰二中之說人但知天數中於五地數中於六故二其五爲天干二其六爲地支殊不知天無十故一與九爲十二與八爲十三

與七爲十四與六爲十而中之五者固存此十干之所起也地無一故二與十爲十二三與九爲十二四與八爲十二五與七爲十二而中之六者固在此十二支之所起也

河圖




皇極經世釋義 卷二

一四明叢書 約圖刊本

伏羲氏王天下龍馬負圖出河其數一六居下二七居上三八居左四九居右五十居中伏羲則之以畫八卦

洛書



大禹治水神龜出洛負文列於背有數至九其數五居中戴九履一左三右七二四爲肩六八

為足禹因第之以成九疇

易作圖則義伏


易有太極



兩儀生四象



是生兩儀



四象生八卦




皇極經世一

二三四明箴書

約圖刊本

大禹敘書作範



朱子曰則河圖者虛其中則洛書者總其實也河圖之虛五與十者太極也奇數二十偶數二十者兩儀也以一二三四爲六七八九者四象也析四方之合以爲乾坤離坎補四隅之空以爲兌震巽艮者八卦也洛書之實其一爲五行其二爲五事其三爲八政其四爲五紀其五爲皇極其六爲三德其七爲稽疑其八爲庶徵其九爲福極其位與數尤曉然矣又曰洛書本文只有四十五點班固云六十五字皆洛書本文古字畫少恐或有模樣但今無所考漢儒此說未是恐只是以義起之玉齋胡氏曰大禹之則洛書以作範也未必拘拘於書之位次以定疇之先後然自一至九之數實有以默啓聖人作範之心故自初一之五行包天地自然之數餘八法則是大禹參酌天時人事而類之不必盡協於火木金土之位也

圓數有一方數有二奇偶之義也六卽一也十二卽二也

圓者陽之體奇也故數有一方者陰之體偶也故數有二天之用數起於六分數起於三百六十是也而

每變皆六如十二萬九千六百一十六十七億九千六百一十六萬之類其終皆六也六卽一也地之用數起於十二長數一生二爲夬之十二是也而每變皆十二如大壯四千三百一十泰五億五千九百八十七萬二千其終皆十二也十二者二六卽二也圓者徑一圍三重之則六方者徑一圍四重之則八也此言天數六地數八也

天圓而地方圓之數起一而積六方之數起一而積八變之則起四而積十二也六者常以六變八者常以八變而十二者亦以八變自然之道也八者天地之體也六者天之用也十二者地之用也

經世數有天數有地數故此本天地而原其數之所由起天之體圓圓者徑一而圍三倍其三積而成六故曰起一而積六天以用爲主故於其體而卽得其用之數體數之四則藏而不見也地之體方方者徑一而圍四倍其四積而成八故曰起一而積八地以體爲主故言體而止得其體之數用數則畜而未彰也變之言由地之體數而變之以致用則起於四以

四重之爲八積八與四則爲十二此地之用數也天  
之用數所以起大小運者起於六六三百六十由是  
八變以極之十六變每變皆六十二萬九千六百十  
分取六爲正數兼餘分而七亦六也又大運六十運  
爲一變六變而成三百六十小運六年爲一變六十  
變而成三百六十皆以六變也此天之用數也故曰  
六者常以六變又曰六者天之用也八者由八卦而  
變之每卦皆八成八八六十四天地始終數圖元會  
運世歲月日辰亦各以八而變又有旣濟陰陽圖用

方圖六十四卦皆體數八也故曰八者常以八變曰  
月星辰天之體數四水火土石地之體數四合而爲  
八故又曰八者天地之體地之折數由十二而起爲  
夬卦由是每變皆終於十二以爲萬物之細數故曰  
十二者地之用也而曰亦以八變者何哉此在方圖  
上觀之可見自內而外四震四巽相配成四卦處於  
內是起於四也自此而外生第二層爲離坎者各八  
而離坎之上下四震四巽復存焉共爲十二卦是起  
四生八合四與八爲十二也自此而變十二而二十



二十而二十八皆以八變也此地之用也故亦以八相生不離體數

天變方爲圓而常存其一地分一爲四而常執其方天變其體而不變其用也地變其用而不變其體也

日月星辰天之體數本四也然其運行之體則變方爲圓乃裁四爲三止有三數若積三成六而致用則又常存其體數之一爲餘分并而爲七是其體則變而用不變也變者去其一變四爲三也不變者復用其所去之一也用者天之主故不變水火土石地之

皇極經世釋義

卷一

七四明叢書

約園刊本

體數本四也然其厚凝之體亦分一爲四東西南北常執其方而萬古不變至於致用則四四一十六體數中去其四而用其十二是其用則變而體不變也體者地之主故不變發微曰天圓以用爲主體則統乎地地方以體爲主用則從乎天

六者并其一而爲七十二者并其四而爲十六也陽主進故天并其一而爲七陰主退故地去其四而止於十二也是陽常存一而陰常晦一也故天地之體止於八而天之用極於七地之用止於十二也

起一而積六天之數也故并一與六則爲七起四而積十二地之數也故并四與十二則爲十六然則天有七而地有十六可也地乃止於十二者何哉陽主進故天之正數雖六并取其一爲閏進六而爲七是陽常存一也存者用之以爲用也陰主退故地之體數雖十六致用則去其初起之體數四而止用其十二是陰常晦一也晦者去之不用也一者初一變之體數四再變則四四一十六以四爲一也

圓者刊方以爲用故一變四四去其一則三也三變九

皇極經世釋義

卷二

八十四册叢書

約圖刊本

九去其三則六也方者引圓以爲體故一變三并之四也四變十二并之十六也故用數成於三而極於六體數成於四而極於十六也是以圓者徑一而圍三起一而積六方者分一而爲四分四而爲十六皆自然之道也

削去方體之四角然後成圓故曰刊方以爲用加上圓體之四角然後成方故曰引圓以爲體三變九三三成九爲方也一變三四變十二皆徑一圍三圓也圓者一變則生六去一則五也二變則生十二去二則

十也三變則生十八去三則十五也四變則二十四去四則二十也五變則三十去五則二十五也六變則三十六去六則三十也是以存之則六六去之則五五也五則四而存一也四則三而存一也二則一而存一也故一生二去一則一也二生三去一則二也三生四去一則三也四生五去一則四也是故二以一爲本三以二爲本四以三爲本五以四爲本六以五爲本也更思之

圓者所以運行此小運六變之數也一變六年後五

變亦止是六年但相遞并合前變年數在內計之故一變生六二變生十二三變生十八四變生二十四五變生三十六變生三十六也天之用數六分原存本一分共七分致用故此各去其變數而計之言此六年之數中當去其原用本數一分而算是以五數分作六年正數算也如一變九萬七百二十分作六年之數每年止有一萬四千四百共止用八萬六千四百爲六年餘四千三百一十爲閏卽所去一之數也六變皆如此故六變共去六乃閏數也去之則五

五疑當作五六言存六變變數之六則爲六六三  
六去六變變數之六則爲五六得三十也五則四而  
存一也以下皆是申明天利方爲用而常存其一之  
意

方者一變而爲四四生八并四而爲十二八生十二并  
八而爲二十二生十六并十二而爲二十八十六生  
二十并十六而爲三十六也一生三并而爲四也十二  
生二十并而爲三十二也二十八生三十六并而爲六  
十四也更思之

方者所以成體此既濟圖生物體數具在先天方圖  
者也此明地分一爲四引圓爲體而常執其方之意  
方圖四層止於乾坤之二十八也復言十六生二十  
并十六而爲三十六者六十四卦之所由成者極於  
三十六也故由方圖二十八卦之外更推衍一層言  
之

先天方圖

天地始終數

圖律呂聲音

圖既濟陰陽

圖皆本於此

故此圖所變

為生物之數

坤	艮	乾	坎	乾	巽	乾	震	乾	離	乾	兌	乾	乾
百	遊	訟	姤	姤	同人	履	乾	坤	賁	夬	其	巽	兌
萃	咸	困	隨	隨	革	兌	夫	離	離	離	離	離	離
晉	旅	未濟	頤	噬嗑	離	睽	睽	睽	睽	睽	睽	睽	睽
豫	過	解	恒	震	豐	謙	否	坤	艮	坎	漸	渙	巽
觀	漸	渙	巽	益	家人	中	否	坤	賁	夬	其	巽	兌
比	蹇	坎	井	屯	臨	節	需	坤	艮	坎	漸	渙	巽
剝	艮	蒙	蠱	頤	貴	損	畜	坤	艮	坎	漸	渙	巽
坤	艮	坤	坎	坤	震	坤	乾	坤	艮	坎	漸	渙	巽
坤	謙	師	升	復	巽	臨	泰	坤	艮	坎	漸	渙	巽

皇極經世釋義 卷二

十二圖明叢書 約圖刊本

邵子曰天地定位否泰反類山澤通氣咸損見義雷風相薄恆益起意水火相射既濟未濟四象相交成十六事發微曰邵子曰圖皆從中起方圖自中起則有震巽之一陰一陽然後有坎離艮兌之二陰二陽又然後成乾坤之三陰三陽其序皆自內而外內四卦四震四巽相配而近有雷風相薄之象震巽之外十二卦縱橫有坎離有水火不相射之象坎離之外二十卦縱橫有艮兌有山澤通氣之象艮兌之外二十八卦縱橫有乾坤有天地定位之象四而十二十

二而二十二十而二十八皆有隔八相生之妙又其中爲震巽者各四自是而爲坎離者各八而坎離之上下四震四巽復存焉自震巽坎離之外而爲艮兌者各十二而艮兌之上下爲震巽坎離者各四又自震巽坎離艮兌之外爲乾坤者各十六而乾坤之上下爲震巽坎離艮兌者又各四焉

附錄聲音入既濟圖例掛一圖亦合入之

皇極經世釋義 卷十一

十二四明叢書 約圖刊本

尙有西北卦十五

元之元知和泰會之元總知損運之元福和六畜世之元駭和節水水音八八坤火水音七八剝土水音六八比石水音五八觀

既濟之元

白曰聲一一乾曰曰聲一一乾曰曰聲一一乾曰曰聲一一乾元之會知總需會之會總中孚運之會福成小畜世之會福歸妹

陽圖之元

水火音八七謙火火音七七艮土火音六七蹇石火音六七漸

乾圖之元

白曰聲一一乾曰曰聲一一乾曰曰聲一一乾曰曰聲一一乾元之運和福夫壯會之運福福睽運之運福福大有世之運福福兌

一乾之位

○曰曰聲一一乾曰曰聲一一乾曰曰聲一一乾曰曰聲一一乾元之世知福夫會之世福福履運之世福福乾世之世福福困

皆十六位可以類推

水石音八五升火石音七五蠱上石音六五井石石音五五巽  
曰曰聲一一乾曰曰聲一一乾曰曰聲一一乾曰曰聲一一乾

尚有東  
南十五卦

水水音一一坤水水音一一坤水水音一一坤水水音一一坤  
曰日聲八入乾月日聲七入夫星日聲六入有辰日聲五入大肚

既濟

歲之歲離離百月之歲器離咸曰之歲離萃時之歲離旅

陰

之水水音一一坤水水音一一坤水水音一一坤水水音一一坤

圖

日月聲八七履月月聲七七兌星月聲六七賤辰日聲七歸妹

一

之歲之月離器晉月之月器離過曰之月離器豫時之月離器漸

坤

○水水音一一坤水水音一一坤水水音一一坤水水音一一坤

位

○日星聲六同人月之星聲夫革星聲六六離辰星聲六五豐

圖

水水音一一坤水水音一一坤水水音一一坤水水音一一坤

皆十六位

曰辰聲六无妄月辰聲七五隨星辰聲六五噬嗑辰辰聲五五震

可以類推

曰之時離離剝月之時器離謙曰之時離離坤時之時離離賈

皇極經世一

十三四明叢書

約園刊本

天采唱地屬乾兌離震為日月星辰之化數是觀動  
物蓋元會運世之歲月日時為進數者也西南之卦  
也

感暑乾而變者性乾之走坤否 暑變走飛草木之性

感寒兌而變者情兌之走坤萃 性之走飛草木皆感

感晝離而變者形離之走坤晉 暑而變在卦為否遯

感夜震而變者體震之走坤豫 訟姤

走坤

感晝離而變者形離之走坤晉

感暑乾而變者性乾之飛艮遯 寒變走飛草木之情

飛艮

感寒兌而變者情兌之飛艮咸 情之走飛草木皆感

感晝離而變者形離之飛艮旅 寒而變卦為萃咸困

感夜震而變者體震之飛艮小過 大過

感暑乾而變者性乾之草艮訟 晝變走飛草木之形

感寒兌而變者情兌之草坎困 形之走飛草木皆感

感晝離而變者形離之草坎未濟 晝而變卦為晉旅未

感夜震而變者體震之草坎解 濟鼎

皇極經世釋義 卷二

十四 四明叢書 約園刊本

感暑乾而變者性乾之木巽姤 夜變走飛草木之體

感寒兌而變者情兌之木巽大過 體之走飛草木皆感夜

感晝離而變者形離之木巽鼎 而變卦為豫小過解

感夜震而變者體震之木巽恆 恆

地采合天屬巽坎艮坤為水火土石之化數是觀植

物蓋歲月日時之元會運世為退數者也東北之卦

也進數退數者逆順也遂別用分用秒之辨分數起



於三十三十而三十之爲九百九百而九百之爲八十一萬以此八十一萬爲世之世之世之世由此而積至於二萬八千兆同人之數爲元之元之元之元秒數起於二十二而十二之爲一百四十四一百四十四而一百四十四之爲二萬七百三十六以此二萬七百三十六爲時之時之時之時由此而積之至於七百二十二兆爲否之數爲歲之歲之歲之歲

應雨坤而化者走坤之性乾泰 雨化性情形體之走

皇極經世釋義

卷二

十五 四明叢書

約園刊本

性乾

應風艮而化者飛艮之性乾大畜

走之性情形體皆應

性乾

應露坎而化者草坎之性乾需

雨而化在卦爲泰臨

應雷巽而化者木巽之性乾小畜

明夷復

應雨坤而化者走坤之情兌臨 風化性情形體之飛

情兌 應風艮而化者飛艮之情兌損

飛之性情形體皆應

情兌 應露坎而化者草坎之情兌節

風而化在卦爲大畜

應雷巽而化者木巽之情兌中孚

損巽頤

應雨坤而化者走坤之形離明

露化性情形體之草

應風艮而化者飛艮之形離賁

草之性情形體皆應

形離

應露坎而化者草坎之形離濟

露而化在卦爲需節

應雷巽而化者木巽之形離家

既濟屯

應雨坤而化者走坤之體震復

雷化性情形體之木

應風艮而化者飛艮之體震頤

木之性情形體皆應

體震

應露坎而化者草坎之體震屯

雷而化在卦爲小畜

應雷巽而化者木巽之體震益

中孚家人益

皇極經世釋義卷二

十六四明叢書  
約園刊本

一役二以生三三去其一則二也三生九九去其一則

八也去其二則六也故一役三三復役二也三役九九

復役八與六也是以二生四八生十六六生十二也三

并一則爲四九并三則爲十二十二又并四則爲十六

故四以一爲本三爲用十二以三爲本九爲用十六以

四爲本十二爲用更思之

役用也一用其二并而成三故曰一役二以生三圓

者利方以爲用而常存其一故三與九用數也而其

中皆有所存體數之一三去其所存體數之一則正

數止二而已九若以一爲一則九去其一正數止八而已若以三三成九而言則以三爲一九其一當去其三正數止六而已役一役二以生三是一用其三也三去其一而用二是三復役二矣役二者役之以致用也三生九是三用九也而九復裁其體而不見去一而用八去三而用六如方圖東北西南卦皆九盡然止八九而已無九九也說者曰萬物以陽爲本存九者用之常不盡也是以去一而用八也陽數本極於九然大小運致用者惟以六變是去三而用六也是九復役八與六也惟三役二故二以致用二生四也二生四者兩儀生四象也惟九用八與六故八以致用八卦生十六位也六以致用天之一生地之十二也此皆剗方爲用之意也三并一則爲四以下亦引圓爲方之意圓之積實三分必加一分爲四角則成四之方圓之積實九分必加三分爲四角則成十二之方圓之積實十二分必加四分爲四角則成十六之方皆三分加一是四者體數也若致用必四分去一用三是三者用數也四以加一而成體一分

爲四也十二以加三而成體三分爲十二三四也十六以加四而成體四分爲十六四四也故四以一爲本十二以三爲本十六以四爲本一每合四體之數也

裁方而爲圓天之所以運行分大而爲小地之所以生化故天用六變地用四變也一八爲九裁而爲七八裁爲六十六裁爲十二二十四裁爲十八三十二裁爲二十四四十裁爲三十四四十八裁爲三十六五十六裁爲四十二六十四裁爲四十八也一分爲四八分爲三十二十六分爲六十四三十分爲九百六十分爲三千六百

皇極經世釋義

卷二

十六四明叢書

約園刊本

二十六分爲六十四以至九十六分爲三百八十四也張氏衍義曰天裁方爲圓者裁四爲三也重地則六天得兼地故用六變地分大爲小者析一爲四也偶天則八地不得兼天故用四變一變六十六變而三百六十此天之六變也一變而四二變而十六三變而六十四四變而二百五十六此地之四變也是故八卦用六爻乾坤主之者運行之數也六爻用四位坎離主之者生物之數也運行者天也生物者地也故天六地四天有六氣地有四維也愚按一變而四

元會運世也二變而十六經世十六位圖元會運世各分元會運世律呂圖日月星辰各分日月星辰水火土石各分水火土石者是也三變而六十四皇極全變八卦八圖是也四變而二百五十六掛一圖并既濟圖所謂元之元之元之元之類是也又按圓圖乾爲一五爻變而爲大有三百六十四爻變而爲小畜十二萬九千六百三爻變而爲履一百六十七億九千六百一十六萬二爻變而爲同人二萬八千兆之數初爻變而爲姤七秭之數此亦天用六變也方

圖一變中震巽四卦二變四生離坎十二卦三變十二生兌艮二十卦四變二十生乾坤二十八卦合四變而六十四卦之體成凡律呂既濟圖萬物之數備矣此亦地用四變也一八爲九至六十四裁爲四十八也皆所以明裁方爲圓者不過去一用二也一分爲四至三百八十四也皆所以明分爲大小者不過分一爲四也

一生六六生十二十二生十八十八生二十四二十四生三十三十生三十六引而伸之六十變而生三百六

十矣此運行之數也四生二十二生二十生二十八二十八生三十六此生物之數也故乾之陽策三十六兌離巽之陽策二十八震坎艮之陽策二十坤之陽策十二也

一生六至生三十六六變之數也故六十變而生三百六十每變六年也此一運運行之數也四生十二至生三十六據方圖言說已見前章此生物形體之數也生物之數由少而多自微而著然所以生之者陽之數也故八卦所得陽策之多少皆如其數也此自然之妙也陽策者陽畫之數也

皇極經世釋義

卷二

二十四明叢書

約園刊本

圓者六變六六而進之故六十變而三百六十矣方者八變故八八而成六十四矣陽主進是以進之爲六十也

圓者以六而變此主運數致用言一變六六變六六三十六進之者六變進爲六十變三十六進爲三百六十也方者以八而變此主卦象成體言

六變而成三十六矣八變而成六十四矣十二變而成三百八十四矣六六而變之八八六十四變而成三百

八十四矣八八而變之七七四十九變而成三百八十四矣

六變而三十六矣著策數六六也八變而六十四矣卦數八八也十二變而三百八十四爻數陰陽三十二卦各六變也陽卦三十二以六而變之則得一百九十二爻陰卦三十二故以六而變之亦得一百九十二爻合之共有十二變也分言之數各不同然著卦相因體用本無二致也故以著策六六之數用其六以合於卦數而變之則每卦六爻八含六數八

八六十四卦遂變而成三百八十四爻矣若以八八六十四卦用之以合於著策而變之則每卦三爻之餘其策數三十六爲老陽爻自三十六而下有三十二爲少陰爻有二十八爲少陽爻有二十四爲老陰爻三變成爻十有八變而成卦凡六十四卦之爻皆可成於四十九著之中故七七四十九著亦可變而成三百八十四爻矣著卦相因體用之數何嘗有異哉蓋其致用之法雖若兩端要之實無不可守也著數曰三十六矣又曰七七四十九者何哉七七四十

九者著策致用之總數也三十六者除其掛扐而計其過揲之餘策也過揲之策有四四九也四八也四七也四六也止言三十六者何也三十六策數之極也四數之用皆用此三十六策以進退也

著德圓以況天之數故七七四十九也五十者存一而言之也卦德方以況地之數故八八六十四也六十者去四而言之也著者用數也卦者體數也用以體爲基故存一也體以用爲本故去四也圓者本一方者本四故著存一而卦去四也

著無定數故其德圓卦有定體故其德方天之用數七故況天之數者用七七地之體數八故況地之數者用八八六十者本之以起大小運之數則去乾坤離坎用六十卦之三百六十爻數也用無體則本根不固故存一以立本體非用則變化不行故去四以致用圓者一氣所運故本爲一方者四角莫居故本有四

著之用數七并其餘分亦存一之義也掛其一亦去一之義也卦直去四者何也天變而地效之是以著去一



則卦去四也

天之正數六兼餘分而成七故曰并其餘分爲存一之義掛一爲去一之義者掛其一而用其四十八策以揲由是除其歸扚之策而計其過揲三十六策以進退七八九六之數若計其歸扚之策亦去其掛一之一凡四爲奇凡八爲偶亦去一之義也存一者并餘分於正數爲合閏也去一者去餘分而計正數爲分閏也其歸一也啓蒙揲蓍之法每揲皆掛一邵子則惟初揲掛一後二揲則不掛而但歸奇故以掛一

皇極經世釋義

卷二

三三四明叢書

約園刊本

爲去一衍義曰天下之理用必存本用而喪本其用必窮五十以一爲本四十九爲用六十四以四爲本六十爲用蓍之一太極之體四十九之未動者也卦之四者乾坤離坎常存以起用者也天起於一地成於四故蓍去一而卦去四也

蓍數不以六而以七何也并其餘分也去其餘分則六故策數三十六也是以五十者六十四卦閏歲之策也

其用四十有九者六十

舊本此下有四字非是

卦一歲之策也歸

奇掛一猶一歲之閏也

天地一理也著卦一數也故此以著卦相配言著之  
全數五十包存一用七用六之數而總舉之猶六十  
四卦全體三百八十四爻內三百六十爻爲三百六  
十日之數又有二十四爻爲氣盈六日之數合閏與  
正數總爲一歲之策也其用四十有九則去一不算  
尙用七數猶卦去乾坤離坎不用而止用六十卦以  
當一歲三百六十日之數然尙有朔虛六日未去是  
去閏數一半而餘分尙未盡去乃一歲十二月全體  
日數之策也歸奇掛一置之不用而止用過揲三十  
六策以定陰陽老少之晝然後去七用六歸奇掛一  
不爲正數正猶氣盈朔虛爲一歲之閏不以爲正數  
者也繫辭傳曰大衍之數五十其用四十有九分而  
爲二以象兩掛一以象三揲之以象四時歸奇於扚  
以象閏五歲再閏故再扚而後掛邵子之言本諸此  
著之用數掛一以象三其餘四十八則一卦之策也四  
其十二爲四十八也十二去三而用九四三十二所去  
之策也四九三十六所用之策也以當乾之三十六陽  
爻也十二去五而用七四五二十所去之策也四七二

十八所用之策也以當兌離之二十八陽爻也十二去六而用六四六二十四所去之策也四六二十四所用之策也以當坤之二十四陰爻也十二去四而用八四四十六所去之策也四八三十二所用之策也以當艮坎之二十四爻并上卦之八陰爲三十二爻也是故七九爲陽六八爲陰也九者陽之極數六者陰之極數數極則反故爲卦之變也震巽無策者以當不用之數天以剛爲德故柔者不見地以柔爲體故剛者不生是以震巽不用也或先艮坎後兌離

著五十策存一以象太極分左右以象天地矣必掛右手一策於左手小指之兩間者以象天地交而生人人參天地而爲三才也其餘四十八則一卦四十八爻之策數也乾坤兌離艮坎震巽每卦各含八卦則是每卦有四十八爻也四其十二者著數以四爲一也去三者歸奇十二策也用九者第三變過揲三十六策也後放此九爲老陽而三十六者老陽之策數也故以當乾之三十六陽爻餘十二陰爻不用者也七爲少陽而二十八者少陽之策數也故以當兌

離之二十八陽爻餘二十陰爻不用者也兌離陰卦也而謂之少陽者何陽儀之所生也而其陽爻之數又正與策數之爲少陽者合故以當之六爲老陰而二十四者老陰之策數也故以當坤本體之二十四陰爻上體所生之二十四爻乃去之而不用者也八爲少陰而三十二者少陰之策數也故以當艮坎本體之二十四爻并上體所生坤艮坎巽四陰卦中之八陰爻爲三十二爻其餘十六爻乃去之而不用者也艮坎陽卦也而謂之少陰者何陰儀之所生也而其本體之爻及所生陰卦之陰爻又正與策數之爲少陰者合故以當之由是言之七九之數與陽卦合故爲陽六八之數與陰卦合故爲陰此言七九六八爲陰陽之故卦變者凡揲著而遇九六則其爻變而爲之卦之少陰少陽遂視其爻之辭義以占事也震巽無策者震本少陽而陰爻反多不合二十八之數巽本少陰而陽爻反多不合三十二之數也故無策以當不用之數震者天之辰也故曰柔者不見巽者地之石也故曰剛者不生不用者經世十六位圖天

數起乾而終震自益以下四卦皆震體爲無數是震不用也用數之用止取二百五十二數去巽體之陽同坤不用是巽不用也

乾用九故其策九也四之者以應四時一時九十日也坤用六故其策亦六也

應者與之合也九四之止三十六耳以應四時每時九十日則三百六十矣何也陽主進故進九爲九十也坤用六故其策亦六也四之則爲二十四陰主退二十四而退其半則爲十二亦有以應乎一年十二

皇極經世一

卷二

三十四明叢書

約園刊本

月之數矣此乾坤數之合天道自然之妙也衍義曰乾用九四之而三十六陽主進故進之爲三百六十日坤用六四之而二十四陰主虛故二十四氣交處虛得二十四日之名也一三五者三天也故乾用九二四者兩地也故坤用六乾之數九而天以六爲用者九自六而長也坤之數六而地以九爲用者地以九九制會如方圖交數九畫動植通數以九位起算定卦是也六自九而消也是故天用地地用天奇數四有一有二有三有四策數四有六有七有八有

九合而爲八以應方數之八變也歸奇合掛之數有六  
謂五與四四也九與八八也五與四八也九與四八也  
五與八八也九與四四也以應圓數之六變也

衍義曰一二三四五六七八九本數也以應方數者體  
數也歸奇合掛變數也以應圓數者用數也五與四  
四三少也三少之餘四九三十六乾老陽之數也九  
與八八三多也三多之餘四六二十四坤老陰之數  
也五與四八九與四四兩少一多也兩少一多之餘  
四八三十二巽離兌少陰之數也九與四八五與八  
八兩多一少也兩多一少之餘四七二十八震坎艮  
少陽之數也老陽老陰變者也各止於一數則是不  
變也少陰少陽不變者也各分於二數則是變也

奇數極於四而五不用策數極於九而十不用

五不用者奇數無五也初揲之五者合掛一也非奇  
數也十不用者策數無十也

五則一也十則二也故去五十而用四十九也

五十居河圖之中而主運四方之數乃太極之象正  
猶一二爲陰陽之二始所以生數而使之成者也數

成而體則隱故著數本五十也去之不算而止用四十有九

奇不用五策不用十有無之極也以況自然之數也

奇不用五策不用十蓋以五十居河圖之中乃太極之象也故曰有無之極以況自然之數

著數全故陽策三十六與二十八合之爲六十四也卦數去其四故陰策二十四與三十二合之爲五十六也著數全者著之起卦全用六十四也卦數其四者卦之起數去乾坤離坎也著以況天故以陽策屬著卦

皇極經世義

卷二

三五四明叢書

約圖刊本

以況地故以陰策屬卦此亦天統乎體地分乎用之意

九進之爲三十六皆陽數也故爲陽中之陽七進之爲二十八先陽而後陰也故爲陽中之陰六進之爲二十四皆陰數也故爲陰中之陰八進之爲三十二先陰而後陽也故爲陰中之陽

陽中之陽老陽也陽中之陰少陽也以其本陽中之物也故雖陰而屬陽兌離之名爲陽卦者以此陰中之陰者陰也陰中之陽少陰也以其本陰中之物也

故雖陽而屬陰艮坎之名爲陰卦者以此

著四進之則百卦四進之則百二十百則十也百二十則十二也

著數五十本之天數二十五而合之也故四進之則爲百卦數六十本之地數三十而合之也故四進之爲百二十四進之者經世數以四爲節也十十干也十二十二支也

歸奇合掛之數得五與四四則策數四九也得九與八八則策數四六也得五與八八得九與四八則策數皆四七也得九與四四得五與四八則策數皆四八也爲九者一變以應乾也爲六者一變以應坤也爲七者二變以應兌與離也爲八者二變以應艮與坎也

皇極經世釋義

卷二

三十四明叢書

約園刊本

四象策數本之河圖朱子曰河圖四面太陽居一而連九少陰居二而連八少陽居三而連七太陰居四而連六揲著之法則通計三變之餘去其初掛之一凡四爲奇凡八爲偶奇圍圍三偶方圍四三用其全四用其半積而數之則爲六七八九而圍三變揲數策數亦皆符會蓋餘三奇則九而其揲亦九策亦四



九三十六是爲居一之太陽餘二奇一偶則八而其  
揲亦八策亦四八三十二是爲居二之少陰二偶一  
奇則七而其揲亦七策亦四七二十八是爲居三之  
少陽三偶則六而其揲亦六策亦四六二十四是爲  
居四之老陰是其變化往來進退離合之妙皆出自  
然非人之所能爲也愚按啓蒙揲著之法合掛扚之  
策視奇偶之三兩錯綜以定七八九六此以策數言  
者去掛扚之策計過揲之七八九六以定陰陽老少  
其歸一也故其數皆符會乾坤爲老陽老陰者各一  
卦其奇掛之數亦各一變兌離之爲少陽艮坎之爲  
少陰者各二卦其奇掛之數亦各二變言其數之自  
相應也

皇極經世釋義 卷二

三十四明啟書

約園刊本

五與四四去掛一之數則四三十二也九與八八去掛  
一之數則四六二十四也五與八八九與四八去掛一  
之數則四五二十也九與四四五與四八去掛一之數  
則四四十六也故去其三四五六之數以成九八七六  
之策也

九八七六之策以第三變過揲者言卽前章云所用

之策是也

天一地二天三地四天五地六天七地八天九地十參伍以變錯綜其數也如天地之相銜晝夜之相交也

參伍亦彼此相參錯之意此河圖之數一六居下二七居上三八居左四九居右五十居中中五爲衍母次十爲衍子次一二三四爲四象之位次六七八九爲四象之數二老位於西北二少位於東南其數則各以其類交錯於外是天地陰陽之數參伍錯綜而居也五十居中而方八數運旋於外而圓如天地之

皇極經世釋義

卷二

三三四明叢書

一約園刊本

相銜也其數陰陽交錯而又水火金木有相生相克之義如晝夜之相交也圖之居造化之妙如此此數之所由起也

一者數之始而非數也故一二爲四三三爲九四四爲十六五五爲二十五六六爲三十六七七爲四十九八八爲六十四九九爲八十一而一不可變也百則十也十則一也亦不可變也是以數去其一而極於九皆用其變者也五五二十五天數也六六三十六乾之策數也七七四十九大衍之用數也八八六十四卦數也九

九八十一玄範之數也

二二爲四四象之數也三三爲九洛書之數也四四爲十六太極圖十六位之數也一三五七九天數也積而數之爲二十有五太玄洪範皆用八十一數

大衍之數其算法之源乎是以算法之起不過乎方圓曲直也

大衍之數不過用河圖并先天方圓圖之數也通變曰先生謂算不過方圓曲直與乘除先天圓圖圓數也一生二二生四之類方圖方數也方圖之數初行

皇極經世一

卷二

三三四明叢書  
約園刊本

則直交則曲矣謂陽卦交陰卦則折轉愚按初行則直者如乾夬有壯小畜需大畜泰爲一行履兌睽妹孚節損臨爲一行八卦由下而上皆平列爲八行也若交則純乾與純坤等八純卦由西北至東南斜居相對如純乾與純兌緊居斜對交則履由北而南夬由西而東是曲也如乾與離隔一卦斜對而交則同人由離而西大有由離而北是曲也餘可以類推具

圖於後

一八七二六五四三二二二

得則直斜留

二八二七二天二五二四二三三三三

三八三七三六三五三四三三三三三

八卦交面行乾篇

四八四七四六四五四四四四四四四

五八五七五六四四四四四四四四四

六八六七六六六六六六六六六六六

餘類推

七八七七六六六六六六六六六六六

八八七八八八八八八八八八八八

皇極經世

三西四明叢書  
約園刊本

乘數生數也除數消數也算法雖多不出乎此矣

乘數除數算法也生數消數大衍之數也補注曰算

法有九一曰方田以御田疇界域二曰粟米以御交

質變易三曰衰分以御貴賤廩稅四曰少廣以御積

籌方圓五曰商功以御功程積實六曰均輸以御遠

近勞費七曰盈朒以御隱雜互見八曰方程以御錯

揉正負九曰勾股以御高深廣遠大而百千萬億小

而釐毫絲忽其為數不過一乘一除而已

九數八數七數六數五數四數三數二數  
八變七變六變五變四變三變二變一變

### 乾長

### 數圖

一八	一七	一六	一五	一四	一三	一二	一一	一〇	九	八	七	六	五	四	三	二	一
二七	二六	二五	二四	二三	二二	二一	二〇	一九	一八	一七	一六	一五	一四	一三	一二	一一	一〇
三六	三五	三四	三三	三二	三一	三〇	二九	二八	二七	二六	二五	二四	二三	二二	二一	二〇	一九
四五	四四	四三	四二	四一	四〇	三九	三八	三七	三六	三五	三四	三三	三二	三一	三〇	二九	二八
五四	五三	五二	五一	五〇	四九	四八	四七	四六	四五	四四	四三	四二	四一	四〇	三九	三八	三七
六三	六二	六一	六〇	五九	五八	五七	五六	五五	五四	五三	五二	五一	五〇	四九	四八	四七	四六
七二	七一	七〇	六九	六八	六七	六六	六五	六四	六三	六二	六一	六〇	五九	五八	五七	五六	五五
八二	八一	八〇	七九	七八	七七	七六	七五	七四	七三	七二	七一	七〇	六九	六八	六七	六六	六五

皇極經世釋義 卷二  
三五 四明叢書  
約園刊本

下漸長而上交於坤而止合八會用數天主乎用也

右乾自西北起斜觀八位三十六變共二百四十自

坤 八九為七  
十二此交  
數七十  
六十一為  
六十六為  
五十二為

消 六十一為  
六十六為  
五十二為  
六十

數 四十三為  
五十二為  
三十四為  
四十二

圖 三十四為  
四十二  
三十五為  
三十

一十六

一八																	
二八	二七																
三六	三五	三六															
四四	四六	四五															
五五	五六	五五															
六六	六六	六六	六六	六三													
七七	七六	七五	七四	七三	七二												
八八	八八	八八	八八	八八	八八	八一											

坤以翁之  
分則消消  
則翁也

上數十五數十四數十三數十二數十數九數  
一變二變三變四變五變六變七變八變

右坤自東南起斜觀八位三十六變除交數八變餘二十八變共得三百三十六數自上漸消而下交於乾之九數而止合八變之體數地主乎體也

通變曰乾八位自二至九凡三十六變坤八位自九至十六亦三十六變去坤之交數八變則二卦交六十四變而六子之變盡在其中矣是故大數皆包於天地而日月星與萬物於此數中分其數以自爲變化爾又曰乾之變自一至八長數也坤之變自一至八消數也消長之理於此見矣乾之三十六變共二百四十則開物至閉物八月之數也坤之二十八變共三百三十六則八變之體數也合而五百七十六則卦數圖六十四卦之數也各用交數而六百四十八則太玄二首九日之策也各去交數而五百四則用數六變而終於十二之數也

易之大衍何數也聖人之倚數也天數二十五合之爲五十地數三十合之爲六十故曰五位相得而各有合也五十者著之數也六十者卦之數也五者著之小衍也故五十爲大衍也八者卦之小成則六十四爲大成

也

衍者推廣也五者一三五七九也以一三五七九爲倚數之始故曰小衍由此五數而積其實則爲大數二十有五又合之以二十有五則爲五十而百千萬億皆自此出矣故五十爲大衍八卦者三畫之卦內外未具貞悔未全故曰小成六十四卦則六爻全體具矣故爲大成

五十分之則爲十若參天兩之則爲六兩地又兩之則爲四此天地分太極之數也天之變六六其六得三十

皇極經世釋義

卷二

三七四明叢書

約園刊本

六爲乾一爻之策也積六爻之數共得二百一十有六爲乾之策六其四得二十四爲坤一爻之策積六爻之數共得一百四十有四爲坤之策積二篇之策乃萬有一千五百二十也

爲十上當有爲五二字五十者太極之總數也若以五十各分分之則爲五爲十由是又以其五與十橫分之則五之三五三數爲天故三天二四兩數爲地故兩地十則三天兩之則兩其三爲六是分得十之六也兩地又兩之則兩其兩爲四是分得十之四也

故天以六變地以四變此天地分太極之數也獨言天之變者此解大衍著策之數主著言也著者天也其變六以著變之六加之夫數之六則六六爲三十六加之地數之四則六四爲二十四故曰六其六六其四其六其四正應上爲六爲四字此申解繫辭傳文之意也傳曰乾之策二百一十有六坤之策百四十有四凡三百有六十當筮之日二篇之策萬有一千五百二十當萬物之數也蓋二篇謂周易上下經凡陽爻九十二得六千九百一十二策每爻皆以三十六乘之也凡陽爻百九十二得四千六百八策每爻皆以二十四乘之也

陽得陰而生陰得陽而成故著數四而九卦數六而十也猶幹支之相錯幹以六終而支以五終也

此言著卦之用數也補注曰著屬陽故其數四十九四爲陰而九爲陽所謂陽得陰而生也卦屬陰故其數六十六爲陽而十爲陰所謂陰得陽而成也陽陰之相得猶幹支之相錯甲子甲寅甲辰甲午甲申甲戌幹以六終也甲子丙子戊子庚子壬子支以五終



也發微曰生於五者終於六生於六者終於五五卽  
十千六卽十二支也

卦有六十四而用止六十者何也六十卦者三百六十  
爻也故甲子止於六十也六甲而天道窮矣是以策數  
應之三十六與二十四合之則六十也三十二與二十  
八合之亦六十也乾四十八坤十二震二十巽四十離  
兌三十二坎艮二十八合之亦六十也

三百六十爻合一元三百六十運數也故用止於六  
十卦而天干與地支相配甲子之數亦止於六十凡

皇極經世釋義

卷二

三元四明叢書  
約園刊本

歷六次甲子而天道一元三百六十運之數遂窮矣  
窮則復爲後元之端實無止息故一元經之以日甲  
以見甲元後尙有一元也小用之與年月日時皆然  
三四十二也二六亦十二也二其十二二十四也三八  
亦二十四也四六亦二十四也三其十二三十六也四  
九亦三十六也六六亦三十六也四其十二四十八也  
三其十六亦四十八也六八亦四十八也五其十二六  
十也三其二十亦六十也六其十亦六十也皆自然之  
相符也此蓋陰數分其陽數耳是以相因也如月初一

分作十二也二十四氣七十二候之數亦皆因以明之  
十二二十四三十六四十八六十皆大衍所用之數  
此言陰陽二數相乘無不相合蓋陽爲陰主陰數本  
分其陽數以致用故皆相因也如三四陽數也二六  
陰數也二數相乘皆乘十二是謂陰陽一機本由一  
而分也餘放此

四九三十六也六六三十六也陽六而又兼陰六之半  
是以九也

六六者陽之用復曰四九三十六九與六合者何也

皇極經世釋義 卷一

四十四明鏡書

約園刊本

蓋一元十二會陽數六陰數六然陽饒陰泛陽之六  
其中所包之數實又兼陰六之半半則三也以三合  
六則九是以六之中含九數而三十六亦可以九言  
也蓋陰六之數爲四六二十四陽六之數爲六六三  
十六二十四者兩其十二三十六者三其十二陽數  
多十二是兼陰數之半也四六者每六得四六六者  
每六有六六比四爲多一半也

故以二卦言之陰陽各三也以三爻言之天地人各二  
也陰陽之中各有天地人天地人之中各有陰陽故參

天兩地而倚數也

故以下與上文意不相蒙疑有脫誤以小成二卦相並言之陰有三爻是陰陽各具天地人之象兩而三也以一卦三爻言之初爲地二爲人三爲天然立天之道曰陰與陽立地之道柔與剛立人之道仁與義是三才各具陰陽之理參而兩也故曰參天兩地而倚數言參於兩天地二數相倚依而成數蓋陽得陰而生陰得陽而成陰陽互根理固然也

易有與數三而已參天者三三而九兩地者倍三而六

皇極經世釋義

卷二

四十四明叢書

約園刊本

補註曰三謂三才故爲易之真數九爲老陽六爲老陰皆倚三而起也

參天兩地而倚數非天地之正數也倚者擬也擬天地正數而生也

朱子曰天地之數都只始於三三謂如陽數九只是三三而九之陰數六只是三二而六之故孔子云參天兩地而倚數此數之本也康節卻云非天地之正數是他見得不盡康節卻以爲數

易之數窮天地終始或曰天地亦有終始乎曰既有消

長豈無終始天地雖大是亦形器乃二物也

易之數以三百六十相乘以極於同人二萬八千兆之數所以窮天地之終始者也

易之生數一十二萬九千六百總爲四千三百二十世此消長之大數演三十年之辰數卽其數也歲三百六十日得四千三百二十辰以三十乘之得其數矣

一元十二會一會三十運一運十二世一世三十年一元十二萬九千六百年總爲四千三百二十世此消長之大數也演字下是以小運之可見者明大運

皇極經世學

卷二

四三十四明叢書

約園刊本

也三十年卽一世之數也一世有十二萬九千六百年時時者辰也若以一歲言之元之世卽歲之時也世有三十年卽時有三分也以三十乘四千三百二十時得十二萬九千六百分以三十乘四千三百二十世豈不有十二萬九千六百年哉以小觀大斷可知矣

凡甲子甲午爲世首此爲經世之數始於日甲月子星甲辰子又云此經世日甲之數月子星甲辰子從之也三十年爲一世支干相配極於六十故甲子甲午分

爲世首謂每世之首年非甲子卽甲午相間而運也  
始於日甲月子星甲辰子者卽所謂曆元也此指經  
世圖而言故曰此經世日甲之數從之者月子星甲  
辰子之數卽日甲之細數也故元會運世同起於甲  
子


十百千萬億爲奇天之數也十二百二十千二百萬二  
千億二萬爲偶地之數也

五六爲天地之中數二五爲十故天數始於一衍之  
而爲十百千萬億皆十也二六爲十二故地數始於  
二衍之而爲十二百二十千二百萬二千億二萬皆  
十二也此不過十千十二支也

十千天也十二支地也支千配天地之用也

天地之氣必相交故支千之數必相配天之體圓圓  
則一而已一氣之運籠統周流始於一終於十終而  
復始卒無止息故舉其極數而言分爲十千十卽一  
也地之體方方則四四而四之極其數爲十六循其  
外方十六止得十二而已其四角爲交數去其交數  
故舉其極數而言分爲十二支十二卽二也

天體二極為十卽爲圖



皇極經世一

卷二

四明叢書

約園刊本

地體十六止角十二圖

亥	子	丑	寅	卯	辰	巳	午	未	申
亥	子	丑	寅	卯	辰	巳	午	未	申
亥	子	丑	寅	卯	辰	巳	午	未	申
亥	子	丑	寅	卯	辰	巳	午	未	申

干者幹之義陽也支者枝之義陰也干十而支十二是陽數中有陰陰數中有陽也

干之數至十則中含乙丁己辛癸居於偶數者皆陰也支之數至十二則中含子寅辰午申戌居於倚數者皆陽也故曰陽數中有陰陰數中有陽

陽數一衍之爲十十干之類是也陰數二衍之爲十二十二支十二月之類是也

陽之體實故其數起於一陰之體虛故其數起於二數萌於未有體之先而具於既有體之後十於十二

皇極經世一

四孟四明叢書

約園刊本

者衍於二始倍於二中具於二體無不相合此數之所以爲自然也

陽無十故不足於後陰無一故不足於首

陰不足於後者天五變之數止於同人二萬兆不如地六變遂至坤無極之數也陰不足於首者地卦之首起於夬之十二也

陽數於三百六十上盈陰數於三百六十上縮

陽數盈者氣盈五日四分日之一也陰數縮者朔虛五日九百四十分日之五百九十二也一年十二月

一月三十日三百六十日日之正數也蓋日之行周天三百六十五度四分日之一日日不差毫釐故其行每月皆同天則日一周天又過日一度月則日不能以周天不及日十二度十九分度之七故有盈縮朱子曰氣言則三百六十五日朔言三百五十四日舉氣盈朔虛之中數而言故曰三百六十自餘進退不過六分堯典舉成數言故曰三百有六旬有六日體四而變六兼神與氣也氣變必六故三百六十也

體止四耳而變有六者何兼神與氣二者合之於體數之四則六矣蓋氣以宅神而體以運氣神氣者體之主也氣變必六故一元大運六十運一變六變而三百六十運矣一運小運六年一變六十變而三百六十年矣一年猶一元也一日猶一運也隨其時之小大而氣之變皆以六爲節

氣以六變體以四分

六十甲子紀元會運世年月日時之數氣以六變也日月星辰爲天之體水火木石爲地之體體以四分也



天地之交十之三

發微曰體之用數三百六十用數之用二百五十二  
交數不用之數也用數顯陽也交數幽陰也天統乎  
體地分乎用自一元之數而言用數七交數三陽勝  
乎陰者天在地上者七交而在地下者三主坎離卯  
酉而言晝夜之分也陽侵陰晝侵夜三天兩地之理  
也以一日言自寅至戌以十二會言開物至閉物於  
十二萬九千四百中取九萬七百二十數爲用以日  
數言於三百六十日中十取其七得二百五十二爲  
用以一歲言冬三分不用以一日言夜三分不用  
凡事爲之極幾十之七則可以止矣蓋夏至之日止於  
六十兼之以晨昏分可辨色矣庶幾乎十之七也  
晨則日未出而物已動昏則日已入而動未息故夏  
至日有六十刻兼此晨昏分爲七

正音律數行至於七而止者以夏至之日出於寅而入  
於戌亥子丑三時則日入於地而目無所見此三數不  
行者所以比於三時也故生物之數亦然非數之不行  
也有數而不見也

補註曰正音律數如黃鐘爲宮則太簇爲商姑洗爲角蕤賓爲變徵林鐘爲徵南呂爲羽應鐘爲變宮故經世圖日四位月四位星四位辰四位皆七聲是也蓋天地之數始於一終於十夏至之日出寅入戌凡六十刻兼餘分之一庶幾乎十之七也程子有言堯夫嘗窮昧有二萬八千六百色有二萬八千六百獨聲之數只得其半蓋聲陽也只有日出地上數得到日入地下遂數不行

天下之數出於理違乎禮則入於術世人以數而入術故失於理也

皇極經世一

卷二

學八四明叢書

約園刊本

此邵子言數之本也此邵子之數所以爲妙也

太極既分兩儀立矣陽下交於陰陰上交於陽四象生矣陽交於陰陰交於陽而生天之四象剛交於柔柔交於剛而生地之四象於是八卦成矣八卦相錯然後萬物生焉是故一分爲二二分爲四四分爲八八分爲十六十六分爲三十二三十二分爲六十四故曰分陰分陽迭用柔剛易六位而成章也十分爲百百分爲千千分爲萬猶根之有幹幹之有枝枝之有葉愈大則愈少

愈細則愈繁合之斯爲一衍之斯爲萬


此解八卦之生於橫圖有以明圖圖之所由成也陽爲上陰爲下故曰陽下交陰上交陽此以對待見相交之義邵子以兩儀當天地故以陰陽剛柔言而不分太少玉齋胡氏曰此一節申明八卦相錯而爲六十四卦有此圖圖也邵子以一動一靜之間爲太極以動靜分兩儀以陰陽剛柔分四象以太極太陰少陽少陰分乾兌離震爲天四象以少剛少柔太剛太柔分巽坎艮坤爲地四象所謂八卦也乾兌離震四卦皆自陽儀來故爲天之四象巽坎艮坤四卦皆自陰儀來故爲地之四象八卦相錯者一卦之上各加八卦以相間錯則六十四卦成矣

一變而一二變而四三變而八卦成矣四變而十有六五變而三十有二六變而六十四卦備矣

此以橫圖言一每生二易之本也及橫圖旣成然後據上畫之六十四并下五畫皆破爲六十四於是乎觀其象而定其名凡上文所言陰陽相交之義皆是旣成圖之後觀其象有如此

伏義十六

大乾 大坤 大震 大巽 大離 大坎 大艮 大兌 大震 大離 大兌 大乾



六變五變四變三變二變一變  
六十四三十二十六八卦四象兩儀

太

伏義八卦橫圖



八卦 四象 兩儀


太極

皇極經世一

五十四明藏書 約圖刊本

四卦橫圖

坤動此則理學百 萬民安志族成 師榮安漢解盡 國訟升益井巽 恒震



坤 艮 坎 巽

太陰 少陽

陰

極

陽本畫陰本畫不便於畫但假黑白以別之耳

皇極經世一

至四明叢書

約圖刊本

天地定位一節明伏羲八卦也八卦相錯者相交錯而成六十四卦也數往者順若順天而行是左旋也皆已生之卦也故云數往也知來者逆若逆天而行是右行也皆未生之卦也故云知來也夫易之數由逆而成矣此一節直解圖意若逆知四時之謂也

說卦傳曰天地定位山澤通氣雷風相薄水火不相射八卦相錯此明伏羲八卦也又曰數往者順知來者逆是故易逆數也八卦相錯承上文二老六子陰陽得偶言陰陽得偶然後能相交故八卦相錯而成

六十四此本陰陽得偶以明卦象變化之所由成左  
爲順右爲逆據左方起震離歷兌以至於乾皆進而  
得其已生之卦蓋卦之生乾一兌二離三震四由震  
而反觀則離兌乾皆已生者也故曰數往數往則其  
卦體已明不待推測而自知若順天左旋知之甚易  
也若據右方則自巽歷坎艮以至於坤皆進而得其  
未生之卦蓋卦之生巽五坎六艮七坤八當巽之時  
而欲求知後卦則坎艮坤皆來而未生者也故曰知  
來欲知來則其卦數未詳必據此測彼比方逆料然  
後可得若逆天右行知□□□□在左方曰左旋在  
右方逆曰右行非真右行也此□左右分□以明卦  
氣逆順之所由異圓圖之成不過橫圖中分以規而  
圓之耳故又曰是故易逆數也此一節直解圖意只  
指此一句言天地定位至八卦相錯是對解圖意數  
往者順知來者逆是分解圖意此一句是據八卦圓  
圖而推其生成之序本於橫圖由乾一歷兌二離三  
震四巽五坎六艮七至坤八止一直解之言其數皆  
已數而得未生皆以逆而數之然後可知也故曰直

解圖意若逆知四時之謂也此論橫圖之序自乾至  
坤皆未生之卦也所謂未生者自卦之未畫者推之  
蓋太陽未交以前乾未生也自其上生一奇爲乾而  
兌猶未生也然其生之勢不容已不必太陽上生一  
隅方知其爲兌已可卽乾而逆推兌於未生之前知  
其必爲兌矣少陰未交以前離猶未生也自其上生  
一奇則爲離而震猶未生也然其生之勢亦不容已  
不必少陰上生一隅方知其爲震已可卽離而逆推  
震於未生之前知其必爲震矣自巽五至坤八其所  
推者亦然如自春而推夏知春之後必爲夏自夏而  
推秋知夏之後必爲秋自秋而推冬知秋之後必爲  
冬所謂若逆知四時之謂也

是故乾以分之坤以翕之震以長之巽以消之長則分  
分則消消則翕也

震之時陽雖長猶雜之陰也乾則長之極陽純而陰  
盡去向之陽翕聚於內者皆分布發散於外而無一  
毫之隱伏矣故曰乾以分之又曰長則分分則陽之  
純長之極極則消矣自然之理也此解八卦圖圖有

以合造化陰陽往來之理

乾坤定位也震巽一交也兌離坎艮再交也故震陽少而陰尚多也巽陰少而陽尚多也兌離陽浸多也坎艮陰浸多也是以辰與火不見也

是以辰與火不見也一句疑是錯簡

離在天而當夜故陽中有陰也坎在地而當晝故陰中有陽也震始交陰而陽生巽始消陽而陰生兌陽長也艮陰長也

乾爲日兌爲月離爲星震爲辰坤爲水艮爲火坎爲

土巽爲石此分天爲陰陽地爲剛柔而又以上爻之陰陽剛柔分太少也若交互言之則天亦有剛柔地亦有陰陽星隕地爲石剛也辰爲天之體如地之土柔也水流而無質陰也火爲天之餘氣陽也故以第二爻陰陽剛柔爲主而分其陰陽剛柔在天則爲陽剛陰柔故乾爲日兌爲星離爲月震爲辰星與月互處兌與離矣離爲月則月乃夜之象也故曰當夜陽中有陰者一陰間二陽也在地則爲陰柔陽剛故坤爲水艮爲土坎爲火巽爲石土與火互處艮與坎矣



坎爲火則火則晝之氣也故曰當晝陰中有陽者一陽間二陰也朱子曰震始交陰而陽生是說圓圖震與坤交而一陽生也巽始消陽而陰生是說圓圖巽與乾接而一陰生也

震兌在天之陰也巽艮在地之陽也故震兌上陰而下陽巽艮上陽而下陰天以始生言之故陰上而陽下交泰之義也地以既成言之故陽上而陰下尊卑之位也天以始生下正是申說上文之意玉齋胡氏曰天以生物爲主始生之初非交泰不能故陰上陽下而取交泰之義地以成物爲主既成之後則尊卑定故陽上陰下而取尊卑之位

乾坤定上下之位離坎列左右之門天地之所闔闢日月之所出入是以春夏秋冬晦朔弦望晝夜長短行度盈縮莫不由乎此矣

乾爲天坤爲地天地上下相交則闔而生物交之極而上下各復其位則闔而閉物上下者乃天地之氣所由以闔闢者也故乾上坤下以定其位乃爲天地之所闔闢也離爲日坎爲月日起於東而流於西月

生於西而沒望於東而起左右者乃日月之行所由以出入者也故離左坎右以列其門乃爲日月之所出入也天地之氣闔闢則爲四時而成歲月出入則有晦朔弦望日出入則有晝夜長短行度盈縮凡造化之象莫不由乾坤離坎之上下左右而得之矣圖之義其妙矣哉晝長夜短乃日之行度盈於上而縮於下也夜長晝短乃日之行度盈於下而縮於上也陽在陰中陽逆行陰在陽中陰逆行陽在陽中陰在陰中則皆順行此真至之理按圖可見之矣

起震至乾由巽至坤爲左旋順也起坤反巽由乾轉震爲右旋逆也朱子曰圓圖左屬陽右屬陰坤無陽艮坎一陽巽二陽爲陽在陰中逆行乾無陰兌離一陰震二陰爲陰在陽中逆行震一陽離兌二陽乾三陽爲陽在陽中順行巽一陰坎艮二陰坤三陰爲陰在陰中順行思齋翁氏曰先天圓圖左陽右陰左三十二卦陽始於復之初九歷十六變而二陽臨又八變而三陽泰又三變而四陽大壯又一變而五陽夬而乾以君之陽之進也始緩而終速其進也以漸所

謂陽在陽中順也陽主升自下而升亦順也復至无  
妄二十陽明夷至同人二十八陽臨至履亦二十八  
陽泰至乾三十六陽二十者陽之微二十八者陽之  
著三十六者陽之盛陽在北則微在東則著在南則  
盛亦順也陽順而陰逆不言可知矣陰在右方三十  
二卦朔反是故曰真至之理按圖可見也

順數之乾一兌二離三震四巽五坎六艮七坤八逆數  
之震一離兌二乾三巽四坎艮五坤六也

順數之者順其本生之序也逆數之者逆其本生之

皇極經世一

卷二

約圖刊本

序也不以圖之左右分順逆數之合月生明之序  
并納甲之法離合於兌坎合於艮不另數者納甲之  
法離坎當日月中原不在數也故此附其數於兌  
艮朱子曰先天圖有一月之象自復而震初三日月  
生明至兌初八日月上弦十五至乾月之望也至巽  
則月之始虧十八也至艮則月之下弦二十三日也  
至坤則月之晦而三十日又曰震一兌二乾三巽四  
艮五坤六每五日爲一節朔且始用事爲日月陰陽  
交感之初修煉者以此爲法二十六以後至初二爲坤日行

至震則月生光一分至兌月生光二分至乾月全體皆光十六以後至巽月光漸虧至晦朔之間日月相沓全無光發微曰日與月會而分晦朔月掩於日人見其背故陰體全見而爲晦配卦象坤其時月在一方而日在乙以其合也故坤合乙月至於晦則自東而北乃與日會東乙也北癸也消乙入癸會於乾壬北方氣之所歸十有二會萬物畢昌而月復見於震兌矣天地交而後有震震者天地之始交而萬物興夫坤終乙癸則乾始震庚弦望晦朔終始相續而不

已也哉生明第一節初三日純陰中一陽初交始生一線之明則月作震象其時月昏見於西方庚地日方入於地面故震納庚六日後第二節初八日二陽生明半於魄爲上弦則月又作地象昏見於南方丁地又五日第三節之終十五日盛滿爲純陽則月又作乾象昏見東方甲地受光於日與地面平望後十六日第四節之始乾體始受下一陰爲巽而生魄月作巽象以平日而沒於西方辛地又五日下午弦第五節之中二十三復生中一陰爲艮月作艮象以平旦

而沒於南方丙地三十日第六節終全變三陽而光  
盡體伏於西北一月六節六節既盡禪於後月復生

震卦云

乾坤之名位不可易也坎離名可易而位不可易也震  
巽位可易而名不可易也兌艮名與位皆可易也

名者陰陽之名位者反易之位乾坤艮離四正卦無  
反覆之變故曰位不可易乾爲老陽坤爲老陰名不  
可易也坎生於陰儀名爲陰卦矣然以其體成於乾  
而數具乎七則又爲中男名可易而爲陽也離生於

陽儀名爲陽卦矣然以其體成於坤而數具乎八則  
又爲中女名可易而爲陰也震爲長男居於左巽爲  
長女居於右其陰陽固有定名矣震反觀爲艮巽反  
觀爲兌則震巽之位更爲艮兌之居是其位可兩易  
也兌艮則名可易如坎離位可易以震巽

離肖乾坎肖坤中孚肖乾頤肖離小過肖坤大過肖坎  
是以乾坤離坎中孚頤大過小過皆不可易者也

天下之理惟一無對惟中無對無對則不變也乾純  
陽坤純陰一矣故不變肖似也離坎以三畫觀之固

中也若合六畫言之則離有四陽陽幾乎純矣故曰  
肖乾中孚之肖乾也亦然坎有四陰陰幾乎純矣故  
曰肖坤小過之肖坤也亦然頤則上下二陽中包四  
陰如三畫離之中也故曰肖離大過則上下二陰中  
包四陽如三畫坎之中也故曰肖坎然則其不可變  
易也固亦宜矣通變曰以中孚肖乾小過肖坤者始  
終包之從多爲勝也以頤肖離大過肖坎者中位其  
當一中也

復至乾凡百有十二陽姤至坤凡八十陽姤至坤凡百  
有十二陰復至乾凡八十陰

此以下皆言六十四卦圓圖

夫易根於乾坤而生於姤復蓋剛交柔而爲復柔交剛  
而爲姤自茲而無窮矣

乾坤六十四卦之主故易根於乾坤而其生生之始  
則起於姤復也故乾坤爲大父母姤復爲小父母  
無極之前陰含陽也有象之後陽分陰也陰爲陽之母  
陽爲陰之父故母孕長男而爲復父生長女而爲姤是  
以陽起於復而陰起於姤也

陰含陽者陽主陰以斂藏故陰中有陽陽分陰者陰隨陽以分布故陽中亦有陰蓋陰陽二氣未嘗相離也玉齋胡氏曰朱子言就圖上說循環之意者蓋以右一邊屬陰而陰中有陽故自一陰之姤至六陰之坤皆是一陰而含陽陰主闔其翕聚者所以含畜此陽也左一邊屬陽而陽中有陰故自一陽之復至六陽之乾皆是以陽而分陰陽主闢其發散者所以分布此陰也坤復之間乃爲無極蓋以一動一靜之間一無聲無臭之理而已自坤而反觀則推之於前以至於姤故爲無極之前自復而順數則引之於後以至於乾故爲有象之後四卦之循環蓋未見其終窮也陰爲陽之母謂坤爲復之母故生復也陽爲陰之父謂乾爲姤之父故生姤也圖分陰陽復姤爲陰陽之起處

自泰至否其間則有蠱矣自否至泰其間則有隨矣此亦就六十四卦圓圖言泰夏之始蠱則未終而接申之立秋矣否冬之初隨則丑終而接寅之立春矣通變曰陰微不用將秋則用先生曰自泰至否則有

蠱矣言陰數至蠱而行則否之漸也陽微不用將春則用先生曰自否至泰則有隨矣言陽數至隨而行則泰之漸也陰陽二氣爲德不同發微曰元會運世之數一運當三百六十年可以推歷代之治亂子至卯陰中陽將治也卯至午陽中陽極治也午至酉陽中陰將亂也酉至子陰中陰極亂也先天圖自泰歷蠱而至否自否歷隨而至泰卽南北之運數也蓋泰與否相對蠱與隨相對故曰自泰至否其間有蠱蠱之者誰陰方用事陽艮以止陰邪巽入否斯至矣自否至泰其間有隨隨之者誰陽震順動兌陰隨之民說無疆泰無不宜

諸卦不交於乾坤者則生於否泰否泰乾坤之交也乾坤起自奇耦生自太極

諸卦不交於乾坤者則生於否泰此特據理言之耳非真卦之生如此也以方圖觀之夫大有大壯小畜需大畜履同人无妄姤訟遯交於乾者也剝比觀豫晉萃謙師升復明夷臨交於坤者也其餘三十六卦皆不交於乾坤雖不交於乾坤然由乾坤而變之皆



河生也舍曰乾坤而曰否泰者何否泰乾坤之交也  
乾坤交而成否泰否泰既成則西南東北上下對居  
相應包括始終代乾坤而生諸卦矣此亦子繼父禪  
長女代母之義否泰之所生卽乾坤之功也然乾坤  
又何由而生哉必有所以主之者故曰起自奇耦生  
自太極

乾坤交而爲泰變而爲雜卦也

泰上疑有否字六十四卦惟否泰二卦乃乾坤二卦  
全體相交故曰交其餘則爻之變而成也故曰變而

皇極經世一

卷二 空三四明變情

約圖刑不

爲雜卦

易有三百八十四爻眞天文也

按甘石之說星總數有三百八十三名故易有三百  
八十四爻眞天文

圖雖無文先天也吾終日言而未嘗離乎是蓋天地萬物

之理盡在其中矣

先天圖者環中也

發微曰張氏曰圓於外者爲天方於內者爲地人在  
地上卽環中也愚曰以上下觀之乾南爲天坤北爲

地以左右觀之震至乾左爲天太陽太陰少陽少陰  
生而天道備巽至坤右爲地太剛太柔少剛少柔生  
而地道成天包地外陰陽二氣萬變一理循環無端  
此所以名環中也處環中而爲人倫則乾君坤臣家  
人父子成恆夫婦六子出焉履環中而驗方域則天  
門無上地戶無下川澤注於東南其流無極崑崙起  
於西北其高莫擬大明東暎於離陰魄西孕於坎雷  
出於震萬物昭蘇風入於巽萬物枯朽環中之象於  
此可觀四時求之冬至子半陽神以來夏至午半陰  
鬼以遁三陽三陰春以分三陰三陽秋以半弦望晦  
朔月有終始巨晝暮夜氣有逆順環中之歲月日時  
存亡進退於此可翫陰陽闔闢求之則天唱地而有  
日月星辰之星地和天而有水火土石之音開發收  
閉機動籟鳴此環中一部之音樂本乎天真細細求  
之無名可名

先天之學心法也故圖皆自中起萬化萬事生於心也  
朱子曰圖中間白處便是太極三十二陰三十二陽  
便是兩儀十六陰十六陽便是四象八陰八陽便是


八卦兩邊生起便是陰根陽陽根陰這箇有對從中  
太極出者無對此心法也

先天學主乎誠至誠可以通神明不誠則不可以得道  
此以上皆是推明先天圓圖方圖之意先天之學神  
明之道也惟至誠可以達其妙故主乎誠後章云至  
理之學非至誠則不至物理之學或有所不通不可  
以強通通則有我有我則失理而入於術矣亦是  
此意

# 伏羲八卦圓圖



伏羲六十四卦方圓圖



起震終艮一節明文王八卦也

說卦傳曰帝出乎震齊乎巽相見乎離致役乎坤說言乎兌戰乎乾勞乎坎成言乎艮此明文王八卦也至哉文王之作易也其得天地之用乎故乾坤交而爲泰坎離交而爲既濟也乾生於子坤生於午坎終於寅離終於申以應天之時也置乾於西北退坤於西南長子用事而長女代母坎離得位兌艮爲耦以應地之方也王者之法其盡於是夫

泰天地之所以生物既濟天地之所以成事用也而

皇極經世一

卷二 四明叢書

約園刊本

文王之易具焉故曰得天地之用乾坤自己成而反其所由生之地坎離自本位而造其所對應之極比言其往來變化而無方卽天時之不窮也故曰應天兌艮爲耦者乾與坤震與巽坎與離既各以義相似位相對而爲言矣惟兌與艮則似參錯而不齊也然兌居西方則自夏而秋由闢而闔爲生成之會艮居東北則自冬徂春方闔將闢爲終始之交其義則亦相同而爲耦也故曰爲耦此四句言八卦各有定位一地之方而有常也故曰應地玉齋以應天言先天

以應地言後天非是文王所行王道不過上律天時  
下襲水土而已今既變化無方有以應天時各有定  
位有以應地理則合動靜體天地其道無不具矣故  
曰王者之法其盡於是矣朱子曰此言文王改易伏  
義卦圖之意也蓋自乾南坤北而交則乾北坤南而  
爲泰矣自離東坎西而交則離西坎東而爲既濟矣  
乾坤之交者自其所已成而反其所由生也故再變  
則乾退乎西北坤退乎西南也坎離之變者東自上  
而西西自下而東也故乾坤既退則離得乾位而坎  
得坤位也震用事者發生於東方巽代母者長養於  
東南也玉齋胡氏曰先天卦乾居午而云生於子者  
以乾陽始生於復復子之半也坤居子而云生於午  
者以坤陰始生於姤姤午之半也午乾之所以成今  
下而交坤於子是反其所由生也子坤之所已成今  
上而交乾於午是反其所由生也先天卦離當寅而  
云終於申者申乃坎之位離交坎而終於申也坎當  
申而云終於寅者寅乃離之位坎交離而終於寅也  
離交於坎而向西是東自上而西也坎交於離而向

東是西自下而東也

易者一陰一陽之謂也震兌始交者也故當朝夕之位  
離坎交之極也故當子午之位巽艮雖不交而陰陽猶  
雜也故當用中之偏位乾坤純陰陽也故當不用之位  
陰上陽下雖交而未合也故爲始交陰陽在中則爲  
渾融和合而彼此如一故爲交之極西山蔡氏曰此  
一節論陰陽以易位爲交陽本在上陰本在下艮一  
陽在上巽一陰在下故云不交震一陽在下兌一陰  
在上故爲始交坎陽在中離陰在中故爲交之極春  
陽之始故震居之秋陰之始故兌居之夏陽極陰生  
故離居之冬陰極陽生故坎居之艮一陽二陰巽二  
陽一陰猶有用乾純陽坤純陰不爲用東方爲陽主  
用西方爲陰不用故乾坤居西隅艮巽居東隅也  
兌離異得陽之多者也艮坎震得陰之多者也是以爲  
天地用也乾陽極坤陰極是以不用也

說卦傳曰神也者妙萬物而爲言者也動萬物者莫  
疾乎雷撓萬物者莫疾乎風燥萬物者莫熯乎火說  
萬物者莫說乎澤潤萬物者莫潤乎水終萬物始萬

物者莫盛乎艮故水火相逮雷風不相悖山澤通氣然後能變化既成萬物也此本後天卦圖言六子三時成用而不及乾坤邵子此章正所以明其意也得陽之多則猶有陰也得陰之多則猶有陽也陽得陰而生陰得陽而成陰陽相交故所以成用也故爲天地用獨陽不生獨陰不成乾坤既爲陰陽之極其不用也固宜矣

坤統三女於西南乾統三男於東南

後天八卦方位坤陰也乃統三女於西南乾陽也乃

皇極經世一

卷二

七十四明齋書約圖刊本

統三男於東北陰上而陽下是之謂男女相交交泰之義也此亦前章得天地之用之意

道生天天生地及其成功而身退故子繼父禪是以乾退一位也

道生天先天圖之左也天生地先天圖之右也乾上坤下主張六子則道既生天天又分以生地也天既生地則天之道盡發之於地功成而身退矣故後天卦圖震居東方震長子也子既繼用父當禪位是以乾反所生又退一位遂居西北不用之地矣此申言



文王改易伏羲卦圖之意也

乾四分取一以與坤坤四分取一以奉乾乾坤合而生六子三男皆陽也三女皆陰也兌分一陽以與艮坎分一陰以奉離震巽以二相易合而言之陰陽各半是以水火相生而相剋然後既成萬物也

文王八卦次序以乾坤爲二老震爲長男巽爲長女坎爲中男離爲中女艮爲少男兌爲少女是爲六子故此言二老相交以生六子而六子又相交以生萬物也乾坤相交之數合八卦言之乃卽其所已生而

推本其所由生也八卦共二十四爻陰陽各分十二凡陽爲乾有十二也四分取一以與坤既成震坎艮之三男矣三男本皆坤體也凡陰爲坤亦有十二也四分取一以奉乾卽成巽離兌之三女矣三女本皆乾體也乾坤彼此相易六子遂皆成體故曰乾坤合而生六子兌以下又是以六子自相合言兌離震在先天爲天卦皆陽也以陽爲主故兌離之缺一陽者爲分一震之缺二陽者爲分二巽坎艮在先天爲地卦皆陰也以陰爲主故坎艮之缺一陰者爲分一巽

之缺二陰者爲分二與上三男皆陽三女皆陰之說  
陰陽有相反各自取義蓋並行不悖也言兌分一陽  
以與艮則艮分一陰以奉兌可知矣言坎分一陰以  
奉離則離分一陽以與坎可知矣以其相對互見省  
文也合而言之合六子也陰陽各九盡則陰陽彼此  
得偶矣是以二氣並行水火燥溼相生相克不至偏  
重然後能盡成萬物也獨合水火者造化生萬物之  
功不過燥溼二氣而已也故文王八卦方位以坎離  
當子午爲主蓋坎離主生物之用相生以合其力相  
洩以洩其過皆生物之功也久燥則枯恆溼則爛故  
必相生相剋然後物成而不朽

文王八卦方位



文王八卦次序



皇極經世一

卷二

三四册書

約圖刊本

乾坤縱而六子橫易之本也震兌橫而六卦縱易之用也

先天對待以立體故主乾坤言乾坤者天地也後天主時以成用故主震兌言震兌者春秋也體之成主於天地時之變主於春秋此以二易相對言故有此別若專言先天則固無所不備也

先天之學心也後天之學迹也

先天言造化之功由心出迹之學也後天言生物之後由迹求心之學也故曰易之本易之用體用本相

皇極經世釋義

卷二

主西四明叢書

約圖刊本

須但其發處不同其歸一也熊氏曰先天之學非可言傳當以心意領會後天之學文字可考故有形迹可見

四正者乾坤離坎也觀其象無反覆之變所以爲正也卦之反對皆六陽六陰也在易則六陽六陰者十有二對也去四正者八陽四陰八陰四陽者各六對也十陽二陰十陰二陽者各三對也

易文王上下經也六陽六陰者止十對耳有二二字疑衍去四正者大過中孚八陽四陰頤小過八陰四

陽其四卦亦如乾坤離坎無反覆之變者也十對則  
 二十卦各六對則二十四卦各三對則十二卦其五  
 十六卦合乾坤離坎頤中孚大小過八正卦則六十  
 四矣

☰ 乾

☷ 咸

☷ 坤

☱ 遯

☶ 屯

☲ 晉

☱ 需  
需訟對  
 晉明夷

☵ 蹇

☷ 師

☱ 蹇

☱ 睽

☱ 損

☱ 泰  
泰否對  
 損益

☱ 夬

十六

☱ 夬

☱ 萃

☱ 謙

☱ 困

雷 隨

澤 臨

震 噬

復 剝

巽 姤

頤 似醵

益 似坎

坎

離

雷 革

震 震

巽 漸

旅 豐

兌 異

頤 渙

益 似乾又厚

益 似坤又厚

巽 似坎體

革鼎變之  
盡爲屯蒙

四

卦

次

序

皇極經世一

四明叢書  
約圖刊本

右上經十八卦

右下經十八卦

易之首於乾坤中於坎離終於水火之交不交皆至理也

乾坤立天地之本坎離主生物之用此造化之至理

也李氏曰上下經各相對序卦至坎離別起文義上

經乾坤二老對立序卦各隱其名下經首咸二老合

體序卦隱咸名上經需訟對下經晉明夷需訟變之

盡爲晉明夷晉明夷變之盡爲需訟上經泰否對下

經損益泰否乾坤之交不交損益咸恆之交不交也

上經自屯蒙至臨觀下經自遯壯至鼎革屯蒙變之  
盡爲鼎革臨觀變之盡爲遯壯上經頤與大過偶在  
坎離之前下經中孚與小過偶在既未之前上經終  
坎離下經終既未既未者卽坎離之交不交也頤似  
離大過似坎而坎離繼二卦後中孚厚畫離小過厚  
畫坎而既未濟又繼二卦後是坎離爲乾坤震巽艮  
兌之用上經五十二陽爻五十六陰爻下經五十六  
陽爻五十二陰爻經分上下皆有至理惜師說不傳  
而文王分經之義隱矣

自乾坤至坎離以天道也自咸恆至既濟未濟以人事  
也

乾坤天地也坎離水火也天地主萬物而運水火二  
氣以生之此天道之妙也咸恆夫婦之義也既濟未  
濟水火之交不交也有夫婦則成家交用水火以濟  
事此人事之變也此文王分上下篇之意也

上經起於三下經終於四皆交泰之義也

周易上經三十卦是起於三下經三十四卦是終於  
四三陽也四陰也陽起而陰終之是之謂夫婦唱和

交泰之義也皆字疑衍

乾坤坎離爲上篇之用兌艮震巽爲下篇之用也頤中孚大過小過爲二篇之正也

乾坤坎離包括上經之始終兌艮坎巽合爲咸恆爲下經之始此八卦爲□□之用也乾坤坎離先天四正之卦也正則純正專故分爲上經用兌艮震巽先天四隅之卦也隅則交而合故合爲下經用

乾坤天地之本坎離天地之用是以易始於乾坤中於坎離終於既未濟而否泰爲上經之中咸恆爲下經之

皇極經世釋義

卷二

夫四明叢書

約園刊本

首皆言乎其用也故易者用也乾用九坤用六大衍用四十九而潛龍勿用也大哉用乎吾於此見聖人之心矣

否泰天地之交咸恆夫婦之義皆用也乾用九坤用六者揲著之法陽爻有七九陰爻有八六七八爲少九六爲老老變而少不變易貴變也故凡筮得陽爻者用九而不用七得陰爻者用六而不用八大衍之數五十其用四十有九皆尚用也惟潛龍則不得時勿用耳非以不用爲美也此可見聖人之心也聖人



之心主靜以致用而已非如槁木死灰寂滅而不起者也

夫卦各有性有體然皆不離乾坤之門如萬物受性於天而各爲其性也在人則爲人之性在禽獸則爲禽獸之性在草木則爲草木之性

乾坤陰陽之純易之本也各卦雖各性體不同然皆自乾坤而變不過陰陽二畫錯居而已未有外陰陽而別爲一體者故曰皆不離乾坤之門繫辭傳曰乾坤其易之門邪乾陽物也坤陰物也陰陽合德而剛柔有體以體天地之撰以通神明之德天地之撰體也如雷風山澤之象是已神明之德性也如健順動止之性是已

不知乾無以知性命之理

性命之理至誠不息故曰於穆不已亦曰純亦不已不過一健而已故必知乾而後性命之理知乾者健也剛健中正純粹精也

在人則乾道成男坤道成女在物則乾道成陽坤道成

陰

君子於易玩象玩數玩辭玩意

象起於形數起於質名起於言意起於用

意者意思也用者易中所具妙用之理也言卽言此理而已象數卦爻之形體是已妙用之理具於象數之中以爲之主者也

有意必有言有言必有象有象必有數數立則象生象生則言彰言彰則意顯象數則筌蹄也言意則魚兔也得魚兔而忘筌蹄則可也捨筌蹄而求魚兔則未見其得也

補註曰筌香草也可以餌魚蹄兔置也係其腳故曰蹄見莊子術義曰有意以至有數謂作易之初也數立以至意顯謂成書之後也藏於心者爲意發於口者爲言健順動止陷麗說入凡可言者皆象也既有其象則一二三四五六七八其數可數矣是故易起於數也大極旣分十數斯具天五地五各以一而變四其二無體所存者八有天而地效之所謂八者四而已故卦止於八而象止於四也由四象八卦衍而推之至於千萬億兆當此數者必具此象有此象者

必應此數大而天地小而鱗介毫釐不差吐於口者  
可得而言揚得於心者可得而意會此易之所以畫  
也昔伏羲作十言之訓曰乾坤坎離艮震巽兌消息  
更三聖人無出此者以象數不可增虧故也由言而  
得意焉魚兔既獲筌蹄可忘故邵子謂先天之學爲  
心法也

易有意象立意皆所以明象統下三者有言象不擬物  
而直言以明事有象象擬一物以明意有數象七日八  
月三年十年之類是也

言象數三者皆所以發明其意也故意象統下三者  
如天道大通而至正意象也則繫其辭曰元亨利貞  
則言象矣如乾之九五剛健中正以居尊位如以聖  
人之德居聖人之位意象也擬其象曰飛龍在天則  
象象矣如臨卦起於復一陽之月至遯卦二陰之月  
爲八月意象也辭曰至于八月有凶則數象矣此下  
三象皆統於意象也

易有內象理致是也有外象指定一物而不變者是也  
自然而然不得而更者內象內數也他皆外象外數也

發微曰先天陰陽二圖內象內數先後有倫變之則亂蓋自然而然而更也後天卦氣圖及他象數皆錯雜無定人情物態非偽則妄所以孔子序後天之易惟以理爲次者內象內數立體之經外象外數應用之變也故三易履更先天不易理致者健說巽動之類指定一物者地中生木火在天上之類內象無實象內數無實數存乎大虛若可更也而不可更者理必有致自然而成雖有智巧不能變其象而逃其數若外象外數體若一定然又有飛伏卦有消長六位八物不能自定是故適變者不變而不變者終變也

乾爲天之類木象也爲金之類別象也

乾奇也陽也健也故天下之健莫如天坤耦也陰也順也故天下之順莫如地所以順天也震起也一陽起也起動也故天下之動莫如雷坎陷也一陽陷於二陰陷下也故天下之下莫如水艮止也一陽於是而止也故天下之止莫如山巽入也一陰入二陽之下故天下之入莫如風離麗也一陰離於二陽其卦錯然成文而華

麗也故天下之麗莫如火又爲附麗之麗兌說也一陰出於外而說於物故天下之說莫如澤

天行至健地維至順天雷動於重陰山止於地土水陷而下火麗而炎巽風能入兌澤說物此八卦取象之意也

火內暗而外明故離陽在外火之用用外也水外暗而內明故坎陽在內水之用用內也

張子曰火曰外光能口而施所應無窮金水內光能闕而受隨才各得

震爲龍一陽動於二陰之下震也重淵之下有動物者豈非龍乎兌說也其他說皆有所害惟朋友講習無說於此故言其極者也

象傳曰麗澤兌君子以朋友講習

以尊降卑曰臨以下觀上曰觀

上坤下兌爲臨地臨於澤以尊降卑之象也故曰君子以教思無窮容保民無疆皆降卑之道也上巽下坤爲觀順而巽九五中正以觀天下以上觀下之象也故曰盥而不薦有孚顒若又曰先王以省方觀民

設教皆觀下之道也降者臨也觀者示也

復次剝明治生於亂乎姤坎夫明亂生於治乎時哉時哉未有剝而不復未有夬而不姤者防乎其防邦家其長子孫其昌是以聖人貴未然之防是謂易之大綱

剝以五陰去一陽亂也復則一陽下生治之始矣天以五陽夫一陰治也姤則一陰下生亂斯肇矣治亂相因者天之時也保治防亂者人之道也脩人道以謹天時人定勝天亦天人交際之理也

寂然不動反本復靜坤之時也感而遂通天下之故陽

動於中間不容髮復之義也

不見動而動妄也動於否之時是也見動而動則爲無

妄然所以有災者陽微而無應也有應而動則爲益矣

不見動者不見震也震動也有可動之義動者已之

道也有應者人之助也无妄之動震也无妄之辭曰

其匪正有青又曰无妄之災故曰有災震一陽初生

是爲陽微應爲九四以陽對陽是爲無應巽震合體

爲益巽之初爲益之四正與震之初陰陽相應故曰

有應已有可動之道又有多助之勢時與才相合者

也動其有無益者乎故曰益

大過本末弱也必有大德大位然後可救常分有可過者有不可過者有大德大位可過者也伊周其人也不可懼也有大德無大位不可過也孔孟其人也不可悶也其位不勝德耶大哉位乎待才一云時用之宅也

本末弱者大過卦初上皆陰也象傳曰澤滅木大過君子以獨立不懼遯世無悶

作易者其知盜乎聖人知天地萬物之理而一以貫之繫辭傳曰作易者其知盜乎負也者小人之事也乘也者君子之器也小人而乘君子之器盜思奪之矣上慢下暴盜思伐之矣慢藏誨盜冶容誨淫易曰悔且乘致寇至盜之招也

夫易者聖人長君子消小人之具也及其長也闢之於未然及其消也闢之於未然一消一長一闢一闢渾渾然無跡非天下之至神其孰能與於此

神者易之主也所以無方易者神之用也所以無體神無方而易無體滯於一方則無能變化非神也有定體則不能變通非易也易雖有體體者象也假象以見

體而本無體也

易無體也曰既有典常則是有體也恐遂以爲有體故曰不可爲典要既有典常常也不可爲典要變也

有典常者理之一不可爲典要者數之變方其變也往來無定體及其既變也吉凶有定斷易無體既有典常不可爲典要皆繫辭傳文

生而成成而生易之道也

元亨利貞變易不常天道之變也吉凶悔吝變易不定人道之應也天變而人效之故元亨利貞易之變也人

皇極經世釋義 卷二

六十四明叢書

約園刊本

行而天應之故吉凶悔吝易之應也以元亨爲變則利貞爲應以吉凶爲應則悔吝爲變元則吉吉則利應之亨則凶凶則應之以貞悔則吉吝則凶是以變中有應應中有變也

作爲變動以感物曰變因彼之感而動以應之曰應元亨利貞乃天之運行以生物者四時變易而不常故曰天道之變吉凶悔吝乃人作爲於下而致其來者亦隨我所感而變易不定故曰人道之應變雖在天人則效之故元亨利貞爲易道之變所以示占者



當法天道以正所行也應雖在人天實降之故吉凶  
悔吝爲易道之應所以示占者當修人事以慎所感  
也此變與應正相關者然就變與應而各言之則又  
交相感互相發也故變中有應應中亦有變如人而  
能全其元善之德則吉吉則利益應之矣使或過禮  
文實則不足則事必敗凶矣凶則悔而思救必應之  
以貞應之以貞者改過也此則以元亨爲變則利貞  
爲應所謂變中有應也吉凶應也由於能悔則善日  
積而得天之祐以致吉是悔所以感其吉者也由於  
多行可羞之事則惡日深而天降之以凶是吝所以  
感其凶者也此則以吉凶爲應則悔吝爲變所謂應  
中有變也

變中之應天道也故元爲變則亨應之利爲變則應之  
以貞應中之變人事也故變則凶應則吉變則吝應則  
悔也悔者吉之先而吝者凶之本是以君子從天不從  
人

此章與上文意雖相似而實不同元爲變則亨應之  
者始則必亨亨所以應其元也利爲變則應之以貞

者物既遂則必成貞所以應其利也此四德交相感應以成化功皆至誠不息之妙用也若夫應中之變則是人爲而不得天心之應變動隨之矣此變異之變也故變則爲凶應則爲吉變則爲吝應則爲悔蓋得其應者由其效天道而行之善致其變者由其縱人欲而行之惡是以君子從天不從人也從天者天變而人效之元亨利貞一法天道之至誠不息也不從人者不任己私以背天恐致天道之變也

元者春也仁也春者時之始仁者德之長時則未盛而

皇極經世釋義

卷二

六十四明叢書

約園刊本

德足以長人故言德而不言時亨者夏也禮也夏者時之盛禮者德之文盛則必衰而文不足救之故言時而不言德故曰大哉乾元而上九有悔也利則秋也義也秋者時之成義者德之方萬物方成而獲利義者不通於利故言時而不言德也貞者冬也智也冬者時之末智者德之衰正則吉不正則凶故言德而不言時也故曰利貞者性情也

仁之德雖可尙時未可爲也故君子於此言德不言時不言時者時未可爲但當修德以俟時也當盛極

必衰之時德之文不足以救也故不言德言時者言其時之可憂也曰上九有悔是也上九者時之極也利之時大有成之時也故言時言其時之可尚也義有自然之利言義者不通於利當利之時而君子不言義竊恐未然時之未不足尚也何言爲哉言德者言當修德以正其智也不正則入於權詐當時之未而任權詐禍立至矣故曰利貞者性情也言智當本之性情而發之事也

元亨利貞之德各包吉凶悔吝之事離行乎德若違於

皇極經世釋義

卷二

六九四明叢書

約園刊本

時亦或凶矣

德以行事時以助德

初與上同然上之亢不及初之進也二與五同然二之陰中不及五之陽中也三與四同然三處下卦之上不若四之近君也

初與上同者俱無位也二與五同者俱中文用事之位也三與四同者俱臣位也

六虛者六位也虛以待變動之事也

繫辭傳曰周流六虛六虛者初二三四五上皆虛位

也陰陽二爻周流變動以居之然後有得失吉凶可見而天下之事備矣故曰動之事

堯之前先天也堯之後後天也後天乃效法耳

一元十二會十二萬九千六百年自子至巳六會爲長自午至亥六會爲消堯當中天之運乃乾五極盛之時自夏禹八年則入午會姤之初矣故堯之前爲先天堯之後爲後天發微曰按先天一陽生子至巳成乾天之象立矣午後陰生消陰至亥成坤凡陰所爲皆效陽而爲之故曰成象謂乾效法謂坤自有一

以來以元會運世推之堯適當乎巳末堯之前每事皆先天而造之三代□□□作云爲無非效法之事韻法闔闢者律天清濁者呂地

補註曰音有開閉所以合律聲有清濁所以唱呂又

按經世四象體用之數圖聲屬日月星辰相因得一百六十字以次唱地之音音屬水火土石相因得一百九十二字以次和天之聲聲分平上去入音分開發收閉口所去之體數也其餘所取之用數也體數二百五十二年三百六十之數也用數二百六寸

四自寅至戌生物之數也以一百一十二聲一百五十二音更唱迭和各得一萬七千二十四爲萬物之數也愚按闔闕者音也宜爲呂乃曰律天清濁者聲也宜爲律乃曰呂地何也律呂相唱和也律以唱音則音之見於律者有闔闕故平上去入皆分闔翕闕翕卽闔闕也呂以和聲則聲之成於呂者有清濁故開發收閉咸分清濁如云日日聲平關日月聲平翕是闔闕者律天也如云水水音開清水火音開濁是清濁者呂地也觀經世圖可見矣

韻法先閉後開者春也純開者夏也先開後閉者秋也冬則閉而無聲

補註曰按韻書東方喉音先閉後開於時爲春南方齒音純開於時爲夏西方舌音先開後閉於時爲秋北方唇音則閉而無聲於時爲冬

東爲春聲陽爲夏聲此見作韻者亦有所至矣銜凡冬聲也

皇極經世觀物外篇釋義卷之二

皇極經世觀物外篇釋義卷之三

明鄭縣余 本子華撰

觀物外篇三

太極一也不動生二二則神也神生數數生象象生器  
太極以體言故曰一而不動神則太極之動而徧行  
於陰陽者以用言一物而兩體故曰二則神神蓋陰  
陽兩在而不可測者神主於氣氣載神而行其往來  
卽有數故象器未形而數已立象器旣形而數亦具  
太極不動性也發則神神則數數則象象則器器之變  
復歸於神也

皇極經世釋義 卷三

一四 明叢書  
約圖刊本

以太極不動爲性發爲神正猶周子以寂然不動爲  
誠感而遂通爲神其意一也但謂器之變復歸於神  
則器之未變者不爲神矣不免流於老莊有生於無  
之論蓋器者氣之成形者也而神實主之器卽神之  
所爲也安可曰變而後復歸哉

心爲太極又曰道爲太極

太極道之極也太玄道之玄也太素色之本也太一數  
之始也太初事之初也其成功則一也

補註曰太玄楊子有經太素前漢藝文志黃帝有太素二十篇太一日家有太乙疏紀之書太初洛下閎有太初曆皆本易太極而言也石梁王氏曰禮家見易有太極字翻出一箇太乙而太玄太素皆此意元有二有生天地之始太極也有萬物之中各有始者生之本也

生萬物之始者萬物統體一太極一大元也萬物各有始者萬物各具一太極眾小元也朝菌不知晦朔蟪蛄不知春秋冥靈以五百歲爲春五百歲爲秋大

椿以八千歲爲春八千歲爲秋物以量而受氣時以物而成元大小不同各爲終始故曰有大年有小年此經世十六位圖所以有元有不同也

萬物各有太極兩儀四象八卦之次亦有古今之象

八卦相錯而成六十四萬物之象也故言萬物各有太極一元之數古之時尙少漸積而至於今則其數多矣補註曰一分爲二二分爲四四分爲八自簡至繁則有古今之象也

陰陽分而生二儀二儀交而生四象四象交而生八卦

八卦交而生萬物故二儀生天地之類四象定天地之體四象生日月之類八卦定日月之體八卦生萬物之類重卦定萬物之體類者生之序也體者象之交也推類者必本乎生觀體者必由乎象生則未來而逆推象則既成而順觀是故日月一類也同出而異處也異處而同象也推此以往物焉逃哉

類者黨類之謂也物各以類次第而生故曰生之序天與地一類也故曰天地之類陰疑而爲地陽運而爲天地之類二儀所生也天地既生例陰陽以氣運

剛柔以質成其體以四象而定矣日月星辰水火土石一類也舉日月以包其餘故曰日月之類陰陽運而生日月星辰剛柔分而生水火土石是日月之類四象所生也日月之類既生則隨其所生各有定體日當乾爲太陽月當兌爲太陰星當離爲少陽辰當震爲少陰水當坤爲太柔火當艮爲太剛土當坎爲少柔石當巽爲少剛是日月之類之體以八卦之象而定矣八卦陰陽得偶則彼此交錯然後能變化以生萬物之類而其體則以重卦之象而定也如乾乾



乾爲日日聲乾兌履爲日月聲之類是已推物類者必本其所由生之數觀物體者必由其所已交之象所由生之數在生物之前物未定也必逆而推之而後可知象則物生之後形已成也故可以順觀言不勞逆料推測而形體易見也日月皆四象所生者一明於晝一明於夜故曰同出而異處處雖不同同爲天象也故曰異處而同象日月物之大者舉日月而餘可類推言於萬物皆逆推其所由生之數而順觀其體象之既成如日月等萬物之數皆未能逃矣故

皇極經世釋義

卷三

四

四明叢書

約恩刊本

曰推此以往物焉逃哉

天變時而地應物時則陰變而陽應物則陽變而陰應故時可逆知物必順成是以陽迎而陰隨陰逆而陽順天變生物之時運其氣以交地而地應之以生物是天與地相爲變應也然日隨地道右轉月異其處陰之變也天主斗柄左旋月與日合陽之應也如正月日在亥斗柄則指寅寅與亥合二月日在戌斗柄則指卯卯與戌合三月日在酉斗柄則指辰辰與酉合以至巳與申合午與未合子與丑合日從陰逆以變

陽必迎與之合而應之於是分爲十二月定月四時  
是時則陰變而陽應變中自有應也物則陽氣變以  
爲之而陰氣合以應之而成體是應中亦自有變也  
周子曰陽變陽陰合而生水火木金土是也日既右  
轉天與之應則卽其右轉之逆可推其時變之更故  
日行西陸爲春行南陸爲夏行東陸爲秋行北陸爲  
冬周而復始以逆而推四時之候皆無爽忒故曰時  
可逆知若物之體必陽變陽陰合而成是陽唱陰隨  
順也故曰物必順成陽之應者迎而與合也非隨也  
陰之應者則隨陽而爲之助矣故陽之性迎而陰之  
性則隨右轉而逆者地之道陰也左旋而順者天之  
氣陽也故陰之性逆而陽之性則順

本一氣也生則爲陽消則爲陰故二者一而已矣六者  
三而已矣八者四而已矣是以言天而不言地言君而  
不言臣言父而不言子言夫而不言婦也然天得地而  
萬物生君得臣而萬化行父得子夫得婦而家道成故  
有一則有二有二則有四有三則有六有四則有八

言天而不言地者化工歸之於天也言君而不言臣

者治化歸之於君也言父而不言子言夫而不言婦者家道專之與父與夫也此言主之者陽輔之者陰陰不可以抗陽陽亦不可以無陰也補註曰二謂乾坤六謂六子八謂八卦邵子扶陽抑陰故二者一而已矣去坤而言也六者三而已矣去巽離兌而言也八者四而已矣去坤巽離兌而言也下文又推廣語其體則天分而爲地地分而爲萬物而道不可分也其終則萬物歸地地歸天天歸道是以君子貴道也天分而爲地地分而爲物萬物其不與於天乎地之

氣卽天之餘也地承天氣分散而爲萬物地之事卽天之功也天地之氣分爲萬物故萬物之體萬有不  
同惟道則無所往而不全也故曰道不可分氣雖不  
齊理則一也體者始而成體也終者散而爲變也其  
始也先有天次有地後有物故開物在寅終而閉物  
則物先消盡氣歸於地地之凝者亦以次而消盡氣  
合於天及其久也天亦消盡混沌合一氣而道則主  
之未嘗盡也故曰天歸道始而道不可分終而道未  
嘗盡此君子所以貴道也道者理而已氣有聚散理

無終始

一陰一陽之謂道道無聲無形不可得而見者也故假道路之道而爲名人之有行必由乎道一陰一陽天地之道也物由是而生由是而成者也

陽者道之用陰者道之體

道之用行於陽而其體具於陰寓於陰陽而不倚於陰陽者道也蓋陰陽氣也其理則所謂道

陽用陰陰用陽以陽爲用則尊陰以陰爲用則尊陽也陰幾於道故以況道也

皇極經世釋義

卷三

七四明叢書

約園刊本

尊陰者以陰爲主也尊陽者以陽爲主也老子以無爲爲道陰則靜而無爲也邵子本老氏之說故曰陰幾於道故以況道此言與程朱言道大不同

陽尊而神尊故役物神故藏用是以道生天地萬物而不自見也萬物亦取法乎道矣

陰對陽爲二然陽來則生陽去則死天地萬物生死主於陽則歸之於一也

陰雖對陽乃役於陽而爲陽用者也故生死主於陽自下而生謂之升自上而下謂之降升者生也降者消

也故陽生於下而陰生於上是以萬物皆反生陰生陽  
陽生陰陰復生陽陽復生陰是以循環而無窮也

上者陽也陽不生於上而生於下者上自下而起升  
之極則爲上矣是下者上之基也下者陰也陰不生  
於下而生於上者下自上而降消之極則爲下矣是  
上者下之根也陰陽上下始終循環是以萬物之氣  
皆反生不已反生者復生也物由形化以成體而體  
復能相交以成物如草木之實根蒂脫落可復種之  
者是已故曰循環而無窮非曰倒生也

皇極經世釋義

卷三

八四明叢書

約圖刊本

一氣分而陰陽判得陽之多者爲天得陰之多者爲地  
是故陰陽半而形質具焉陰陽偏而性情分焉形質又  
分則多陽者爲剛也多陰者爲柔也性情又分則多陽  
者陽之極也多陰者陰之極也

半卽判也謂分布也造化間運行者一氣而已一氣  
分動靜而陰陽始判焉以成物得陽之多者爲天得  
陰之多者爲地推之萬物莫不皆然是物本陰陽而  
成也是故陰陽分布而物之形質以具陰陽偏重而  
物之性情以分然形質不能一律齊也是以又分類

而不同則多陽者爲剛多陰者爲柔也性情偏陰陽  
矣然隨其陰陽偏重之中又各有淺深不一也是以  
性情又分偏陽之中而又有陽之多者爲陽之極偏  
陰之中而又有陰之多者爲陰之極蓋形質固異性  
情之寓於形質者亦萬有不同陰陽之分散者固不  
齊也

性非體不成體非性不生陽以陰爲體陰以陽爲性動  
者性也靜者體也在天則陽動而陰靜在地則陽靜而  
陰動性得體而靜體隨性而動是以陽舒而陰疾也更

皇極經世釋義 卷三

九四明叢書

絳園刊本

詳之

陽不能獨立必得陰而後立故陽以陰爲基陰不能自  
見必待陽而後見故陰以陽爲唱陽知其始而享其成  
陰效其法而終其勞

繫辭傳曰乾知大始坤作成物乾以易知坤以簡能  
陽能知而陰不能知陽能見而陰不能見也能知能見  
者爲有故陽性有而陰性無也陽有所不徧而陰無所  
不徧也陽有去而陰常居也無不徧而常居者爲實故  
陽體虛而陰體實也

補註曰知謂主其始見謂著其功凡物之生者有陽死者則無陽故陽有所不徧而有去之時也惟陰則生死皆在故陰無所不徧而常居其處也愚按陽之性雖有然本無一定之質也傷生生之意而已故其體爲虛陰則重濁之質形體可見故其體爲實此陰陽指氣之所以生物者言故陽體輕清爲虛陰體重濁爲實若以物之既成分陰陽之體而言則陽體一而不分爲實陰體二而能容爲虛虛實之論當隨在而觀也

陽之類圓成形則方陰之類方成形則圓

衍義曰類者生之序也體者象之交也體必交而後成故陽之類圓天類也成形則方交於地而成也陰之類方地類也成形則圓交於天而成也故胎卵圓而形體方根莖方而枝葉圓人多似身蓋母類也

陰事太半蓋陽一而陰二也

治日少而亂日多君子少而小人多此陰事太半也陽主闕而出陰主翕而入

此言陰陽主萬物出入之機也

春陽當權故多旱秋陰得權故多雨

此就北方之氣言也

冬至之子中陰之極春分之卯中陽之中夏至之午中陽之極秋分之酉中陰之中凡三百六十中分之則一百八十此二至二分相去之數也

中分之則一百八十爲二至二分相去之數者此除乾坤坎離二十四爻閏數舉成數而言正經世一元圖藏閏之說也若兼閏數中分之則有一百九十二二至相去東西之度凡一百八十南北之度凡六十

皇極經世釋義

卷三

十一四明叢書

約園刊本

二至相去以冬至言東西之度出辰入申凡一百四十四度有奇於一百八十少三十六以夏至言出寅入戌凡二百一十六度有奇於一百八十多三十六折算而平分之則東西之度各一百八十矣言二至相去不過於一百八十度之間進退之而已以南北之度言北極出地三十六度由北極而南五十五度當地之中由地道之中而南十二度爲夏至之日道出赤道北二十四度從赤道又南二十四度爲冬至之日道由地中至冬至之日相去凡六十度故曰南



北之度凡六十言一至相去南北之度不過由地之中南去進退於六十四度之間而已也

冬至之後爲呼夏至之後爲吸此天地一歲之呼吸也  
朔易以陽氣自北方而生至北方而盡謂變易循環也  
北方天地交數之所也故陽氣自此而生又至此而  
盡盡而復生朱子曰天地間有箇局定底如四方是  
也有箇推行底如四時是也屬北便有二義如冬至  
前四十五日屬今年後四十五日屬明年子時前四  
刻屬今日後四刻屬明日艮終始萬物此皆交數之

謂也

東赤南白西黃北黑正色也驗之於曉午暮夜之時可見之矣

日光初出則赤向午則白將昏則黃入夜則黑此以  
日光之曉午暮夜而分辨四方之色若以四時之氣  
配四方而言則春屬木木之色青夏屬火火之色赤  
秋屬金金之色白冬屬水水之色黑故東青南赤西  
白北黑言各有主竝行不時也

天地之氣運北而南則治南而北則亂亂久則復北而

南矣天道人事皆然推之歷代可見消長之理也

圓圖爲天陽生於北由東漸長而及於南陰生於南由西漸長而極於北是天氣北而南者陽漸盛也南而北者陰漸盛也方圖爲地陽氣在北陰氣在南北而南者陽用事也南而北者陰用事也故天地之氣合而運行由北而南則陽氣漸盛而當時用事者皆陽也故世道治由南而北則陰氣漸盛而當時用事者皆陰也故世道亂亂久則復北而南世道復治陰陽消長循環無端自然之理也天道人事皆然者天

時盛則人事得天時衰則人事失天人固相合也行義曰天地之運自子至卯爲陰中之陽自卯至午爲陽中之陽自午至酉爲陽中之陰自酉至子爲陰中之陰陰中之陽君子之道已長而小人猶盛亂而將治也陽中之陰小人之道已長而君子猶盛治而將亂也陽中之陽極治之運也陰中之陰極亂之運也元會運世之數一運當三百六十年故可以消長之理推歷代之治亂先天圖自泰歷蠱而至否自否歷隨而至泰卽南北之運數也

天地之本其起於中乎是以乾坤屢變而不離乎中人  
居天地之中心居人之中日中則盛月中則盈故君子  
貴中也

屢變一本作交變發微曰太極分爲天地天地之中  
在人人之中在心人心中自具一天地聖人出而建  
中立極則能爲天地立心俾天下皆歸於中焉所以  
輔相裁成而與天合是故天以午爲中地以子爲中  
陽以卯爲中陰以酉爲中天地陰陽無不本乎中也  
語曰日中則移月滿則虧移而虧則偏矣此君子所

皇極經世釋義

卷三

十四 四明叢書

約園刊本

以貴時中辨正曰寧按邵子謂天地起於中中字所  
包者廣以理言之中卽太極也以數言之卽五六是  
也以方位言之卽子午是也

生者性天也成者形地也

補註曰此兼人物言之蓋生者所以稟性於天陽之  
屬也成者所以賦形於地陰之屬也衍義曰生者性  
天真氣靈性也成者形地血氣體質也真氣靈性雖  
藉血氣體質而行亦因血氣體質而亂君子貴反本  
合二歸一也

得天氣者動得地氣者靜

天以氣爲主體爲次地以體爲主氣爲次在天在地者亦如之

天以氣運非無體也但爲主者氣耳雖體亦動故日月星辰流動不息地以體成豈無氣也但爲主者體耳雖氣亦靜故水火土石一定不移日月星辰在天者也水火土石在地者也在天成象是主乎氣在地成形是主乎體

天主用地主體聖人主用百姓主體故日用而不知

皇極經世釋義 卷三

十五 四明叢書

約園刊本

主用者動主體者靜此天地之分也聖人主用者心靈圓活而不爲形役也百姓主體者局於體質而心靈不顯也

顯諸仁者天地生萬物之功則人可得而見也所以造萬物則人不可得而見是藏諸用也

用妙用也謂機緘之妙

或問顯諸仁藏諸用曰若日月之照臨四時之成歲是顯諸仁也其度數之然而不知其所以然是藏諸用也天之象數則可得而推如其神用則不可得而測也

天以理盡而不可以形盡渾天之術以形盡天可乎  
倚蓋之說崑崙四垂而爲海推之理則不然夫地直方  
而靜豈得如圓動之天乎

補註曰按天文志云言天體者三家一曰周髀二曰  
宣夜三曰渾天宣夜絕無師說不知其狀如何周髀  
之說以爲天似覆盆蓋以斗極爲中中高而四邊下  
日月傍行適之日近而見之爲晝日遠而不見爲夜  
倚蓋之說卽周髀之術也

天圓而地方天南高而北下是以望之如倚蓋焉地東

皇極經世釋義 卷三

十六

四明叢書  
約圖刊本

南下西北高是以東南多水西北多山也天覆地地載  
天天地相函故天上有地地地上有天

此所謂如倚蓋者就地上觀之也若就天而言本圓  
如彈丸非如世所傳倚蓋之論謂天體止如蓋一半  
覆倚於地上也衍義曰天圓如虛毬地斜陽其中西  
北之高戴乎天頂故北極出地纔三十六度降及東  
南履乎天末故南極入地亦三十六度東南多水西  
北多山其高卑可見矣地勢本傾峻以其體大故人  
居其上而弗覺西北負實東南面虛也人倚北而面

虛是以天潛乎北而顯乎南水發乎西而流乎東也  
天包地地載天天地相函以立乎太虛之中而能終  
古不壞故在天成象則在地成形仰天有文則俯地  
有理人能窮也可以達性命之源知生死之說矣發  
微曰唐一行有言蓋天如繪象止得其半渾天知塑  
象能得其全舜之璇璣渾天法也蔡邕天文志者言  
天體者三家一曰周髀其云天如覆蓋以斗極爲中  
中高四邊下日月傍行遠之日近見之爲晝日遠不  
見爲夜術數具在多有違失故史官不用又云天圓

皇極經世釋義

卷三

十七 四明叢書

約圖刊本

如張蓋地方如碁局天旁行如推磨而左旋日月右  
行隨天左旋故日月實東而牽之以西沒日出高則  
見日沒故不見日朝出陽中日暮入陰中陰氣黑故  
不見二曰宣夜處喜曰宣明也夜幽也其術兼幽明  
之數邠萌記曰日月星辰浮生虛空之中其行其止  
皆須氣焉又曰天確然在上有常安之形此兼取蓋  
天之說也李淳風蓋天說曰天地中高四潰日月相  
隱蔽以爲晝夜遠北極常見曰上規南極常隱曰中  
規赤道橫絡曰下規主曰渾天葛洪曰天形如雞子

地如其黃地居天內天大地小天表裏有水天地各乘氣而升載水而行以周天之度而中分之半覆地上半在地下也何承天云天形正圓水居其半東日所出曰暘谷西日所入曰咸池莊子有北溟南溟之辨是四方皆水證也故曰四海凡五行水主於金百川發原皆自山出而不注於海王蕃曰日月初登天後入地日晝在地上夜在地下金更多用候臺卽其法也楊子雲曰洛下閎營之鮮于妄人度之耿中丞象之後漢蔡邕張衡皆以渾天爲長又曰張氏曰周

天之度環北極七十二度常見不隱謂之上規環南極七十二度常隱不見謂之下規雖陰中自分陰陽要之常隱不見有爲靜數坤之策隱之百四十有四其東而節瑛爲用有二百一十六度陰陽中自分陰陽要之循環迭用者爲動動數故乾之策應之

天之陽在南故日處之地之剛在北故山處之所以地高西北天高東南也

補註曰天之陽在南故日處之日之精卽陽之氣也地之剛在北故山處之山之石卽剛之質也

天之陽在南而陰在北地之陰在南而陽在北人之陽在上而陰在下既交則陽下而陰上

天之陽在南而陰在北地則反居其所者陰陽固相反也觀方圓圖可見之矣人之陽在上而陰在下者人本乎天得天之氣多也既交則男女媾精陽爲陰畜二氣既合男女乃成也故曰陽下而陰上不然則陽抗而不伏陰弱而不勝畜止不極雖交不爲交也安能成男女哉故曰體者象之交也又曰體必交而後成

極南大暑極北大寒故南融而北結萬物之死地也

發微曰天南高北下地北高南下天之南陽在上故極南大暑見於地者融爲水地雖有陰不能伏陽天之北陰在上故極北大寒見於地者結爲山地雖有陽爲陰所伏陽性熙極則融陰性凝極則結地之南宜寒而下者氣熱北宜熱而高者氣寒從天也水柔也屬陰以陰不勝陽故爲陽用山剛也屬陽以陽不勝陰故爲陰用是以形則從乎地之柔剛氣則從乎天之寒暑極陽極陰氣非中和萬物不生故爲死地



惟天地交寒暑和則萬物生也愚按地之陽在北陰在南者但以其剛柔成質者言耳若夫氣則隨天而運故極南大暑極北大寒極南之地雖冬月不寒極北之地雖夏月不熱

夏則日隨斗而北冬則日隨斗而南故天地交而寒暑和寒暑和而物乃生也

夏至熱極日行南陸自此由東隨斗向北則陽極而陰生陽交於陰矣冬至寒極日行北陸自此由西隨斗向南則陰極而陽生陰交於陽矣是天地陰陽二

皇極經世釋義

卷三

二十四明叢書

一約園刊本

氣相交也故陽得陰濟陰得陽和寒暑不極萬物乃生也此天地之中氣也若極南極北則偏矣偏則雖交而不和故萬物不生不能勝其偏也必曰隨斗者何也斗天之喉舌所以運乎元氣以定四時者也斗左旋日右轉左右相迎彼此必合或由南向北或由北向南冬夏斗柄所指日必隨之此四時之所由定也發微曰夏至熱極日自此隨斗而北冬至寒極日自此隨斗而南愚嘗放邵子之言其有合於太玄之說乎請條之其曰日一南而萬物死蓋夏至日在井

日窮南陸羣陰漸長故萬物向死冬至後日在牽牛日反北道羣陽漸長故萬物向生玄又曰斗一北而萬物虛斗一南而萬物盈蓋立冬後斗杓建亥陰氣藏物故曰虛立夏建巳陽氣發物故曰盈又曰日之南也右行而左旋斗之南也左行而右旋蓋日盈天右行春始行自西方歷七星而南故云右行秋行回自東方歷七星而北故云左旋斗隨天右行春指東歷三辰而南始指東方故云左行秋指西歷三辰而北還從西方故云右旋又曰冬至及夜半以後者近

玄之象蓋冬至斗建子夜半時加子謂其進而未極往而未至虛而未滿時則天道左行斗柄隨天左指日雖違天右行每與月會則與斗柄相應玄卦自中至應四十一首以奇爲主一百八十二日半日行其中是陽行陽中行陽度則盈至巳成乾而生物也夏至及日中以後者違玄之象蓋夏至斗建午日中時加午謂其進極而退往極而還巳滿而損時則天道右轉斗柄亦隨天右指日雖違天左行每與月會則十首陰偶用事一百八十二日是陰行陰中日行陰

度則縮至亥成坤收藏萬物南北者陰陽之定位故曰爲經東西者陰陽之通氣故曰爲緯日在天一日則分晝夜一歲則分南北於萬物則分死生故曰陽來則生陽去則死

天渾渾於上而不可測也故觀斗數以占天也斗之所建天之行也魁建子杓建寅星以寅爲晝也斗有七星是以晝不過乎七分也更詳之

天無體斗則麗於天者也故觀斗柄所建以占天而天之行如可得而見如斗建寅卽天之行至寅斗建

皇極經世釋義

卷三


三十四明叢書

約園刊本

卯卽天之行至卯也由是而明四時定氣候皆於斗乎測之故曰斗爲天喉舌斟酌元氣運乎四時斗有七星其口四星爲魁柄三星爲杓在於北辰之傍本隨天而運者也天有十二辰分天之三百六十五度四分度之一爲十二段是謂十二辰與地體之十二方相值相配而分東南西北地之體一定不易天之辰則日月不同如正月斗杓建寅則天辰析木之寅固與地體之寅相合至二月建卯則天辰之寅乃轉東三十度而值地體之卯位矣所謂建卯非大火也

乃天辰初定與地體相配之卯也指其初定合地之  
方位而言也何也斗隨天而運天左旋斗亦左旋無  
毛髮前後故不能徧歷天之十二辰止乎歷指其地  
配天之十二方也故古書要義曰斗所建地上辰辰  
所會天上次斗與辰合鮑魯齊曰按斗柄所建十二  
辰而左旋日體十二月與月合宿而右轉但斗之所  
建建在地上十二辰故言子丑等辰者日月之會在  
天上十二次故言姬訾降婁等斗與辰合宿而成日  
月之會魁建子斗之口向子也杓建寅柄向寅也指  
斗之定體言十二月皆如此一定不易所謂子卽元  
枵寅卽析木乃天之辰也星以寅爲晝者星奎寅時  
而沒寅卽爲晝數也故斗杓建寅其星之數有七則  
晝之數卽自寅而起至戌而止不過七分蓋有合乎  
斗星之數也發微曰天道左旋以辰爲體無物之氣  
不可見已渾渾之中惟星可指日月五星從地右行  
斗杓所建四時以平蓋天地四方以斗爲樞天運四  
時自斗而指斗正則時正時正則斗正故曆有差法  
斗無差度善治曆者質諸斗而已矣

斗杓建寅并天地十二辰圖



皇極經世釋義 卷三

十四 四明叢書

約園刊本

朱子曰在地之位一定不易而在天之象運轉不停  
 惟天之鶉火加於地之午位乃與地合而得天運之  
 正爾

邵子曰日月五星皆起牽牛之初發微曰卽漢太初  
 曆十一月朔旦冬至也漢劉氏曰指牽牛之初以紀  
 日月故曰星紀五星起牽牛初日月起其中凡十二  
 次且至其初爲節至其中斗建下爲十二辰視其建  
 而知其次漢宋衷曰冬至日起牛宿一度斗違子位  
 杜預曰十二次從星紀起而右旋爾雅曰星紀起斗

斗牽牛也郭注曰牽牛斗者日月五星之所終始也傳不曰冬至曰日南至蓋謂日自鶉尾而來至牽牛也日中景最長以此知其南至斗綱之端連貫管室織女之紀逸周書曰維十有一月既南至昏昴畢日踐長微星動於黃泉是月也斗建子始昏指此日月俱起牽牛右迴而行於周天起一次而與日會月行月一次而周天曆會于十有二辰終則有始是謂日月權輿愚謂造化淵微非合數說不足以明之

天行所以爲晝夜日行所以爲寒暑夏淺冬深天地之交也左旋右行天日之交也

日本亦左行但曆家以其不及天一度爲退一度算爲右行以爲日之出東入西者但爲天氣帶轉使之左耳故言天之行左旋帶日使之朝東出暮西入其出則明爲晝其入則暗爲夜晝夜雖以日之出沒而分實天使之也故曰天行所以爲晝夜日行北陸則陰用事爲冬而寒日行南陸則陽用事爲夏而暑是日行之所在爲陰陽之消行而寒暑由分故曰日行所以爲寒暑夏則天繫日而使之入地下者淺在天

之分數則多故晝長夜短冬則天繫日而使之入地  
下者深在天之分數則少故晝短夜長此天地相交  
之數也故曰天地之交冬至日天自子左旋歷丑寅  
卯辰巳而至午日自丑右行歷子亥戌酉申至未而  
交午日與斗柄一左一右午未相合俱行南陸爲夏  
至自夏至而分天又左歷未申酉戌亥而至子日又  
右歷午巳辰卯寅至丑而交子日與斗一左一右又  
子丑相合俱行北陸爲冬至此天日之交也太玄曰  
巡乘六甲與斗相逢是也補註曰天左旋而一日一

皇極經世釋義

卷二

三

四明叢書  
約圖刊本

周所以爲晝夜日右行而一歲一周所以爲寒暑然  
天夏行地下淺冬行地下深所以爲天地之交猶乾  
坤交而爲泰也天左旋而東日右行而西所以爲天  
日之交猶水火交而爲既濟也

日朝在東夕在西隨天之行也夏在北冬在南隨天之  
交也天一周而超一星應日之行也春酉正夏午正秋  
卯正冬子正應日之交也

天之行必由東徂西爲左旋日本右行然亦朝東夕  
西而左者日繫於天隨天而左也天之交必陰根陽

陽根陰陰陽交相濟以生物日則夏至出赤道北二十四度冬至出赤道南二十四度天之定體南陽而北陰夏陽盛之時則日行在陰冬陰盛之時則日行在陽者亦陰陽相濟隨天而交也一星卽一度也日之行每日右一度天每日一周天而過左一度天之過左卽日之所以爲右者是天與日一度之數合也故曰應日之行日之交天日左日日右與之相迎而合故天之體春則酉正遇日夏則午正遇日秋則卯正遇日冬則子正遇日蓋三月日月會於天辰之大

梁六月日月會於天辰之鶉火九月日月會於天辰之大火十二月日月會于天辰之玄枵一左一右天月相迎故曰應日之交劉昭曰日行北陸謂冬西陸謂春南陸謂夏東陸謂秋發微曰世言南北陸是矣至言東西陸不誤則旋隋志言東陸曰春西陸曰秋又當別考不可混而言之也蓋南北爲經子午相對冬至一陽生子神靈合謀天地乃并一年造化日月星斗皆自此始故曰行北陸曰冬行南陸曰夏方與時皆不可易由是天自北而東左旋以生物月則自



北而西右轉以爲之緯孟春日在營室北宿也是爲  
正月建寅會於姬訾之亥仲春日在奎西宿也二月  
建卯會於降婁之戌季春日在胃三月建辰會於大  
梁之酉以西緯東故曰日行西陸謂之春以至巳與  
申合會於實沈日行南陸一陰生午造化收功擊斂  
萬物於是天道自南而北從西右旋斗柄指西遂曰  
右旋非逆行也以成物日則自南而東左行以爲之  
緒日行於東陸東爲左故遂曰左行非順行也逆行  
於左方也立秋日在巽申合巳曰鷄尾仲秋日在角  
西合辰曰壽星季秋日在房成合卯曰大火以東緯  
西故曰月行東陸謂之秋所以東不言春而言秋西  
不言秋而言春以見南北之經不可變東西之緯互  
相備也

冬至之月所行如夏至之日夏至之月所行如冬至之  
日

月夜也日晝也一日一百刻冬至則月之行有六十  
刻如夏至之日數夏至則月之行止四十刻如冬至  
之日數蓋其陰陽相勝不過六分然日既入而天未

昏日未出而天已明則晝每侵夜一分故夏之晝有七分冬之夜僅如春秋之晝史氏管窺曰曆中晝夜刻數之矩大抵冬夏至左右皆十日二十日進退一刻春秋分左右皆只五六日進退一刻蓋春秋分是黃道與赤道交處日就豎處行則過南過北之勢直而速故只五六日進退一刻冬夏至黃道與赤道相去各二十四度爲最遠日就橫處行或自西而趨東或自東而趨西其過南過北之勢斜而緩故十日二十日方進退一刻按圖可見矣

陽主舒長陰主慘急日入盈度陰從於陽日入縮度陽從於陰

冬至日行出赤道南二十四度自赤道南漸向北凡二十四度與赤道合爲春分之日道又自此而向北二十四度爲夏至之日道則其度之出於地上者凡二百一十六度其數多爲盈度也日入此度而盈者蓋冬至陰極陽生馴習至夏陽則盛矣是謂陰從於陽陽用事也陽主舒長故盈夏至出赤道北二十四度自赤道北漸轉向南凡二十四度與赤道合爲秋

分之日道又自北而向南二十四度爲冬至之日道則其度之出於地上者一百四十四度其數少爲縮度也日入此度而縮者蓋夏至陽極陰生馴習至冬陰則盛矣是謂陽從於陰陰用事也陰主慘急故縮此以陰陽之理言若以天之體言圖如彈丸南近於地當側下低斜之處故縮向北則當其突起高曠之處也故盈盈於上則縮於下縮於上則盈於下此天體自然之象也

日行陽度則盈行陰度則縮賓主之道也月去日則明生而遲近日則魄生而疾君臣之義也

皇極經世釋義

卷三

三十四 四明叢書

約圖刊本

出赤道北二十四度夏日所行之道爲陽度蓋夏時陽用事也出赤道南二十四度冬日所行之道爲陰度蓋冬時陰用事也日陽也陽行陽爲主陽行陰爲賓爲臣之道遣君則才能盡見緩急自由近君則含章聽命奉行惟謹衍義曰自冬至以後行陽度而漸長夏至以後行陰度而漸短雖以陽臨陰爲客之禮亦不敢自肆也諸曆家說月一日至四日行最疾日夜行十四度餘五日至八日行次疾日夜行十三度

餘自九日至十九日行遲日夜行十二度餘自二十  
日至二十三日又小疾日夜行十三度餘自二十四  
日至晦又大疾日夜行十四度餘以一月均之則日  
得十三度十九分度之七也遠日則明生而行遲近  
日則魄生而行疾者君臣之義焉朱子曰月無盈缺  
人看得有盈缺晦日則月與日相疊了至初三方漸  
漸離開去人在下面側看見則其光缺日行遲月行  
速一夜一夜漸向東便可見月退處發微曰日月相  
會時日在月上光都載在上面一邊故地上無光到  
得日月漸漸相遠時月光漸漸見於下望時月光渾  
在下面一邊望後又漸漸光向上去又曰月陰精形  
圓而質清日光照之則見其明下照則魄爾至日月  
相望人居其間則盡覩其明而其形圓上下弦則日  
照其側人觀其旁故半明半魄也晦朔之日月照其  
表人在其裏故不見也

後圖晦朔弦望方位卽納甲法具於參同契者也說

見前篇

晦朔弦望方位



皇極經世一

約圖刊本

周天三百六十五度四分之二

晦朔弦

望日次

此以天過一度歲故曰月行十三度十九分度之七者就日而高月行十二度十九分度之七者



近遠三爲上弦

近遠三爲下弦

會日爲朔  
魄盡  
考死魄

行過天  
行過地

渾儀略說曰月行速而日行舒當以二十九日強而相反故一歲周而十二會會而爲晦晦而復蘇明於是乎生爲是之謂朔月之行速漸遠於日以周天言之其近月九十一度有奇其遠於日也二百七十四度有奇是謂近一遠三爲弦此謂之上弦也其行甚遠而與日對去日百八十二度六十二分有奇是謂相與爲衡分天之中而爲望日與月相望故也其行過中遠於日也二百七十四度有奇是謂近一遠三爲弦此謂下弦也上弦在於八日下弦在於二十二日望在於十五日此其常也上弦或退則是七日進則九日下弦或退則是二十一日進則二十三日望日或退則在於十四進則日之十六此其變也發微曰蔡九峯曰死魄朔也旁死魄二日也始生明月三日也循志曰凡月朔而未見曰死魄夕而成光則謂之朏陳氏曰或以生明爲月三日唐孔氏以爲生明死魄俱在月初如何曰朔日月曰生明但明處極微昧明生則魄死矣故爲始死魄魄死明生矣哉生明月一日也旁死魄月二日也至望日則明全生而魄

全死自望後一日則月生魄魄生則明死矣至晦日則明全死而魄全生故月終謂之晦以其魄全晦日始謂之朔以其明初見以晦朔觀之當以穎達爲正諸儒以哉生魄爲十六日去望後日魄始生而望或在十五日與十六日與十四日不可指定十六日爲生魄也考亭夫子曰月小大只是以每月二十九日半九百四十分日之二十九計之觀其合朔爲何如明之生時大盡則初三小盡則初二生明上弦至十五日望其光滿生魄下弦又至十五日晦其光缺日爲魂月爲魄魄是黯處魄死則明生或言載營魄載如車之載人魂加於魄魄載魂也月受日之光常全人在下望之故見其虧盈不同

日以遲爲進月以疾爲退日月一會而加半日減半日是以爲閏餘也日一大運而進六日月一大運而退六日是以爲閏差也

日月以右行言日日行一度月日行十三度十九分一度之七是日行遲而月行疾也然右行者實退數也日月實皆左行也故日以遲爲進月以疾爲退則日

爲一日一周天行之進次於天止不及天一度月一日不能一周天比天爲退十三度十九分度之七皆爲退十三度十九分度之七矣故日月一會是爲一月一月常數本該三十日今則日隨於天之氣而盈於常數上加半日月不及日之數而縮於常數上減半日止二十九日九百四十分日之四百九十九而止此一月之日日月相合之實數也故加半日減半日爲每月之閏餘若總日月一年大運而言日隨天而進於三百六十日又進六日始與天會月逐日而

皇極經世釋義

卷三

三五 西明叢書

約圖刊本

退合十二月三百六十日總退六日合進退十二日此一年之閏差也日一年總三百六十六日爲一大運月一年總十二月爲一大運差等也閏差猶言閏數也

一歲之閏六陰六陽三年三十六日故三年一閏五年六十日故五年再閏

朔爲陰氣爲陽曰六陰六陽曰三十六日曰六十日皆舉成數言耳

堯典朞三百六旬有六日夫日之餘盈也六則月之餘



縮也亦六若去日月之餘十二則有三百五十四乃日行之數以十二除之則得二十九日

曰盈六日縮六日皆舉成數言耳若餘十二日三百五十四日二十九日要其實數上三數皆不及下二數皆有餘分詳見後圖

閏月定時成歲圖

歲法三百五十四日三百四十八分



日法計九百四十分  
月法二萬七千七百五十九分

玉齋胡氏曰按閏法始於堯典云尋三百六旬有六日  
以閏月定四時成歲朱子云天體至圓周圍三百六十五度四分度之一繞地左旋常一日一周而過一度日麗天而少遲故曰一日亦繞地一周而在天爲不及一度積三百六十五日九百四十分日之二百三十五而與天會是一歲日行之數也月麗天而尤遲一日常不及天十三度十九分度之七積二十九日九百四十分日之四百九十九而與日會十二會得全日三百四十八餘分之積五千九百八十八

如日法九百四十而一得六不盡三百四十八通計得三百五十四日九百四十分日之三百四十八是一歲月行之數也歲有十二月月有三十日三百六十者一歲之常數也故日與天會而多五日二百三十五分者爲氣盈月與日會而少五日五百九十三分者爲朔虛合氣盈朔虛而閏生焉故一歲閏率十日九百四十分日之百二十七三歲一閏則三十二日九百四十分日之六百一五歲再閏則五十四日九百四十分日之二百七十五十九歲七閏則氣朔

分齊是爲一章也愚謂天體圓如彈丸半覆地上半在地下以二十八宿分周天之度共爲三百六十五度四分度之一朱子云天無體之二十八宿便是體是也四分度之一者天行每一度計九百四十分分爲四分則計四箇二百三十五分而得其四分之一也天行過一度者天行健一日一夜周天三百六十五度四分度之一而又過一度也朱子云日月皆從角起此但就地上之數觀耳蓋斗柄建了時日月實皆起於牽牛之初日則一日運一周依舊只到那角上天則周了又過那角些子日

日累將去到一年便與日會又云而今若就天裏看時只是行得三百六十五度四分度之一若把天外來說則是一日過了一度季通嘗言論日月則在天裏論天則在大虛空裏若去那大虛空裏觀天則是日日滾得不在舊時處所謂日之二百三十五者在天爲度在歲爲日天有三百六十五度四分度之一歲亦有三百六十五日四分日之一也天一度有九百四十分歲一日亦有九百四十分均以四分之每分計二百三十五分是天與日所行之餘分也所

謂二百三十五者卽四分度之一耳日與天會者一  
暮內二十四氣必有三百六十六日雖遇置閏年亦  
同如自今年冬至至來年冬至前一日必三百六十  
六日也日與天在來年冬至三百六十六日上會而  
成一歲也十九分度之七者以九百四十分分爲十  
九分中取七分此月行一日不及天與日常度之餘  
分也如是則月行一日不及日十二度十九分度之  
七每月積至二十九日四百九十九分上其不及日  
者三百六十五度二百三十五分則日所進過之度

恰周得本數而月所不及之度亦退盡本數恰恰與  
日會而成一月合十二箇二十九日計全日三百四  
十八十二箇四百九十九分積五千九百八十八以  
日法九百四十分除之得六日零三百四十八通計  
三百五十四日三百四十八分此一歲月行之常數  
也月與日會處係於每月二十九日四百九十九分  
上會如正月斗柄指寅寅於亥合日月則會於亥其  
辰爲姬訾二月斗柄指卯卯於戌合日月則會於戌  
其辰爲降婁積十二會皆於斗柄所指之宮合宮上

會也合氣盈朔虛而閏生者一歲閏積氣朔之數計十日八百二十七分三歲閏積氣朔之數三箇十日八百二十七分計三十二日六百單一分五歲再閏積氣朔之數五箇十日八百二十七分計五十四日二百七十五分但五歲內無再閏而易繫乃有五歲再閏之文者蓋以氣盈六日朔虛六日而再閏在五歲內者舉成數也氣盈五日二百三十五分朔虛五日五百九十二分而再閏在六歲四者舉本數也十九歲七閏爲一章者蓋九爲天數之終十爲地數之

終十九歲而天地之數俱終故當七閏也自一歲餘十日零八百二十七分積十九年得全日一百九十四日零分積一萬五千七百一十三分以日法九百四十分除之計成日一十六日零六百七十三分通前所得全日總計二百單六日零六百七十三分將此數於十九年內分作七箇閏月計三七二百一十日内少三日二百六十七分七閏月之中合除此三日二百六十七分均作三箇月小盡正好故氣朔分齊定是冬至在十一月朔是爲至朔同日而爲一章

之歲也嘗論之日月皆麗乎天者也日之行比天只不及一度月之行乃不及日十二度何哉蓋天秉陽而在上日爲陽之精月爲陰之精也造化之間陽大陰小陽饒陰乏陽得兼陰陰不得兼陽此日行所以常過月行所以常不及也且一歲朔虛氣盈日之運常有餘月之運常不足使不置閏以齊之積之三年春之一月入於夏子之一月入於丑矣三失閏則春季皆入於夏十二失閏子年皆入於丑矣何以成造化之功哉故聖人作曆必歸餘於閏以補月行不及

於日之數則月之行也始可與一歲日與天會之數相參爲一至十九年而氣朔分齊無毫髮之差矣聖人裁成輔相之功豈淺淺哉或云曆家之說則以爲日行遲一日行一度月行速一日行十二度十九分度之七何也曰陳安卿嘗問天道左旋自東而西日月右行則如何朱子云橫渠說日月皆是左旋說得好蓋天行甚健一日一夜周天三百六十五度四分度之一而又過一度日行速健於天一日一夜周天三百六十五度四分度之一正恰好被天進一度則

日卻成每日退了一度積至三百六十五日四分日之一則天所進退之度又恰周得本數而日所不及之度亦恰退盡本數遂與天會而成一年月行遲一日一夜三百六十五度四分度之一行不盡比之天卻成退了十三度有奇進數爲順天而左退數爲逆天而右曆家以進數難算只以退數算之故謂之右行且曰日行遲月行速也然則日行卻得其正愚謂欲知日速月遲其迹有易見者且日月會於晦朔之間初一日晚最好看起日纔西墜微芒之月亦隨之

而墜天至初二便相隔微闊初三生明以後相去漸遠一日遠似一日至十五日對望則是日行速進而遠至半天月行遲退而不及亦遠半天矣自十六至月晦日行全遠盡一天月行全不及亦盡一天卽所謂日進盡本數月退盡本數而復相會也

朱子曰閏以中氣爲定發微曰中氣只在本月若趨得中氣在月盡後月便當置閏也斗杓所達爲中氣日月所在斗杓兩辰之間日月會處若無中氣則置爲閏斗杓左移日月右轉辰與杓常相合也又曰大抵三

十二月一閏雖不盡同亦不相遠金氏曰章法雖云氣朔齊然強弱之積猶有分秒之餘至一十七章爲會三會爲統三統爲元積四千六百一十七年則日月皆無餘分卻得十一月甲子朔夜半冬至則又爲曆元矣

陽消則生陰故日下而月西出也陰盛則敵陽故月望而月東出也天爲父日爲子故天左旋日右行日爲夫月爲婦故日東出月西生也

衍義曰初三日日將入時月在庚上哉生明見西方

皇極經世釋義卷三

聖三區明叢書

約圖刊本

八日爲上弦日初入時月在丁上十五日爲望日初入時月在甲上盛於東方十六日日將出時月在辛上哉生魄見平旦二十三日爲下弦日將出時月在丙上三十日爲晦月與日合在乙上月本無光借日以爲光及其盛也遂與陽敵爲人君者可不慎哉天左旋日右行日東出月西生父子夫婦之道陰陽之義也月望亦東出者敵陽也非常道也

日月之相食數之交也日望月則月食月掩日則日食猶水火相剋也是以君子用智小人用力



日行黃道月有九行東南西北各二道本止有八行耳以其皆交黃道而過故合黃道爲之交者日月同會於九道之交又頭也衍義曰日月相對謂之望日月相會謂之晦日常食於朔月常食於望正如水火之相剋水之剋火掩而剋之小人用力也火之剋水必隔物焉君子用智也月近日無光爲晦月敵日而光盛爲望然日食於朔月食於望乃知小人在外雖盛必自危而其柔弱卑比之時多能危君此則慮與不慮之間所以易戒履霜而不懼揚庭也日月一年

十二會十二望而有食有不食者交則食不交則不食也所以有交與不交者日行黃道月行九道也亦有交而不食者同道而相避也漢張衡曰火外光水含景月光生於日之所照魄生於日之所蔽當日則光盈就日則光盡眾星被耀因水轉光當日之衝光常不合者蔽於地也是謂暗虛在星星微月遇則食朱子曰日至明中有暗虛其暗至微望時月與日正對無分毫差月爲暗虛所射故食雖陰勝陽畢竟不好若陰有退避之意則不至相對而食之矣發微曰

詩十月之交朱子取孔註說得甚詳今撮其說於此  
日月每月交會而月或在日道表或在日道裏故不  
食其食要於交會又月與日同道乃食日月交會而  
日食陰侵陽臣侵君之象以日食者月食之也何休  
曰不言月食之者其形不可得而覩故疑言日有食  
之又曰日月之食大率一百七十三日有奇爲限日  
月行天各自有道雖至朔相逢而道有表裏若月先  
在裏依限而食者多若月先在表雖依限而食者少  
杜預見其參差乃云日月動物雖行度有大量不能  
不少有盈縮故雖有交會而不食者或有頻交而食  
者緣晉趙氏曰世人觀望日體見焉月體不見故云  
日食然日體實未嘗有損所謂食者強名而已日道  
與月道相交處有二若正會於交則月體障盡日體  
謂之食既然日月之行遲速不同須臾則兩輪參差  
而生光矣若不正會於交但在交之前後而度相近  
者亦見其食兩輪雖相犯所食卻不見近於正交者  
食分多遠於正交者食分少兩朔之間日月對蹇而  
望平分黃道之半黃道有二交若不當二交前後而

望則不食望在二交前後者其月必食或食既或不  
 既食分之數當以跟交遠近而推之黃氏瑞節曰唐  
 一行日議曰日行黃道月有九道其所行之道遇交  
 則有薄食之變也至於合朔如合璧則不食其交不  
 軌道則食也故驗日食者必以日躔月道之交驗之  
 耳月一歲凡二十六次出入於黃道之內外惟有兩  
 次與日會故疏云通計一百七十三日有餘而有一  
 交也

皇極經世釋義 卷三

四明叢書 約圖刊本

日九月道圖

黃道內爲陰道

黃道外爲陽道



月體本黑受日之光故白

發微曰月體黑者陰也受日之光白者得陽之氣也  
朱子言天包地外地形小日在地下則月在天中日  
光大從地四面光起地礙日之光月中之影卽山河  
地影也王普曰日月在天如兩鏡相照地居其中四  
旁皆空水故月中微黑處乃鏡中大地之影非真有  
桂樹蟾兔之說斯言有理足以破千古之惑

日入地中搆精之象

發微曰一日之夜猶一歲之冬天神地靈陽魂陰魄

皇極經世一

卷三

四明叢書

約園刊本

冬至子半夜至子午相與會合於黃泉之宮所以胎  
育元造萌芽萬物也故曰男女會精氣而後生人日  
以陽精交地氣而後生物知此則知性命之學又曰  
日者天之陽魂陽包陰爲日以魂制魄陰包陽爲月  
以魄拘魂也

日隨天而轉月隨日而行星隨月而見故星法月月法  
日日法天天半明半晦日半盈半縮月半盈半虧星半  
動半靜陰陽之義也天晝夜常見日見於晝月見於夜  
而半不見星半見於夜貴賤之等也

衍義曰日雖右行然隨天左轉月雖行疾然及日而會常在其後星隨月者見於夜也一陰一陽之謂道天法道故半明半晦日法天故半盈半縮月法日故半盈半虧星法月故半動半靜有一必有二獨陰獨陽不能自立也半盈半縮者在陽度則盈在陰度則縮也半動半靜者緯星動經星靜也天雖半晦半明而晝夜常見日當晝時必在上月當夜時有在地下故半不見星又不及乎月貴賤之分上能兼下大能包小也星半見者五緯二十八宿皆迭見故也

月晝可見也故爲陽中之陰星夜可見也故爲陰中之陽陽中有陰陰中有陽天之道也陽中之陽日也暑之道也陽中之陰月也以其陽之類故能見於晝陰中之陽星也所以見於夜陰中之陰辰也天壤也

衍義曰先天以日月星辰配乾兌離震日爲陽中陽月爲陽中陰星爲陰中陽辰爲陰中陰月晝可見故爲陽中陰星夜可見故爲陰中陽辰不可見故爲陰中陰也辰者天壤也日月星托焉辰雖不可見而天晝夜常見故不用之一者用之所宗也

辰數十二日月交會謂之辰辰天之體也天之體無物之氣也

衍義曰辰十二從地數也無物之氣不可見因日月之會而見以不可見故爲陰天之陰者天之體天之所以立也從地數者天之地也發微曰春秋傳晉侯問伯瑕對曰日月之會是謂辰辰時也愚謂自十一月至十月子至亥也言日月聚會有時故以辰言之在天爲二十八宿舉目可見故以星言之但其流行於四時八節有氣無形散布於太空似有形而無執著者皆辰爲之也

皇極經世釋義

卷三

聖九四明藏書

約園刊本

辰至日爲生日至辰爲用蓋順爲生而逆爲用也

經世四象圖日屬乾爲元月屬兌爲會星屬離爲運

辰屬震爲世自辰至日者積世成運精運成會積會

成元順而積之以元之數所由生也故辰至日爲生

日順爲生者自震至乾左旋爲順也自日至辰者起

元求卦致用之法以元經會用運卦世卦故置元用

會於會中求其運在筭幾起卦居左爲天卦然後又

於運中求其世在筭幾起卦居右爲地卦合左右天

地卦竝觀之合在既濟圖二百五十六位中第幾位  
合掛一圖何卦然後以其卦變化進退之而推其時  
運之吉凶是致用之法由日至辰也故曰日至辰爲  
用曰逆爲用者自乾至震右行爲逆也此章疑在第  
一卷日起於一章之前發微曰辰至日者言天左行  
爲順氣布生物日至辰者言日右行爲逆變氣用時  
故時可逆知物必順成子雲曰巡乘六甲與斗相逢  
言天日之相應也若如此說則是以十二辰順轉迎  
日爲辰至日日逆行歷十二辰爲日至辰亦通宜在  
此矣

星爲日餘辰爲月餘

發微曰日爲陽精天之靈魄月爲陰精天之氣魄星  
爲陽之餘精辰爲陰之餘氣故星者天之神辰者天  
之體日月在天如人之真心命門陰陽之本也五星  
如人五臟諸星如人支骸精血辰之於天如人之體  
魄是也

星之至微如塵沙者隕而爲堆阜

在天成象在地則成形故星隕地爲堆阜春秋僖公

十有六年隕石於宋五汪氏曰邵子云星在地則爲石石在天則爲星此言隕石蓋星墜於天半空凝結至地而成石也或問星隕地爲石固矣今不徒曰星必曰星之至微如塵沙者則隕而爲堆阜何也塵沙堆阜類也類之同者氣必通也

天奇而地耦是以占天文者觀星而已察地理者觀山水而已觀星而天體見矣觀山水而地體見矣天體容物地體負物是故體幾於道也

衍義曰二十八宿以別分野其餘列星在朝象官在

野象物故觀星可以知天文山起西北水聚東南兩戒三條五岳四瀆如肢體脈絡各有倫序故觀山水可以知地理天奇地耦故星一而山水二也辰者天之體也土者地之體也辰者無物之氣不可見以星觀焉知其廓然太虛能容物也土者有形之物可見以山水觀焉益知其不辭重大能負物也辰爲太虛土爲大物星與山水有量而一者無窮故曰體幾於道體幾於道用通於神

日月星辰共爲天水火土石共爲地耳目鼻口共爲首



髓血骨肉共爲身此乃五之數也

補註曰天數五地數五天以一而變四日月星辰是也地以一而變四水火土石是也四可見而一不可見也人合天地而生者故首之耳目口鼻日月星辰之象也身之髓血骨肉水火土石之象也

天有五辰日月星辰與天而爲五地有五行金木水火與土而爲五五行之木萬物之類也五行之金出乎石也故水火土石不及金木金木生其間也

發微曰辰者天之體辰之於天猶土之於地天主用

皇極經世釋義

卷三

三十四明微書

納園刊本

有神焉辰不可以盡天非若土卽可以盡地辰之外別名天土卽所以爲地也

天之陽在東南日月居之地之陽在西北火石處之

地之西北多山耳兼火言之者火無體潛於石也

天以剛爲德故柔者不見地以柔爲體故剛者不生是以辰天之陰也地之陽也

地之陽也上當有石字

地陰也有陽而陰效之故至陰者辰也至陽者日也皆在乎天而地則水火而已是以地上皆有質之物

此章疑有闕文

陰伏陽而形質生陽伏陰而性情生是以陽生陰陰生陽陽剋陰陰剋陽陽之不可伏者不見於地陰之不可剋者不見於天伏陽之少者其體必柔是以畏陽而為陽所用伏陰之多者其體必剛是以禦陽而為陰所用故水火動而隨陽土石靜而隨陰也

一說云陰效陽而能伏是以辰在天

而地之四物皆有所主也

補註曰地之陰伏天之陽而性質生若水土石是已天之陽伏地之陰而性情生若日月星辰是已陽

皇極經世釋義 卷三

五三 四明叢書 約園刊本

之不可伏者火也陰之不可剋者辰也水火伏陽之少者而土石伏陽之多者也張子曰水火氣也故炎上潤下與陰陽升降土不得而制焉

陽生陰故水先成陰生陽故火後成陰陽相生也體性相須也是以陽去則陰竭陰盡則陽滅

天一生水地六成之故曰陽生陰地二生火天七成之故曰陰生陽陽先陰後故陽生者先成陰生者後成

火以性為主體次之水以體為主性次之

火止烈燄有光者性也而實無一定之體因物而後有體也故曰以性爲主體次之水則流動不息者體也而其空洞善陷之性質不可見必至物陷焉而後知其性之陷也故以體爲主性次之

天火無體之火也地火有體之火也

補註曰天火有二若雷火飛火天火也陽燧之火天交於地之火也地火亦有二若石火木火地火也野鬼之火地交於天之火也

火無體因物以爲體金石之火烈於草木之火者因物

而然也

補註曰金石地之剛金之火尤烈於石草木地之柔草之火尤微於木

火生於無水生於有

補註曰火陽根陰陰性無水陰根陽陽性有

金火相守則流火木相得則然從其類也

補註曰金中伏火故金火相守則流金能生水其流而爲汁水之象也火藏於木故火木相得則然火能生土其化而爲灰乃土之象也張子曰木金者土之

華實也其性有水火之雜故木之爲物水漬則生火然而不離者蓋得土之浮華於水火之交也金之爲物得火之精於土之燥得水之精於土之濡故水火相待而不相害鑠之反流而不耗蓋得土之精實於水火之際也

水遇寒則結遇火則竭從其所勝也

補註陽在陰中則融而爲水遇寒則結陰勝陽也遇火則竭陽勝陰也

有溫泉而無寒火陰能從陽而陽不能從陰也

皇極經世釋義

卷三

五

四明叢書

約園刊本

漁樵問對曰火之性能迎而不能隨故滅水之體能隨而不能迎故熱是故有溫泉而無寒火相息之謂也愚按陽主唱陰主隨陰能從陽而陽不能從陰陰陽之性固如此

火生溼水生燥

此陰陽互相之理也夏火也冬水也由夏而冬爲火生溼由冬而夏爲水生燥素問曰寒極生熱熱極生寒正此意也

陽得陰而爲雨陰得陽而爲風剛得柔而爲雲柔得剛

而爲雷無陰則不能爲雨無陽則不能爲雷雨柔也而屬陰陰不能獨立故待陽而後興雷剛也屬體體不能自用必待陽而後發也

衍義曰陽唱而陰從則流而爲陽陽格而陰薄則散而爲風剛唱而柔從則蒸而爲雲柔畜而剛動則激而成雷客主後先陰陽逆順不同也風雨自天而降故言陰陽雲雷自地而生故言柔剛天陽也陽必資陰故無陰則不能爲雨陽得陰然後聚而成體也地陰也陰必資陽故無陽則不能爲雷陰得陽然後發

皇極經世釋義

卷三

五十四明叢書

約園刊本

而成聲也此言陰陽之相資也雨之形柔也屬陰者本乎天之氣也陰不能立待陽而興者天之陰資乎天之陽也雷之聲剛也屬體者出乎地之形也體不能自用必待陽而發者地之陰資乎地之陽也

雷行雨施電發雷震亦各從其類也  
陰能畜陽則薰蒸而爲雲和合而成雨雲雨一類也  
皆陰溼氣所成故雲興者雨之兆陽在陰內而不得出則發而有光震而成聲電雷皆陽明氣所激一類也故電發者雷之機然皆陰外陽內二氣相交也故

電雷旣作雲雨必生四者相因理勢必至

有雷則有電有電則有風

衍義曰雷者震之氣也電者離之氣也風者巽之氣也陽爲重陰所制怒氣發而爲雷激而爲電陰已不能制矣散而爲風則反制陰也故風與電皆爲陽之極

雨生爲水露生於土雷生於石電生於火

衍義曰雨者水之氣蒸則爲雲凝則爲雨露者土之氣升則爲霧結則爲霜雷出於石電生於火有雷則

皇極經世釋義 卷三

五十四明叢書

約園刊本

有電火出於石也

電與風同爲陽之極故有電必有風

雲有水火土石之異他類亦然

衍義曰水火土石地之體也凡物皆地之體先生曰水雨霖火雨露土雨濛石雨雹水風涼火風熱土風和石風冽水雲黑火雲赤土雲黃石雲白水雷玄火雷號土雷連石雷霹故一物必通四象

吹噴噓呵呼風雨雲霧雷言相類也

補註曰人之吹噴噓呵呼猶天之風雨雲霧雷無不

相類也

海潮者地之喘息也所以應月者從其類也

喘息者人之呼吸也呼則爲潮吸則爲汐此氣之消長所爲也月者水之精故曰從其類朱子曰柳子云歸墟之泄非出之天地之外也但水入於東而復遠於西又滲縮而升乃復出於高原而下流於東耳此其說亦近似矣然以理驗之則天地之化往者消而來者息非以往者之消復爲來者之息也水東流極氣盡而散如沃焦釜無有遺餘故歸墟尾閭亦有沃焦之號非如未盡之水山澤通氣而流注不窮也余襄公海潮圖序曰潮之消息皆繫於月月臨卯酉則潮漲乎東西月臨子午則潮平平南北晝夜之運日行一度月行十三度有奇故太陰西沒之期常緩於太陽口刻有奇潮信之來率亦如是自朔至望常緩一夜潮自望至晦復緩一晝潮朔望前後月行差疾故晦前三日潮勢長朔後三日潮勢大望亦如之月弦之際月行差遲故潮之去來勢亦稍小一月則潮盛於朔望之後一歲則潮盛於春秋之中春夏晝潮

常大秋冬夜潮常大蓋歲之有春秋猶月之有朔望  
天地之常數也

鑑之明暗之境日月之象也

明如日暗如月

水者火之地火者水之氣黑者白之地寒者暑之地

此言陰陽之互根

月者日之影也情者性之影也陰者陽之影也鬼者人之影也

漁樵問對曰人之生也謂其氣行人之死也謂其形

皇極經世釋義

卷三

五九

四明叢書

約園刊本

返氣行則鬼魂交形返則精魄存神魂行於天精魄

返於地行於天則謂之曰陽行返於地則謂之曰陰

返陽行則晝見而夜伏者也陰返則夜見而晝伏者

也是故日者月之形也月者日之影也陽者陰之形

也陰者陽之影也人者鬼之形也鬼者人之影也人

謂鬼無形而無知者吾不信也此言陰陽人鬼氣之

通理之一猶形影也發微曰陽也人也日也性也皆

陰鬼月情之主所主既定影自從之子月一陽生應

得五月一陰生自子至巳六陽全自午至亥亦六陰



全天上一陽應地下一陰水中一物應岸上一物物  
物皆然但陽常爲主而陰常爲影如牝牡然一日有  
十二時一年便有十二月初則月生明月望則光  
滿上下二弦生魄至晦皆然可以見鬼神之情狀性  
中有過仁義禮智之理外面便影得箇惻隱羞惡辭  
遜之情出來一箇形便有一箇影人之魂爲鬼便形  
得箇鬼之魄在其中日至晦則月不光人至老則神  
必曠

明則有日月幽則有鬼神

皇極經世釋義

卷三

六十四明叢書

約園刊本

日者陽之精月者陰之精神者陽之靈鬼者陰之靈  
皆陰陽之氣理本一也時有幽明之異耳

鬼神者無形而有用其情狀可得而知也於用則可見  
之矣若人之耳目鼻口手足草木之枝葉華實顏色皆  
鬼神之所爲也福善禍淫主之者誰耶聰明正直有之  
者誰耶不疾而速不行而至任之者誰耶皆鬼神之情  
狀也

孔子曰鬼神之爲德視之而不見聽之而不聞體物  
而不可遺夫微之顯誠之不可揜如此夫發微曰易

者天地鬼神之奧也始言幽明死生一句趙一句說  
入鬼神上去仲尼贊易以後自顏曾思軻以下至於  
周程張朱數君子而已降是則珥竺三家離了天之  
造化又別作一樣看釋以鬼怖人令人飯嚮則不墮  
輪迴老以誘人令人修煉則可長生又降而世俗焉  
則土木爲像而廟之巫覡嘯呼而祝之曰如是而已  
孰能探造化之蹟哉吁可慨也已上蔡謝氏曰鬼神  
是天地妙用須是將來做題目入思議始得

天地之心者生萬物之本也天地之情者情狀也其鬼  
神之情狀同

皇極經世義 卷三

空四明叢書

約園刊本

易傳曰復其見天地之心乎又曰觀其所感而天地  
萬物之情可見矣觀其所恆而天地萬物之情可見  
矣觀其所聚而天地萬物之情可見矣

以天地生萬物則以萬物爲萬物以道生天地則天地  
亦萬物也天地生萬物聖人生萬民

生生長類天地成功則生分類聖人成能

既生必以類聚至長養之時則有類矣故曰生生長  
類此天地造化之成功也然裁成輔相必有類於聖

人故曰別生分類聖人成能此聖人參贊化育之道也

動物自首生植物自根生自首生命在首自根生命在根

補註動物先生首故命在首植物先生根故命在根  
淮南子曰草木洪者爲本而殺者爲末禽獸之性大者爲首小者爲尾故食其口而百節肥灌其本而枝葉美天地之性也

本乎天者親上本乎地者親下故變之與應常反對也

皇極經世義卷三

空四明叢書

約園刊本

本乎天者親上謂動物人類是也本乎地者親下謂植物草木是也非人不得地之氣以有生也而得天之氣多故能運動如天之健有知覺如天之明親乎上者頭向上也天爲變在上而動物親之是應者在下矣植物豈不資天之氣以有始也而得地之氣多故托形於地而靜處不動親下者根向下也地爲變在下而植物親之則應者在下矣上與下必相反也故曰變之與應常反對也下文言變於內者應於外變於外者應於內變於下者應於上變於上者應於

下皆反對也

有變則必有應也故變於內者應於外變於外者應於內變於下者應於上變於上者應於下也天變而日應之故變者從天而應者法日也是以日紀乎星月會於辰水生於土火潛於石飛者棲木走者依草心肺之相聯肝膽之相屬無它變應之道也

變者從天言如天之變以感日也應者法日言如日之應天之感也日紀乎星者察星之變以定日行之度也二十八宿天之體中星之行度日以左移而三

百六十五日四分日之一之度數必日以應之而不忒是日之數紀於星之行也月會於辰月與日會於十二辰也補註曰天變而日應之如天變爲春而日以溫應之天變爲夏而日以燠應之之類是也故凡變者從天而應皆法日也星也辰也土也石也木也草也肺也肝也變之道也日也月也水也火也飛也走也心也膽也應之類也發微曰天左行日移一度日右行日應一度左右相應也

陽交於陰而生蹄角之類也剛交於柔而生根莖之類

也陰交於陽而生羽翼之類也柔交於剛而生枝幹之類也

補註曰蹄角獸也羽翼鳥也根莖草也枝幹木也在天則獸爲陰而鳥爲陽在地則草爲柔而木爲剛

天交於地地交於天故有羽而走者足而騰者草中有木木中有草也各以類而推之則生物之類不過是矣

補註曰陽交於陰故有羽而走者陰交於陽故有足而騰者柔交於剛故草中有木剛交於柔故木中有

草發微曰有飛飛鷹隼飛木隨風楊花飛草蟻螢飛走

皇極經世卷三

空四明幾音

之物蛇又有走飛蛟龍走木如彈丸走草五味子

之類走走之物又有木飛飛而食木木走狼狽木草木

類藥水芙蓉之類木木之物梗楠豫又有草飛飛而食草草走麋鹿

草木寄生藤草草之物靈芝又以陰陽推之飛陽走

陰動陽植陰馬陽牛陰角陽尾陰皆不逃乎陰陽之數大抵色聲氣味耳目鼻口物各有之但或偏而不

全全而不能如人之靈耳

走者便於下飛者利於上從其類也

走者土類飛者風類

水之物無異乎陸之物各有寒熱之性大較則陸爲陽中之陰而水爲陰中之陽

補註曰陸之物屬陽陽物性熱而有性寒者陽中之陰也若甘土龍之類是也水之物屬陰陰物性寒而有性熱者陰中之陽也若澤鰌魚之類是也

陸中之物水中必具者猶影象也陸多走水多飛者交也是故巨於陸者必細於水巨於水者必細於陸也

陸陽而走陰水陰而飛陽陽反多陰物陰反多陽物故曰交也衍義曰陸中之物水中必具者陰陽相應

也

水之族以陰爲主陽次之陸之類以陽爲主陰次之故水類出水則死風類入水則死然有出入之類者龜蟹鵝鳧之類是也魚在於水則生離則死交與不交之類也

補註曰水陰也生於陰者以陽爲殺故水類出水則交陸陽也生於陽者以陰爲殺故風類入水則死至於龜蟹鵝鳧之類生於陰陽之交故能出入水陸愚按有出入之類者氣之交也魚在水則生離水則死

者氣之不交也

魚者水之族也蟲者風之族也

蟲蟻蠓飛蛾之類也

風類水類小大相反

補註曰在風者飛小而走大在水者飛大而走小相

反者也

在水者不瞑在風者瞑走之類上睫接下飛之類下睫  
接上類使之然也

衍義曰陸有晝夜水無晝夜在水者不眠類使然也

皇極經世釋義 卷三

李天 四明叢書

約園刊本

走地類上睫接下陰有餘也飛天類下睫接上陽有  
餘也走者宜俯飛者宜仰故鳥迎風而立順其毛也  
魚泝流而行順其鱗也皆自然之理也

在水而鱗鬣飛之類也龜獺之類走之類也

飛之類喜風而敏於飛上走之類喜土而利於走下

飛之走雞兔之類是也走之飛龍馬之屬是也

馬牛皆陰類細分之則馬爲陽而牛爲陰

補註曰馬牛皆走陰類也細分之馬性健則爲陰中  
之陽故周公以乾爲龍而夫子以爲馬也牛性順則

爲陰中之陰故文王以坤爲牝馬而夫子以爲牛也  
鷹鷂之類食生而雞鳧之類不專食生虎豹之類食生  
而貓犬之類食生又食穀以類推之從可知矣

補註曰鷹鷂之類食生陽也而雞鳧之類不專食生  
陽中之陰也虎豹之類食生剛也而貓犬之類食生  
又食穀剛中之柔也

虎豹之毛猶草也鷹鷂之羽猶木也

草伏之獸毛如草之莖林棲之鳥羽如林之葉類使之  
然也禽蟲之卵泉穀之類也穀之類多子蟲之類亦然

皇極經世釋義

卷三

空四明叢書

約園刊本

補註曰天地間正氣生者常少繁氣生者常多故人  
止生一而獸生二三禽又倍之蟲又倍之自然之理  
也

蠶之類今歲蛾而子來歲則子而蠶燕菁之類今歲根  
而苗來歲則苗而子

衍義曰蠶者蟲之類而可以爲衣燕菁者草木之類  
而可以爲食物爲人日用者必備足陰陽之氣其生  
成也亦不偶然蠶旣繭矣不煮則復蛾陽氣未盡故  
能變化



木者星之子是以果實象之

木爲少陽故爲星之子子者屬也象成於天必有質具於地其氣一也故木於星均爲少陽則木爲星屬氣之相感形體自同

木之支幹土石之所成所以不易葉花水火之所成故變而易也

土石之氣堅故感其氣而成者不易水火之氣浮故感其氣而成者屢易

葉陰也花實陽也枝葉與而根幹堅也

皇極經世釋義

卷三

李氏四明叢書

約園刊本

補註曰華實埋於地則成根幹根幹出於地則生枝葉陽先而陰後也枝葉與而根幹堅陽剛而陰柔也愚按華實者謂華之實也非曰華與實也

木之堅非雷不能震草之柔非露不能潤

震動也謂動木之生意而發其萌芽者雷也內篇曰露化性情形體之草雷化性情形體之木

草類之細入于坤

經世地之長數起於十二六變極於坤之無極之數當得二載一千一百一十三萬四千二百八十八正

八千七百六十五萬七千七百五十九澗二千三百  
五十三萬八千七百四十二溝八千九百八十二萬  
二千七百六壤二千八百八十六萬九千九百六十  
五稊四千八百七十二萬七千六百三垓二千萬京  
此數之極細者也草之類極萬有不同故草類之細  
其數入于坤通變曰乾一位八卦自乾之一至泰之  
五億者元會運世年月日辰之半數天之八變一元  
全數也又一變三十爲履之一百億之數則析一辰  
爲三十分其變至臨而後足數宗於一天則一元之  
數盡於乾之一卦矣天之體至辰而極故如八數之  
中自分爲二上四數爲元會運世天之神也下四數  
爲年月日辰天之地也所謂一而二也兌一位八卦  
自履之百億至臨之九百兆者地之法天以天之一  
分爲一元而自分元會運世歲月日辰之數上四數  
爲地之天下四數爲地之地二而四矣又一變三十  
爲同人萬兆之數則又析一辰爲三十分其變至復  
而後足離震二位十六卦自同人之萬兆至復之千  
萬垓者人之法天地又以地之一分爲一元而自分

天地之元會運世年月日辰之數也離一位八卦爲人之天之八數震一位八卦爲人之地之八數四而八矣天有八位地有八位人有十六位者合父母而生子合天地而生人之理也自復又一變三十爲姤之數種其變至坤而後足則物之數又倍於人矣人合太極而一物分天地而兩也先生以坤當無極之數又曰草數之細者入於坤其理可知矣要知數盡於乾之一變餘則分乾之數而已

水之木珊瑚之類是也石之花鹽硝之類是也

皇極經世釋義

卷三

七十四明叢書

約園刊本

補註曰水之木柔交於剛而生也石之花剛交於柔而生也

龍能大能小然亦有制之者受制於陰陽之氣得時則能變化變則不能也

變變未詳疑誤補註曰龍能大能小可謂變化不測然亦一物也故得時則能變化失時則不能若神則潛天潛地不行而至豈爲陰陽之氣所制哉管子曰龍生於水欲小則化如蠶蠋欲大則遍於天下欲上則凌於雲氣欲下則入於深泉變化無方上下無時

謂之神

有一日之物有一月之物有一時之物有一歲之物有十歲之物至於百千萬皆有之天地亦物也亦有數焉雀三年之物馬三十年之物凡飛走之物皆可以數推人百有二十年之物

補註曰凡有形者則有數無形者則無數天地雖大是亦形器也豈不可以數推之哉與天地亦有終始章同意

人爲萬物之靈寄類於走走陰也故百有二十

皇極經世釋義

卷二

十一 四明叢書

約園刊本

百有二十則陰數之十二也

人寓形於走類何也走類者地之長子也

走屬坤地之化先生曰走飛草木故走類爲地之長子

動者體橫植者體縱人宜橫而反縱也

人宜橫而反縱者交也人兼備眾物之氣也補註曰動物謂鳥獸體皆橫生橫者爲緯故動植物謂草木體皆縱生縱者爲經故靜非惟草木鳥獸上而列宿下而山川莫不皆然至於人亦動物體宜橫而反縱

此所以異於萬物爲最貴也

人之骨巨而體繁木之榦巨而葉繁應天地之數也

補註曰天一地二可見陽數常少而陰數常多也愚按天地之數始於一終則有十百千萬大者少小者多故綱領約節目必繁故曰愈大則愈少愈細則愈繁合之斯爲一衍之斯爲萬

飛者有翹走者有趾人之兩手翹也兩足趾也

飛者食木走者食草人皆兼之而又食飛走也故最貴於萬物也

皇極經世釋義

卷三

十四明證書

約圖刊本

天六地四天以氣爲質而以神爲神地以質爲質而以氣爲神

天有六氣地有四維發微曰天之變六氣以六變地之變四體以四分

氣一而已主之者乾也神亦一而已乘氣而變化能出入於有無死生之間無方而不測者也

神理也無聲無臭爲氣之主乘氣而變化無所不在所謂發微不可見充周不可窮者也故不測

潛天潛地不行而至不爲陰陽所攝者神也出入有無

死生者道也神無所在無所不在至人與他心通者以  
其本於一也道與一神之強名也以神爲神者至言也  
補註曰神卽理也理無形而天地萬物皆賴之以生  
故無所在無所不在至人雖情好不同俗尙各異然  
度之而無不同感之而無不應其與他心通者以其  
本於一也一者何也卽天地萬物之理也故曰心爲  
太極又曰道爲太極

所以造物者神也神不死所以更者四時也所以造人  
者神人也神亦不死假如一木結實而種之又成是木

皇極經世釋義 卷三

圭 四明叢書

約園刊本

而結是實木非舊木也此木之神不二也此實生生之  
理也

造物一作造萬物  
神人一無人字

氣者神之宅也體者氣之宅也

形可分神不可分

精氣爲物形也遊魂爲變神也又曰精氣爲物體也遊  
魂爲變用也

朱子曰精氣兩箇合則魂魄聚而爲人遊魂一箇離  
去則陽已散陰無所歸故爲變發微曰郊特牲曰魂  
氣歸於天者以魂本附氣人死則氣必浮又曰體魄

降於地者以魂本歸形人死則形歸於土聖人緣生  
事死制其祭祀存亡既異別爲作名改生之魂曰神  
改生之魄曰鬼合魂與魄命其名曰鬼神以尊事故  
曰明命鬼神以爲黔首則百眾以畏萬民以服也延  
陵季子哭其子曰骨肉歸於土命也若魂則無不之  
也爾雅釋文曰鬼之爲言歸也以骨肉必歸於土也  
其氣則發揚於上則不測之謂神其實鬼神之本魂  
魄是也神之盛謂口鼻呼吸出入知覺運動者之類  
鬼之盛謂耳目精明能視能聽能血強盛之類或問

死生之說謝氏曰氣盡也曰有鬼神否曰余昔問明  
道先生曰待向汝道無來汝忘生信得及待向汝道  
有來汝但去尋討便是答得語朱子曰鬼神上蔡說  
得好曰可者使人格之不使人致死之可者是合當  
祭如祖宗父母這須至誠感格之不要人便死人看  
他不可者使人遠之不要人做人看他不看他便  
無了問先王祭享則甚曰是他意思別三日齋五日  
戒求諸陰陽四方上下蓋是要集自家精神所以格  
有廟必渙與萃言之雖然如是以爲有固不可以爲

無亦不可這裏有妙理於若有若無之間斷制得云  
始得曰不是鶻突自家要有便有要無便無始得鬼  
神在虛空中辟塞觸目皆是爲他是天地妙用又曰  
陰陽交而爲神形氣離而爲鬼知此者爲智事此者  
爲仁齋戒只是要團聚自家精神古人用尸要得陰  
陽二氣來聚這尸上不是徒然歆享誠敬盡則氣自  
聚古人祭祀處便招呼得來問祖宗已死以何而來  
曰上蔡云祖考精神卽我之精神祭祀之感格或求  
之陰或求之陽各從其類求則俱來非有一物積於

皇極經世義

卷三

五

四明叢書

約園刊本

空中以待子孫之求但主祭者旣是他一氣之流轉  
氣已寓此盡其誠敬則感格矣或問旁親外親之屬  
如何曰本從一源中流出初無間斷人死雖魂魄各  
散魄又較定須是招魂來復這魄要他相合聖人教  
人子孫常常祭祀是要聚得他那祖考之氣當下雖  
已散了然他根卻在這裏誠敬盡卽便引住他那氣  
在此子孫這身在此祖宗之氣便在此他自有箇血  
脈在此貫通所以神不歆非類民不祀非族只爲這  
氣不相關

朱子曰以後皆是發微雜  
引朱子之言合爲一段



皇極經世觀物外篇釋義卷之三

皇極經世釋義

卷三

七六

四明叢書

約園刊本

皇極經世觀物外篇釋義卷之四

明鄭縣余 本子華撰

觀物外篇四

唯人兼乎萬物而爲萬物之靈如禽獸之聲以其類而各能得其一無所不能者人也推之他事亦莫不然唯人得天地日月之交用他類則不能也人之生真可謂之貴矣天地與其貴而不自貴是悖天地之理不祥莫大焉

觀下文數章人之貴可見矣

皇極經世釋義 卷四

一四明叢書  
約園刊本

天有四時地有四方人有四肢是以指節可以觀天掌文可以察地天地之理具乎指掌矣可不貴之哉

吳氏澄曰指節十二合之二十四有天之象焉掌文後高前下山峙川流有地之法焉

人之四肢各有脈也一脈三部一部三候以應天數也一脈有寸關尺爲三部三部各有浮中沈爲九候天數九也故曰應天數此李氏補註本王叔和脈訣而言今按素問三部九候論則不如此四肢手足也莫不有脈脈之動處雖不同然其所以爲脈則同一脈

也故曰一脈非曰四肢每一脈之中皆有三部九候

也素問曰岐伯曰天地之至數始於一終於九焉一

者天二者地三者人因而二之三三者九以應九野

故人有三部部有三候以決死生以處百病以調虛

實而除邪疾

所謂三部者謂身之上中下部非謂寸關尺也

帝曰何謂三部

岐伯曰有下部有中部有上部部各有三候三候者

有天有地有人也必指而導之乃以爲真上部天兩

額之動脈

在額兩傍動應於手足少陽脈氣所行也

上部地兩頰之動脈

在鼻孔下兩傍近於巨髀之分動應於手足陽明脈氣之所行上部人耳前之動脈

皇極經世釋義 卷四

一四朔叢書 約園刊本

在耳前陷者中動應於手

中部天手大陰也

謂肺脈也在掌

後寸口是謂

中部地手陽明也

謂大腸脈也在手大指次指岐骨間

合骨之分動

中部人手少陰也

謂心脈也在掌後銳骨之端神門之分動

應於手也

下部天足厥陰也

謂肝脈也在毛際外羊矢下

取之動應於手也女子取大衝

在足大指本節後二寸陷中是

下部地足少陰也

謂腎

脈也在足內踝後跟骨上

下部人足太陰也

謂脾脈也在魚

陷中大谿之分動應於手

乃得之而動應於手也

候胃氣者當取足跗之上衝

陽之分穴中脈

故下部之天以候肝地以候腎人以

候脾胃之氣帝曰中部之候奈何岐伯曰亦有天亦

有地亦有人天以候肺地以候胸中之氣

經云腸胃同候故以

候胸中也

人以候心帝曰上部何以候之岐伯曰亦有天

亦有地亦有人天以候頭角之氣地以候口齒之氣  
人以候耳目之氣三部者各有天各有地各有人三  
而成天三而成地三而成人三而三之合則爲九九  
分爲九野九野爲九藏以是故應天地之至數故神藏五形藏四  
合爲九藏所謂神藏者肝藏魂心藏神脾藏意肺藏魄腎藏志也所謂形藏四者一頭角二耳目三口齒四胸中也五藏已敗其色必天天必死矣  
身地也本乎靜所以能動者氣血使之然也

補註曰人稟氣於天賦形於地而生身形屬也故靜  
氣血屬天故動蓋氣以血行血隨氣轉目得血而能  
視耳得血而能聽手得血而能持足得血而能運按  
醫書血爲榮氣爲衛六臟六腑皆有血而統之於肝  
六臟六腑皆有氣而統之於肺此在內者也氣血由  
六腑而行於六陽經由六臟而行於六陰經血常在  
內謂之榮所以榮於內者也氣常在外謂之衛所以  
衛於外者也經溢而入於絡絡溢而入於奇經入脈  
如水之周流於身有自上至下者有自下至上者有

自左至右者有自右至左者此在外者也

水在人之身爲血土在人之身爲肉

補註曰水猶人身之血土猶人身之肉水滋則土潤血養則肉肥愚按觀後章坤爲血艮爲肉可見其意矣

陽中陽日也陽中陰月也陰中陽星也陰中陰辰也柔中柔水也柔中剛火也剛中柔土也剛中剛石也夫四象在錯綜而用之日月天之陰陽水火地之陰陽星辰天之剛柔土石地之剛柔

皇極經世釋義

卷四

四四明叢書

約園刊本

衍義曰天有四象地有四象立天之道曰陰與陽故日爲陽中陽月爲陽中陰星爲陰中陽辰爲陰中陰立地之道曰柔與剛故水爲柔中柔火爲柔中剛土爲剛中柔石爲剛中剛此本象也若錯綜而用之則天亦有剛柔地亦有陰陽日爲陽月爲陰星爲剛辰爲柔天有地也水爲陰火爲陽土爲柔石爲剛地有天也先天八卦乾爲日兌爲月離爲星震爲辰巽爲石坎爲土艮爲火坤爲水者本象也又以乾爲日兌爲星離爲月震爲辰巽爲石坎爲火艮爲土坤爲水

者變象也取星之陽爲剛以應兌則震之辰爲柔矣  
取火之剛爲陽以應坎則坤之水爲陰矣本象者天  
地之用一而二也錯綜者人物之用二而四也天地  
交而生人物故也

日爲心月爲膽星爲脾辰爲腎藏也石爲肺土爲肝火  
爲胃水爲膀胱府也

此以藏府配先天圖八卦也心藏神脾藏魂神與魂  
皆陽也故心屬日脾屬星曰心與脾同陽者以此也  
腎藏精膽藏魄精與魄皆陰也故腎屬辰膽屬月曰  
膽與腎同陰者以此也四府之分配剛陽柔陰則是  
以四藏同類而分心肺一類也脾胃一類也膽肝一  
類也腎與膀胱一類也

天地竝行則藏府配四藏天也四府地也

藏者天行也府者地行也天地竝行則配爲八卦

按素問藏爲陰府爲陽邵子則以藏配天以府配地  
理一也而乃反之不同者何也岐伯曰平旦至日中  
天之陽陽中之陽也日中至黃昏天之陽陽中之陰  
也合夜至雞鳴天之陰陰中之陰也雞鳴至平旦天

之陰陰中之陽也故人亦應之夫言人之陰陽則外  
爲陽內爲陰言人身之陰陽則背爲陽腹爲陰言人  
身之藏府中陰陽則藏者爲陰府者爲陽肝心脾肺  
腎五藏皆爲陰膽胃大腸小腸膀胱三焦六府皆爲  
陽所以欲知陰中之陽陽中之陰者何也爲冬病在  
陰夏病在陽春病在陰秋病在陽皆視其所在爲施  
鍼石也故背爲陽陽中之陽心也背爲陽陽中之陰  
肺也腹爲陰陰中之陰腎也腹爲陰陰中之陽肺也  
腹爲陰陰中之至陰脾也此皆陰陽表裏內外雌雄

相輸應也故以應天之陰陽也黃帝曰願聞三陰三

陽之離人也岐伯曰聖人南面而立前曰廣明後曰

大衝人身中心藏在南故謂前曰廣明衝脈在北腎脈與衝脈合而盛大故謂後曰大衝大衝

之地名曰少陰少陰之上名曰太陽腎藏爲陰膀胱府爲陽陰氣在下陽氣在上此一合之經氣也靈樞經曰足少陰之

脈者腎脈也起於小指之下斜趣足心足太陽之衝脈者膀胱脈也循京骨至小指外側由此故少陰之上名太陽也太陽根起於至陰

結於命門名曰陰中之陽至陰穴名在足小指外側命門者藏精光照之所則

兩目也太陽之脈起於目而下至于足故根於指端結於目也中身而上名曰廣明

廣明之下名曰太陰心廣明藏下則太陰之前名曰太陰脾藏也

陽明胃脈爲陽明脈行在脾脈之前脈爲太陰脈行於  
於大指之端循指內側白肉際過核骨後上內踝前  
廉上膈內循肘骨之後足陽明之脈者胃脈也下膝  
三寸而別以下入中指外陽明根起於厲兌名曰陰  
間故太陰之前名陽明也

中之陽

厲兌穴名在足大指次指之端

厥陰之表名曰少陽

膽少陽脈行肝

脈之分外肝厥陰脈行膽脈之位內靈樞經曰足厥陰脈起於足大指聚毛之際上循足跗上廉足少陽脈循足跗上出小指次指之端則厥陰之表名少陽也

陰中之少陽是故三陽之離合也太陽爲開陽明爲

闔少陽爲樞三經者不得相失也搏而勿浮命曰一

陽帝曰願聞三陰岐伯曰外者爲陽內者爲陰然則

中爲陰其衝在下名曰太陰太陰根起於隱白名曰

陰中之陰太陰之後名曰少陰少陰根起於涌泉名

曰陰中之少陰少陰之前名曰厥陰厥陰根起於大

敦陰之絕陽名曰陰之絕陰是故三陰之離合也太

陰爲開厥陰爲闔少陰爲樞三經者不得相失也搏

而勿沈名曰一陰陰陽衝積傳爲一周氣表形裏而

爲相成也觀此則藏脈行於府脈內故爲陰府脈行

於藏脈外故爲陽此以藏府之經絡內外分陰陽也

邵子則曰藏以藏神神陽也故配天府以化形形陰



也故配地言各有指竝行不悖也

先天四象錯綜

☰ 乾 ☷ 坤

☲ 離 ☱ 兌

☵ 坎 ☴ 巽

☰ 乾 ☷ 坤

☲ 離 ☱ 兌

藏府配合之圖

☰ 乾 ☷ 坤

☲ 離 ☱ 兌

☵ 坎 ☴ 巽

皇極經世一書 卷四

八四明藏書

約園刊本

體必交而後生故陽與剛交而生心肺陽與柔交而生  
肝膽柔與陰交而生腎與膀胱剛與陰交而生脾胃心  
生目膽生耳脾生鼻腎生口肺生骨肝生肉胃生髓膀  
胱生血故乾爲心兌爲脾離爲膽震爲腎坤爲血艮爲  
肉坎爲髓巽爲骨泰爲目中孚爲鼻既濟爲耳頤爲口  
大過爲肺未濟爲胃小過爲肝否爲膀胱

祝氏皇極斷訣陽與柔交陽作陰剛與陰交陰作陽  
乾離爲天之陽兌震爲天之陰坤坎爲地之柔艮巽  
爲地之剛以上畫之陰陽剛柔配四象之陰陽剛柔

分大小而言也天主氣之輕清故稱陰陽地主質之重濁故稱剛柔然總三畫而觀則乾兌俱生於陽而兌居二則偶也重濁也爲陽中陰是兌亦可以稱剛離震俱生於陰是離亦可以稱陰而震居四則又偶也重濁也是震亦可以稱柔兌離二卦陰陽互用星月互居也坤艮俱生於柔坎巽俱生於剛以既濟陰圖言則逆數之坤爲一艮爲二坎爲三巽爲四坤坎之數奇屬輕清爲陰陽艮巽之數偶屬重濁爲柔剛則又坤爲陰艮爲柔坎爲陽巽爲剛也艮坎二卦剛

身肺肝胃膀胱雖屬陰其生也屬一一陽也爲地之天故巽加兌爲大過坎加離爲未濟艮加震爲小過坤加乾爲否皆下地而上天也骨肉髓血亦屬陰爲肺肝胃膀胱所生其生也屬二二亦陰也爲地之地故以巽艮坎坤四純卦象之上下皆地卦也乾坤離坎以四正相對而互用兌巽震艮以四負反觀而互用此條所說與素問多不同未詳孰是今姑依此解之以俟知者

天地有八象人有十六象何也合天地而生人合父母而生子故有十六象也

皇極經世釋義 卷四

十四明叢書

約園刊本

補註曰此申上章卦象之意蓋父之氣卽天之氣母之氣卽地之氣天地一大父母也父母一小天地也合天地而生人謂天地初生人之時所謂氣化者也合父母而生子謂天地既生人之後所謂形化者也八象乾兌離震坤艮坎巽十六象并泰中孚既濟頤大過未濟小過否而言也愚按形化雖出自父母然實主之天地父母之氣卽天地之氣也故曰天地之師吾其性天地之塞吾其體豈獨氣化之始而後謂

之合天地而生人哉

藏府初生次序本八卦圖

巽石肺

坎火胃

艮土肝

坤水膀胱

陽與剛而生肺剛與陽而生脾胃陰柔而生膽肝蓋陰柔而腎膀胱

乾日心

兌星脾

離月膽

震辰腎

祝氏子淫曰觀此四節天以序立於左地以序立於右自上而下心肺脾胃膽肝腎膀胱亦人藏府之序自上而下之次也

皇極經世釋義 卷四

十一 四明叢書

續圖刊本

藏府既成配



十六卦之圖

十六卦之象本只以其八卦陰陽相對而用之而義理自然皆合如心火也火即日也故乾爲心心之神發於目心中正則神精而明不正則神散而昏故曰心生目乾加坤爲泰目之象也火之發而得水以濟之則瞳斯有光也脾以藏魂陽也故兌剛爲脾脾生鼻者脾屬土土能生金鼻肺之竅金也故魂盛則氣強而鼻息不滯卦爲中孚者蓋巽兌合體爲中孚兌爲金巽爲石石亦金也膽以藏魄陰也故離陰爲膽膽生耳者膽與肝合屬木木能生火耳心之竅火也

故魄盛則血滋而耳聽必聰離爲火而加之於坎於地之四象亦屬火況坎又自有耳之象也故旣濟爲耳腎以藏精柔也故震柔爲腎腎生口者腎之氣通于齒牙且口食物而後腎益其精腎之精厚而口之食物斯有味其氣相通也口脾之竅屬土故震加艮爲頤頤爲口艮土也頤上下二陽皆虛而中口之象也大過爲肺者肺金也巽與兌皆金也肺生骨者骨人之金石也故巽爲骨肺氣盛則骨堅也未濟爲胃者胃受物而化之由是以分人水火者也谷化爲火

胃生髓者胃強而能化物則精厚而骨之髓盈髓盈則骨強是髓者體之陽也故坎陽爲髓小過爲肝者肝屬木艮土生木而震木加焉肝之象也肝生肉者肝爲傳血之府肝之血不滯則能養肉也肉人之土也艮之象也故艮爲肉否爲膀胱者膀胱津液之府坤水而乾金生之也膀胱生血者津液盛則血生也血人身之水也故坤爲血漁樵問對曰氣形盛則魂魄盛氣形衰則魂魄亦從而衰魂隨氣而變魄隨形而止故形存則魄存形化則魂散耳目口鼻心脾膽

腎之氣全謂之人心之靈曰神膽之靈曰魄脾之靈曰魂腎之靈曰精心之神發乎目則謂之視腎之精發乎耳則謂之聽脾之神發乎鼻則謂之臭膽之魄發乎口則謂之言入者俱備然後謂之人與此相發明而有不同

通變曰心乾膽離脾兌腎震藏也生目黍耳旣濟鼻中孚口頤者首也肺大過肝小過胃未濟膀胱否府也生骨巽肉艮髓坎血坤者身也藏皆屬天言性者必歸之天故生首之四象府皆屬地言體者必歸之

地故生身之四象性則本卦爲藏交卦爲首體則交卦爲府本卦爲身本卦純天爲心脾膽腎純地爲血肉髓骨地來和天爲耳目鼻口性之體也天來唱地爲肺肝胃膀胱體之性也藏以本卦生交卦者天之天生天之地府以交卦生本卦者地之天生地之地者也

又曰天無體託地以爲體所以土中有水石中有火性依體以立故地中有天天之所以神也地無用資天以爲用所以月借日光辰因星紀體隨性以彰故

皇極經世釋義

卷四

十四 四明叢書

約圖刊本

地上有天天之所以明也是故心膽居肺肝者性依體以立也胃與膀胱居脾腎者體資性以行也心膽居肺肝者乾離資巽艮天之陰陽資地之剛柔也胃與膀胱生脾腎者坤坎資震兌地之陰陽隨天之剛柔也天之陰陽依地之剛柔地在上者地中有天也地之陰陽隨天之柔剛地在下者地上有天也心膽肺肝天地反立而在上者造物之初也脾腎胃膀胱天地定位而在下者生物之後也然心膽託肺肝乾離託巽艮則是天之天托乎地之地胃膀胱接脾腎

坤坎資震兌則是地之天資乎天之地乃知太極既判無物不係乎有無數不起於二故曰有地而後有二有二而後有變化聖人所以立極用中者非執一以爲一乃貫三以爲一也

又曰泰爲目既濟爲耳乾離也中孚爲鼻頤爲口兌震也耳目體二而用一泰既濟變而乾離不變也鼻口體一而用二鼻有呼吸二竅口有氣食二喉中孚頤不變而兌震變也

又曰泰爲目坤乾也既濟爲耳坎離也中孚爲鼻巽

皇極經世釋義

卷四

十五 四明叢書

約園刊本

兌也頤爲口艮震也坤乾坎離陰陽交故耳目各二泰乾下坤上內陽外陰陽爲主而陰見於外故目視之則竅而致用則凸也既濟坎上離下內陰外陽陰爲主而陽見於外故耳視之則凸而致用則竅也巽兌艮震陰陽分故鼻口各一中孚兌下巽上四陽二陰陽多故著見而陰實爲主故鼻視之則凸而致用則竅也頤震上艮下四陰二陽陰多故著見而陽實爲主故口視之則竅而致用則凸也舌者口之用也故卽口言之若細別焉則頤爲口上止下動也小過



爲舌下止上動也舌向下則止向上則動也觀小過之象豈不類於舌乎

心居肺膈居肝何也言性者必歸之天言體者必歸之地地中有天石中有火是以心膈象之也

言人之性體者當驗之於天地心膈神藏屬性象天與火肺肝化府屬體象地與石

心膈之倒懸何也草木者地之本體也人與草木反生是以倒懸也

草木之根向下則枝葉向上蓋草木本之地者也人

則本之天與草木之生相反者也故人之頭向上則心膈倒懸向下也

膈與腎同陰心與脾同陽心主目脾主鼻

素問肺主皮毛心脈脾肉肝筋腎骨上而下外而內也心血腎骨交法也交卽用也

補註曰人之五臟肺最在上故主皮毛皮毛最在外也心在上之下故主血脈血脈在外之內也脾在上下之間故主肉肉在內外之間也肝在下之上故主筋筋在內之外也腎最在下故主骨骨最在內也膀

脫生血與腎同在下而心反主之肺生骨與心同在上而腎反主之故曰交法也王冰素問註曰肝之精氣生養筋心之精氣生養血在體爲脈通行榮衛而養血也脾之精氣生養肉覆裏筋骨充其形也肺之精氣生養皮毛包臟膚腠捍其邪也腎之精氣生養骨髓端直貞幹以立身也五臟生成篇曰心之合脈也火氣動躁脈類齊同其榮色也其主腎也肺之合皮也金氣堅定皮象亦然其榮毛也其主心也肝之合筋也木性曲直筋體亦然其榮爪也其主肺也脾

聖極經世釋義

卷四

七十四冊叢書

綱目刊本

之合肉也

土性柔厚肉體亦然脾臟應土故合肉也

其榮脣也其主肝也

腎之合骨也

水性流溼精氣亦然骨通精髓故合骨也

其榮髮也其主皮

也是故多食鹹則脈凝泣而變色

鹹益腎勝於心心不勝也多食

苦則食槁而毛拔

苦益心勝於肺肺不勝也

多食辛則筋急而爪

枯

辛益肺勝於肝肝不勝也

多食酸則肉胝胸而脣揭

也勝多食甘則骨痛血髮落

甘益脾勝於腎腎不勝也此五味之所

傷也諸脈皆屬於目諸髓皆屬於腦

腦爲髓海諸筋皆屬

於節

骨節也諸血皆屬於心

居脈內諸氣皆屬於肺人卧

血歸於肝

肝藏血心行之人動則血運於諸經人靜則血歸於肝臟何者肝主血海故也

心藏神腎藏精脾藏魂膽藏魄胃受物而化之傳氣於肺傳血於肝而傳水穀於脾腸矣

發微曰人之一身具天地鬼神之理之靈精爲形而陰魄附氣爲魂而陽神依四者都相離不得所以魂魄隨氣形而盛衰也腎北方天一水故以藏精精始化爲魄魄乃精之所自出是爲精氣之佐使而竝其出入水能生木木爲之子故膽中藏魄心南方太虛火用以藏神生陽曰魂魂乃神之所自出是爲神氣之輔弼而隨其出入火能生土土爲之子故脾中藏

魂人之一身精神其主而魂魄其使也精盛則魄盛惟至誠則能生精至精則能生神誠也者皆天一所生而無僞也人能生於一而不散其精則至誠如神心能御氣不能主一而散其精則心爲形役豈徒沒世而無聞哉其違禽獸不遠矣人之生也精神魂魄性之用也血氣水穀形之用也惟內外交相養則精神強而魂魄盛性者受之於天必有藏焉心者神所藏腎者精所藏

素問註曰五臟六府精氣淫溢而滲灌於腎腎藏乃受而藏之又曰五臟各有精隨用而瀉注於腎腎乃都會關司之所非腎一藏獨有精也脾者魂所藏膽者

魄所藏統其藏者心也故能發見於聲臭言視之間而不違其則者所以靈也形者口之於地必有府焉府所以流傳變化其形之用使不滯也故曰化府脾爲淨氣之府肝爲傳血之府胃爲化水穀之府又爲之腠腸以流其渣滓濁穢故曰天地之性人爲貴豈若異端者之言魂魄哉補註曰人之飲食入口曰胃管入於胃中其滋味入五臟其質入於小腸乃化之則入於大腸始分別清濁渣滓濁者結於廣腸津液清者入於膀胱膀胱乃津液之府也至膀胱又分清

皇極經世一

卷四

九四明叢書

約園刊本

濁濁者入於溺中其清者入於臍臍引入於脾脾散於五臟爲涎爲唾爲涕爲淚爲汗其滋味滲入五臟乃成五汁五者同歸於脾脾和乃化血行於五臟六府而統之於肝脾不和乃化爲痰血生氣於五臟六府而統之於肺氣血化精統之於腎精生神統之於心精藏二腎之間謂之命門神藏心之中竅爲人之元氣從肺管中出爲鼻呼吸五藏別論曰所謂五藏者藏精神而不寫也寫輸瀉也故滿而不能實六府者傳化物而不藏故實而不能滿也

神者人之主將寐在脾熟寐在腎將寤在膽又言在肝正寤

神藏於陰則寐行於陽則寤心膽在上陽也脾腎在下陰也

天之神棲乎日人之神發乎目人之神寤則棲心寐則棲腎所以象天此晝夜之道也

發微曰午則日隨天在南子則日隨天在北一日之寤寐也夏則日正在午冬則日正在子一年之寤寐也日者天之神也人之神晝在心夏也夜在腎冬也

皇極經世學義

卷四

二

西明叢書

約圖刊本

天地之大寤在夏人之神則存於心

神統於心氣統於腎形統於首形氣交而神主乎其中三才之道也

補註曰人在胞胎時先生頭而後生身故形統於首天之象也人身之氣皆自下升上故氣統於腎地之象也人之知覺皆統於心人之象也愚按氣以運形形以攝氣形氣交相資以爲可而神則主乎其中所以乘氣而役其形者也

口目橫而鼻耳縱何也體必交也故動者宜縱而反橫

植者宜橫而反縱皆交也

橫爲陰縱爲陽動爲陽靜爲陰動者橫靜者縱則是陰陽相反故曰交也人動類宜橫而形反縱者此又以動物而兼植物之氣交而又交也

目口凸而耳鼻竅竅者受臭嗅氣物或不能閉之凸者視色則別味物則能閉之也四者雖象於一而各備其四矣

口凸者中有舌也受臭當作受聲

鼻之氣目見之口之言耳聞之以類應也

膽與腎同陰心與脾同陽故其所生者各以類應也氣形盛則魂魄盛氣形衰則魂魄亦從而衰矣魂隨氣而變魄隨形而止故形在則魄存形化則魄散

發微曰精爲形而陰魄附氣爲魂而陽神依四者都相離不得所以魂魄隨氣形而盛衰也形變則陽魂離去魄化則陰形朽離所以先王以灰滅爲極形而於人之死也則卜宅非以安鬼也又曰子產謂人生始化曰魄魄內自有陽氣氣之神曰魂魂魄神靈之名初生時耳目手足運動此魄之靈也及其精神性

識漸有知覺此則氣之神也蓋魂陽屬火魄陰屬水  
天一生水陰陽始交魄既生暖者爲魂先有魄而後  
有魂魂常爲主爲幹淮南子曰天氣爲魂陽也地氣  
爲魄陰神也樂邠曰心之精爽是謂魂魄魄屬形體  
魂屬精神精又是魂魄是精之神精又是魂魄是氣  
之神朱子謂魂神而魄靈魂陽而魄陰魂動而魄靜  
生則魂在於魄而魄檢其魂死則魂遊散而歸於天  
魄淪墜而歸於地運行動作底是魂不運用動作底  
是魄魄盛則耳目聰明能記憶老人目昏耳聵記事

不得者魄衰也魂熱而魄冷能以魂守魄則魂有所  
守而亦靜魄以魂而亦有生意魂熱生涼魄冷生暖  
惟二者不相離故陽不燥陰不滯而得其和矣不然  
魂愈動魄愈靜魂愈熱魄愈冷二者不得其和而死  
矣又曰人生時魂魄相交死則各相離去魄固有形  
像在裏面如水晶相似所以發出來爲耳目之精明  
月黑暈是魄其光是魂如香燒出汁子來是魄那成  
煙後香底是魂魂是魄之光燄魄是魂之根底火是  
魂鏡是魄燈有光燄物來便燒鏡雖照見卻在裏面

火日外景金水內景火日是魄金水是魄人之眼光  
是魄耳亦體耳何以爲魄曰能聽者便是魄陰主受  
藏故魄能記憶在內陽主運用故魂能發用出來二  
物本不相離精聚則魄聚氣聚則魂聚是爲人物之  
體至於精竭魄降則氣散魂遊而無所知矣

氣變而形化

人得中和之氣則剛柔均陽多則偏剛陰多則偏柔  
氣則養性性則乘氣故氣存則性存性動則氣動也  
神無方而性有質

皇極經世釋義

卷四

三

四明叢書

納園刊本

神卽性其理本一也但神主天地言不著於物性則  
落於體質之中矣故曰成之者性也

有形則有體有性則有情

體者形之分情者性之發

心性而膽情陽性而陰情性神而情鬼

素問曰膽者中正之官決斷出焉又曰十一藏取決  
於膽蓋膽以藏魄人之所以能作事而無所懼者全  
取決於膽故獨以膽對心而言性具於心情則動於  
氣而見之事故屬膽屬陰屬鬼



發於性則見於情發於情則見於色以類而應也

天使我有是之謂命命之在我之謂性性之在物之謂理

理窮而後知性性盡而後知命命知而後知至

人之類備乎萬物之性

人之貴兼乎萬類自重而得其貴所以能用萬類

已配天地謂之人唯仁者其可謂之人矣

人之神則天地之神人之自欺所以欺天地可不慎哉人之精神貴藏而用之苟術於外鮮有不敗者如利刃

皇極經世釋義

卷四

五

四明叢書

約園刊本

物來則割之若恃刃之利而求割乎物則刃與物俱傷矣

精義入神以致用也不精義不能入神不能入神則不能致用也

無思無爲者神妙致一之地也所謂一以貫之聖人以此洗心退藏於密

心一而不分則能應萬變此君子所以虛心而不動也人心當如止水則定定則靜靜則明

任我則情情則蔽蔽則昏矣因物則性性則神神則明

矣

性具于心純乎理也情雖由性而發既發則雜之於  
氣氣有所拘善惡攸分矣故任我之私者爲情因物  
之理者爲性

以物觀物性也以我觀物情也性公而明情偏而暗  
性者萬物之一原故以物觀物爲性

誠者主性之具無端無方者也

資性得之天也學問得之人也資性由內出者也學問  
由外入者也自誠明性也自明誠學也

皇極經世釋義

卷四

五

四明叢書

約園刊本

天下言讀書者不少能讀書者少若得天理真樂何書  
不可讀何堅不可破何理不可精

易始於三皇書始於二帝詩始於三王春秋始於五霸  
所謂皇帝王霸者非獨謂三皇五帝三王五霸而已但  
用無爲則皇也用恩信則帝也用公正則王也用智力  
則霸也霸以下則夷狄夷狄以下是禽獸也

法始乎伏羲成乎堯革於三王極於五霸絕於秦萬世  
治亂之迹無以逃此矣

秦穆公伐鄭敗而有悔過自誓之言此非止霸者之事

德於王道能悔則無過矣此聖人所以錄於書末也  
平王名雖王實不及一小國之諸侯齊晉雖侯而實僭  
王此春秋之名實也子貢欲去告朔之餼羊羊名也禮  
實也名存而實亡猶愈於名實俱亡苟存其名安知後  
世無王者作是以有所待也

秦穆公有功於周能遷善改過爲霸者之最晉文侯世  
世勤王遷平王於洛次之齊桓公九合諸侯不以兵車  
又次之楚莊強大又次之宋襄公雖霸而力微會諸侯  
而爲楚所執不足論也治春秋者不先定四國之功過  
則事無統理不得聖人之心矣春秋之間有功者未見  
大於四國者有過者亦未見大於四國者也故四國者  
功之首罪之魁也

周襄王有太叔帶之亂出居於鄭穆公出師河上將  
納之由是晉文公感而起兵而周之亂定尊周室輔  
晉文是有功於周也晉文侯文公之先祖伐戎定周  
遷平王於洛者也

五霸者功之首罪之魁也春秋者孔子之刑書也功過  
不相掩聖人先褒其功後貶其罪故罪人有功者亦必

錄之不可不恕也某人受春秋於尹師魯師魯受於穆伯長某人後復攻伯長曰春秋無褒皆是貶也田述古曰孫復亦云春秋有貶而無褒曰春秋禮法廢君臣亂其間有能爲小善者安得不進之也況五霸實有功於天下且五霸固不及於王不猶愈於夷狄乎安得不與之也

治春秋者不辨名實不定五霸之功過則未可言春秋先定五霸之功過而治春秋則大意立若事事求之則無緒矣

春秋爲君弱臣強而作故謂之名分之書

人言春秋非性命之書非也至於書郊牛之口傷改卜牛牛死猶三望此因魯事而貶之也聖人何容心哉無我故也豈非由性命而發言也又云春秋皆因事而褒貶豈聖人特立私意哉人知春秋聖人之筆削爲天下之至公不知聖人之所以爲公也如因牛傷則知魯之僭郊因初獻六羽則知舊僭八佾因新作雉門則知舊無雉門皆非聖人有意於其間故曰春秋盡性之書也魯之僭郊久矣宣公三年書郊牛之口傷改卜牛牛

死乃不郊是則不郊者爲牛傷與死也不然則郊矣  
郊天子之事也魯行之不爲僭乎下又書曰猶三望  
猶者可已而不已之詞也望郊之屬也不郊亦無望  
可也胡氏曰三望者祭泰山河海夫天子有天下凡  
宇宙之內名山大川皆其所主也故得祭天而有方  
望無所不通諸侯有一國則境外之山川他人所主  
者而可以望乎河海非魯之封內其不得祭亦明矣  
隱公五年書考仲子之宮初獻六羽則前此用八佾  
可見矣八佾天子之禮樂也而魯僭之春秋因事而

書所以正天下之大典定公二年雉門及兩觀災書  
曰新作雉門及兩觀胡氏曰書新作者譏僭王事而  
不能革雉門象魏之門其外爲庫門而臯門在庫門  
之外其內爲應門而路門在應門之內是天子之五  
門也僖公常修泮宮復闕宮非不用民力也而春秋  
不書子家駒以設兩觀爲僭天子是非諸侯之制明  
矣夫撥亂反正者必本諸身身正者物必正春秋於  
僭君必書者必正之意也何氏曰御廩桓宮僖宮西  
宮新宮亳社災太室屋壞皆不言別葺獨雉門兩觀

僭王者法度天災示變宜有所革而復大其規模故  
經云新作以見非正也觀此則新作雉門者爲門災  
也非舊無也

魯之兩觀郊天大禘皆非禮也諸侯苟有四時之禘以  
爲常祭可也至於五年大禘不可爲也

禘王者之大祭也五年一行惟天子得禘之故曰禮  
不王不禘周之禮春祠夏禴秋嘗冬烝四時之祭實  
無有稱禘者此曰諸侯苟有四時之禘以爲常祭者  
何王制曰天子諸侯之祭春曰禴夏曰禘秋曰嘗冬

皇極經世釋義卷四

无四明叢書

約園刊本

曰烝此蓋漢儒誤認春秋之書附會成文耳鄭玄不  
察疑爲夏殷之禮邵子因之遂有此言皆非也

始作兩觀始者貶之也誅其舊無也初獻六羽者初者  
衷之也以其舊僭八佾也

晉狐射姑殺陽處父春秋書晉殺其大夫陽處父上漏  
言也君不容則失臣故書國殺

魯文公六年書晉殺其大夫陽處父晉狐射姑出奔  
狄公羊傳曰晉殺其大夫陽處父則狐射姑曷爲出  
奔射姑殺也殺射姑也其稱國以殺何君漏言也其

漏言柰何君將使射姑將陽處父諫曰射姑民眾不說不可使將於是廢將陽處父出射姑入君謂射姑曰陽處父言曰射姑民眾不說不可使將射姑怒出刺陽處父於朝而走胡氏安國曰亂之所生則言語以爲階君不密則失臣臣不密則失身機事不密則害成是以君子慎密而不出也凡書殺者在上則稱君在下則稱民在眾則稱人在微則稱盜君與臣同殺則稱國今殺處父者射姑耳君獨以漏言故如此殺焉所以爲後世戒也

皇極經世釋義

卷四

三十四明叢書

約圖刊本

夫聖人之經渾然無迹如天道焉故春秋錄實事而善惡形於其中矣

春秋三傳之外陸淳啖助可以兼治

左氏公羊穀梁三傳也陸淳啖助唐人釋春秋者也程子曰春秋傳爲按經爲斷又曰以傳考經之事迹以經別傳之真僞胡氏寅曰自漢以來三傳優劣之論何紛紛而莫之一乎要之根據國史考事精詳此左氏之所長也然博而不知其義奢而不求其實則未免於誣矣發明書法義理頗正此公穀之可取也

然以日月爲義例一字爲褒貶又且黜周而王魯則  
誣謬亦甚矣至唐趙匡啖助陸淳始辨三傳之非而  
專求聖經之義雖未盡善而其開示後人者其功已  
多

管仲用智數晚識物理大抵才力過人也

管仲相桓公霸諸侯所以九合諸侯而一匡天下者  
皆假借仁義用智數以行之耳晚年著書二十四卷  
能識物理通達世務於國事紛紜之際而乃能從容  
於物理之學非才力過人安能如此晁氏曰劉向所

皇極經世釋義

卷四

三四明叢書

約園刊本

定凡九十六篇今亡十篇世稱齊管仲撰杜佑旨略  
序曰子讀仲書見其謹法令通商賈均力役盡地力  
旣爲富強又頗以禮義廉恥化其國俗如心術白心  
之篇亦嘗側聞正心誠意之道其能一正天下致君  
爲五霸之盛宜矣其以汰侈聞者蓋非不知之罪在  
於志意易滿不能躬行而已然則其爲書固善也後  
之欲治者庶幾之猶可以制四夷而安中國學者何  
可忽哉

叔向子產晏嬰之才相等埒



叔向晉大夫子產鄭大夫晏嬰齊大夫三子皆博學而有文名聞諸侯孔子之所取者也

### 季札之才近伯夷

伯夷與其弟讓國而逃孔子稱爲求仁得仁季札亦吳公子之能讓國者也其父壽夢生四子長諸樊次餘祭次餘昧次季札賢壽夢欲立之札辭乃立諸樊壽夢卒諸樊復讓於札札謝曰曹人欲立子臧子臧去之以成曹君札雖不才願附於子臧之義諸樊卒餘祭立欲傳以次必致國於季札卒不受封於延

皇極經世釋義

卷四

三

四明叢書

約園刊本

陵故號延陵季子劉向說苑曰夫不以國私身捐干乘而不恨棄尊位而無恨可以庶幾矣胡氏曰壽夢賢季札欲立以爲嗣札辭不可然後立諸樊諸樊致國於季子季子又辭而去之諸子乃舍其子而立弟約以次傳必及季子故諸樊卒而餘祭立餘祭卒而餘末立卽餘昧夷末卒則季子宜受命以安社稷成父兄之志矣乃徇匹夫之介節辭位以逃夷末之子僚僚旣立諸樊之子光曰先君所以不與子國而與弟者凡爲季子爾將從先君之命歟則季子宜有國也

如不從先君之命則我宜立僚烏得爲君於是使專  
請刺僚而致國乎季子季子不受去之延陵終身不  
入吳國故曰季子辭國以生亂因其來聘而貶之示  
法焉或謂子貢問於孔子曰伯夷叔齊何人也曰古  
之賢人也曰怨乎曰求仁而得仁又何怨子貢以先  
聖賢夷齊知其惡衛輒之爭而不爲也季子辭位獨  
不爲賢而奚貶乎曰叔齊之德不越伯夷孤竹舍長  
而立幼私意也諸樊兄弟父子無及季札之賢者其  
父兄所爲眷眷而欲立札公心也以其私意故夷齊

皇極經世釋義

卷四

三三 四明叢書

約圖刊本

讓國爲得仁而先聖之所賢以其公心故季子辭位  
爲生亂而春秋之所貶苟比而同之過矣或曰世衰  
道微暴行交作臣篡其君者有之子篡其父者有之  
季子於是焉而辭位則將使聞其風者貪夫廉爭夫  
讓而篡弑奪攘之禍捐矣其於名教豈有不補何貶  
之有也曰春秋達節而不守者也昔太伯奔吳而不  
反季歷嗣位而不辭武王繼統受命作周亦不以配  
天之業讓伯邑考官天下也彼王僚無季歷之賢武  
王之聖而季子爲太伯之讓豈至德乎使爭弑禍興

覆師喪國其誰階之也若季子之辭位守節立名全身自牧則可矣概諸聖王之道則過矣中庸曰道之不明不行也我知之矣季子所謂賢且智過而不得其中者也使由於季歷武王之義其肯附子臧之節而不受乎惜其擇乎中庸失時指之宜爾此仲尼於季子望之深矣責之備矣

伯夷義不食周粟至餓且死止得爲仁而已

伯夷柳下惠得聖人之一端伯夷得聖人之清柳下惠得聖人之和孔子時清時和時行時止故得聖人之時

皇極經世釋義 卷四

手函四明叢書

一約園刊本

顯諸仁藏諸用孔子善藏其用乎

孔子之藏用非如後世智謀之士故藏其端而不露也聖人渾融無迹而圭角不露所謂盡三才之道行無轍迹是也

聖人之難在不失仁義忠信而成事業何如則可在於絕四

毋意毋必毋固毋我合而言之則一分而言之則二合而言之則二分而言之則四始於有意成於有我有意然後有必必生於意有固然後有我我生於固意有心

必有待一云先期固不化我有己也

此言有一極兩儀四象之象也

劉絢問無爲對曰時然後言人不厭其言樂然後笑人不厭其笑義然後取人不厭其取此所謂無爲也

時後後言乃應變而言言不在我也

知之爲知之不知爲不知聖人之性也苟不知而強知之非情而何失性而情則眾人矣

志於道者統而言之志者潛心之謂也德者得於己有形故可據德主於仁故曰依

皇極經世義 卷四

三五 四明叢書

約園刊本

君子喻於義賢人也小人喻於利而已義利兼忘者唯聖人能之君子畏義而有所不爲小人直不爲耳聖人動不踰矩何義之畏乎

誰能出不由戶戶道也未有不由道而能濟者也不由戶者開穴隙之類是也

多聞擇其善者而從之雖多聞必擇善而從之多見而識之識別也雖多見必有以別之

三人行亦有師焉至於友一鄉之賢天下之賢以天下爲未足又至於上論古人無以加焉

當仁不讓於師者進入之道也

有馬者借人乘之舍己以從人也

或問才難何謂也曰臨大事然後見才之難也曰何獨言才曰才者天之良質也學者所以成其才也曰古人有不由學問而能立功業者何必曰學曰周勃霍光能成大事唯其無學故未盡善也人而無學則不能燭理不能燭理則固執而不通

周勃霍光皆天資重厚者也天下大事惟重厚者能當之

皇極經世釋義

卷四

五十四明叢書

約圖刊本

人有出人之才必以剛克中剛則足以立事業處患難若用於他反爲邪惡故孔子以申枏爲焉得剛既有慾心必無剛也

仲弓可使南面可使從政也

顏子不遷怒不貳過遷怒貳過皆情也非性也不至於性命不足謂之好學

顏子不貳過孔子曰有不善未嘗不知知之未嘗復行是也是一而不再也韓愈以爲將發於心而便能絕去是過與顏子也過與是爲私意焉能至於道或曰與善

不亦愈於與惡乎曰聖人則不如是私心過與善惡同矣

顏子與聖人未達一間者也故易口不遠復無祇悔元吉顏子當之韓子以爲過發於心而便能絕去恐未爲過與若曰已過於行但一而不再則失已遠矣悔已及矣烏在其幾於聖人吉之大也

知易者不必引用講解是爲知易孟子之言未嘗及易其間易道存焉但人見之者鮮耳人能用易是爲知易如孟子可謂善用易者也

皇極經世釋義

卷四

三十四明叢書

約園刊本

警叟殺人舜視棄天下猶棄敝屣也竊負而逃避海濱而處終身訖然樂而忘天下聖人雖天下之大不能易天性之愛湯放桀武王伐紂而不以爲弑者若孟子言男女授受不親禮也嫂溺則援之以手權也故孔子既尊夷齊亦與湯武夷齊仁湯武義也唯湯武則可非湯武是篡也

中庸非天降地出揆物之理度人之情行其所安是爲得矣

中庸之法自中者天也自外者人也

補註曰自然得中者所謂誠者天之道也自外而入者所謂誠之者人之道也

老子五千言大抵皆明物理

五千言卽道德經八十一篇也老子姓李氏當周時大道不行西遊天下關令尹喜曰大道將隱乎願爲我著書於是作道德二篇五千文夫五千文宣道德之源大無不包細無不入程子曰老子語道德而雜權詐本末舛矣申韓蘇張皆其流之弊也又曰老子書其言自不相入處如冰炭其初意欲談道之極玄

皇極經世義

卷四

三

四明叢書

約圖刊本

妙處後來却入做權詐上去如將欲取之必固與之之類朱子曰老子之學只要退步柔伏不與你爭纔有一毫主張計較思慮之心這氣便癱了故曰致虛極守靜焉又曰專氣致柔能如嬰兒乎又曰知其雄守其雌爲天下谿知其白守其黑爲天下谷所謂谿所謂谷只是低下處讓你在高處他只要卑下處全不與你爭他這工夫極難常見畫本老子便是這般氣象笑嘻嘻地便是箇退步占便宜底人雖未必肖他然亦是他的氣象也只是他放出無狀來便不可當

如曰以正治國以奇用兵以無事取天下他取天下  
便是用此道又曰今觀老子書自有許多說話人如  
何不愛其學也要出來治天下清虛無爲所謂因者  
君之綱事事只是因而爲之如漢文帝曹參便是用  
老氏之效老子之學最忍他閒時似箇虛無卑弱底  
人莫教緊要處發出來更教你支梧不住如張子房  
是也子房皆老氏之學老子知易之體者也

朱子曰康節言老氏得易之體孟子得易之用非也  
老子自有老子之體用孟子自有孟子之體用將欲

皇極經世釋義

卷四

五九四明叢書

約園刊本

取之必固與之此老子之體用也存心養性充廣其  
四端此孟子之體用也

莊子曰庖人雖不治庖尸祝不越樽俎而代之此君子  
思不出其其言素位而行之意也

莊子齊物未免乎較量較量則爭爭則不平不平則不  
和

齊物莊子書篇名或問齊物論如何程子曰莊子之  
意欲齊物理邪物理從來齊何待莊子而後齊若齊  
物形物形從來不齊如何齊得此是莊子見道淺不



柰胸中所得何遂著此論也

莊子與惠子遊於濠梁之上莊子曰儵魚出游從容是魚樂也此盡已之性能盡物之性也非魚則然天下之物皆然若莊子者可謂善通物矣

莊子雄辯數千年一人而已如庖丁解牛曰踟躕四顧孔子觀呂梁之水曰蹈水之道無私皆至理之言也

莊子內篇養生主曰庖丁爲文惠君解牛曰始臣之解牛之時所見無非牛者三年之後未嘗見全牛也方今之時臣以神遇而不以目視官知止而神欲行

皇極經世釋義

卷四

四十四明叢書

約園刊本

依乎天理批大卻導大窾

苦管反空也

因其固然技經肯

綮之未嘗而況大軋

軋大骨也

良庖歲更刀割也族庖月

更刀折也今臣之刀十九年矣所解數千牛矣而刀

刃若新發於硎彼節者有間而刀刃者無厚以無厚

入有間恢恢乎其於遊刃必有餘地矣是以十九年

而刀刃若新發於硎雖然每至於族吾見其難爲怵

然爲戒視爲止行爲遲動刀甚微諒然已解如土委

地提刀而立爲之四顧爲之躊躇滿志

逸足容豫自得之意善

刀而藏之文惠曰善哉吾聞庖丁之言得養生焉達

生篇曰孔子觀於呂梁縣水三十仞流沫四十里鼃  
鼃魚鼃之所不能游也見一丈夫游之以爲有苦而  
欲死也使弟子並流而拯之數百步而出被髮行歌  
而游於塘下孔子從而問焉曰吾以子爲鬼察子則  
人也請問蹈水有道乎曰亡吾無道吾始乎故長乎  
性成乎命與齊同水如磨齊也俱入與汨涌波也偕出從水之  
道而不爲私焉此吾所以蹈之也

莊子氣蒙若呂梁之事言之至者也盜跖言事之無可  
柰何者雖聖人亦莫如之何漁父言事之不可強者雖

皇極經世釋義

卷四

聖四明叢書

約圖刊本

聖人亦不可強此言有爲無爲之理順理則無爲強則  
有爲也

呂梁之事見前章盜跖柳下惠之弟從卒九千人橫  
行天下以爲盜萬民苦之莊子言孔子往欲說之乃  
爲盜跖所陵侮強辯大斥卒不能化而返此寓言也  
漁父言孔子遊緇帷之林遇漁父反走再拜而請教  
漁父乃責之以離位起亂曰子旣上無君侯有司之  
勢而下無大臣職事之官擅飾禮樂選人倫以化齊  
民不泰多事乎且示之以八疵四患言必去此然後

可教傲然自是刺船而長往此蓋道之不同物固難強也此皆寓言假孔子以爲重者也

莊子著盜跖篇所以明至惡雖至聖莫能化蓋上智與下愚不移故也

魯國之儒一人者謂孔子也

魯國之儒一人亦莊子之言也

莊荀之徒失之辯

補註曰如莊生詆訾孔子之徒荀子力排性善之說強辯自任其失孰大焉

皇極經世釋義

卷四

聖三四册叢書

約園刊本

佛氏棄君臣父子夫婦之道豈自然之理哉

智哉留侯善藏其用

漢儒以反經合道爲權得一端者也權所以平物之輕重聖人行權酌其輕重而行之合其宜而已故執中無權者猶爲偏也王通言春秋王道之權非王通莫能及此故權在一身則有一身之權在一鄉則有一鄉之權以至於天下則有天下之權用雖不同其權一也

文中子曰易樂者必多哀輕施者必好奪或曰天下皆爭利棄義吾獨若之何子曰舍其所爭取其所棄不亦

君子乎若此之類禮義之言也心迹之判久矣若此之類造化之言也

太玄九日當兩卦餘一卦當四日半

補註曰司馬說玄曰易卦氣起中孚除震離兌坎四正卦二十四爻主二十四氣外其餘六十卦每卦六日七分凡得三百六十五日四分日之一中孚初九冬至之初也頤上九大雪之末也周而復始玄八十一首每首九贊凡七百二十九贊每二贊合爲一日一贊爲晝一贊爲夜凡得三百六十四日半益以踦贏二贊成三百六十五日四分日之一中初一冬至之初也踦贏二贊大雪之末也亦周而復始凡玄首皆以易卦氣爲次序而變其名稱中者中孚也周者復也踦閑者屯也少者謙也戾者睽也餘皆倣此故玄首曰八十一首歲事成貞測曰巡乘六甲與斗相逢曆以紀歲而百穀時雍皆謂是也

卦氣除坎離震兌 玄首八十一

坎中孚冬至



復



屯

小寒



謙



睽



升

大寒



中



天

始始  
方州部一家

周



二家

頤



三家

閑



始二部一家

少



二家

戾



三家

上



始三部一家

皇極經世釋義 卷四

四

四明叢書  
約圖刊本

臨



小過

立春



蒙



益



漸

雨水



泰



干



二家

姤

音陴



三家

中

始  
二州部一家

一家

差



二家

童



三家

增



始  
二部一家

銳



二家

達



三家

需 齋 蠱



隨



晉



震 解 夬



大 壯



豫 淸 明



三部一家

二家

三家

終三州部一家

二家

三家

終中部一家

二家

三家

皇極經世釋義 卷四

四十四明叢書

約函刊本

訟



蠱



革

齋 蠱



夬




旅 賁




師



交 夷 俛 從 進 釋 格 夷 樂



爭 務 事 更 斷 毅 裝 眾



終終部一家

二家

三家

地三州部一家

二家

三家

下中部一家

二家

比

小畜小滿

乾

大有芒種

家人

井



密

親

斂

疆

辟

盛

居

法



三家

下三部一家

一家

三家

中下  
中二州部一家

一家

三家

中中三部一家

離咸夏至

姤

鼎小暑

豐

渙

履大暑



皇極經世釋義 卷四

吳四明叢書

約圖刊本

應

迎

遇


寵

大

廓

文

禮



一家

三家

申上三部一家

一家

三家

上二州部一家

一家

三家

遯



恆

立秋



節



巽



損

處暑



否



上中二部一家

一家

二家

上三部一家

一家

三家

人

三秀四部

一家

二家

三家

皇極經世釋義 卷四

四

四明叢書 約圖刊本

巽

白露



萃



畜



兌

賁

秋分




觀



歸妹 寒露



逃 唐 常 度 永 昆 滅 陰 守



思中二部一家

二家

三家

思三部一家

一家

三家


福

二部 一部

一家

一家

翁 聚 積 飾 疑 視 沈 內





无妄

巽

困  
霜降

剝

艮  
冬

既濟



去

福中一部 一家

晦

二家

曹

三家

割

福太一部 一家

止

二家

堅

福太一部 一家

成

福生 二部 一家

皇極經世釋義 卷四

吳 四明叢書 約園刊本

噬嗑



大過  
小雪



坤



未濟  
大雪



蹇



頤



闕  
陟乘切



失



劇



馴



將



難



勤



養



三家

一家

二家

三家

一家

二家

三家

一家

二家

三家

禍中二部 一家

二家

三家

禍極三部 一家

二家

三家

躋

補半日  
夜數

贏

補四分  
日之

卦氣一爻當一日餘五日四分日之一每日以八十分分之得四百二十分六十卦每卦得七分故一卦當六日七分

發微曰太玄數始於三太玄卽太極也以象君位三方卽天地人也以象三才曰天玄地玄人玄三方象三公一方有三州凡九州象九卿一州有三部凡七十二部象大夫立天道曰始中終立地道曰上中下

皇極經世釋義

卷四

四

明叢書  
約圖刊本

立人道曰思福禍易占以變玄占以通玄之首贊皆本五行自中而周以至於養中爲一水周爲二火礮爲三木閉爲四金少爲五土戾又爲六水上又爲七火干又爲八木符又爲九金數止於九自羨而起又爲一水此以後皆然每首九贊九贊之中初一亦屬水次二屬火次三屬木次四金次五土次六又屬水次七又屬火次八又屬木次九又屬金諸首中以五爲君爲一首之主亦如易卦以五爻爲主也玄中首一陽生對應首一陰始八十一首皆相對待奇首陽

偶首陰奇對奇偶對偶所主不同而相反玄序曰巡  
乘六甲與斗相逢此玄起曆之大旨玄有奇滿猶斗  
有閏月也八十一首自中而起每首必指月且日入  
之度而皆以斗爲主蓋時之易正而可見者斗曆之  
難明而易差者閏氣睽與斗相迎旣無差忒則閏正  
而曆正矣辯正曰寧按揚子雲之學程子大概不取  
謂子雲作太玄本要明易却尤晦於易眞屋下架屋  
牀上疊牀無益也龜山楊氏亦曰子雲作太玄只據  
他立名便不是旣定卽三方九州二十七部八十一

家不知如何相錯得八卦所以可變而爲六十四者  
只爲可相錯故可變耳惟相錯則其變出於自然也  
朱子曰聖人說天一地二天三地四天五地六天七  
地八天九地十甚簡易太玄却說得支離如他立八  
十一首却是分陰陽中間一首半是陰半是陽若看  
了易後去看那玄不成物事至如焦延壽易也不成  
物事人說焦延壽卦氣不好是取太玄不知太玄却  
是學他又曰天地間只是陰陽二者而已便會有消  
長今太玄有三箇了如冬至是天元到三月便是地

元七月便是人元夏至却在地元之中都不成物事  
太玄甚拙歲是方底物他以三數乘之皆算不著又  
曰太玄之說只是老莊康節深取之者以其書亦挨  
傍陰陽消長來說道理竊詳朱子於子雲固有所取  
然辨而非之者亦多則子雲之學可知矣

揚雄作玄可謂見天地之心者也

邵氏伯溫曰揚子雲知易之本以作玄始於中首象  
中孚次以周首象復中者天下之大本所謂天地之  
心也故其首辭曰陽氣潛藏於黃鍾之宮信無不在

皇極經世釋義

卷四

五十四明叢書

約園刊本

其中天地之道可謂至信矣所謂信者有以見天地  
之心乎在人則誠也故天地聖人之心至信至誠悠  
久而不息所以爲天地人之至妙至妙者也

洛下閎改顓頊曆爲太初曆子雲準太初作太玄凡八  
十一卦九分其二卦凡一五隔一四細分之則四分半  
當一卦氣起於中心故首中卦

補註曰顓頊曆者顓帝本連山首艮之易而作也祖  
河圖數十衍爲百百分四箇二十五以應天數四分  
度之一也秦用此曆建亥爲正至漢武帝改爲太初

太初者武帝卽位康都洛下閎等所作也以建寅爲  
正太玄者漢揚雄所作也與太初顛頊曆相應太初  
以八十一爲日法者九九也太玄以七十二爲日法  
者八九也太初以三十二爲秒法者八四也太玄以  
三十六爲秒法者九四也以玄比初分於九而減一  
秒於九而加一同得二千五百九十二秒始雖異而  
終則同朱子又曰太玄擬易司馬說玄亦曰易與太  
玄大抵道同而法異易畫有二曰陽曰陰玄畫有三  
曰一曰二曰三易有六位玄有四重易以八卦相重  
爲六十四卦玄以一二三錯於方州部家爲八十一  
首易每卦六爻合爲三百八十四爻玄每首九贊合  
爲七百二十九贊皆當期之日易有元亨利貞玄有  
罔直蒙酋冥易大衍之數五十其用四十有九玄天  
地之策各十有八合爲三十六策地則虛三用三十  
三策易揲之以四玄揲之以三易有七九八六謂之  
四象玄有一二三謂之三幕易有彖玄有首易有爻  
玄有贊易有象玄有測易有文言玄有文易有繫辭  
玄有攤瑩規圖告易有說卦玄有數易有序卦玄有

衝易有雜卦玄有錯殊塗而同歸百慮而一致皆本於大極兩儀三才四時五行而歸於道德仁義禮也九分九日也經曰規擬之九日平分范氏註曰玄一首四日分則有餘二首九日則平故曰九日平分也曆不能無差今之學曆者但知曆法不知曆理能布算者洛下閎也能推步者甘公石公也洛下閎但知曆法揚雄知曆法又知曆理

書曰日短星昴以正中冬蔡傳曰按此冬至日在虛昏中昴今冬至日在斗昏中璧中星不同者蓋天有

皇極經世釋義

卷四

五十四册叢書

約園刊本

三百六十五度四分度之一歲有三百六十五日四分日之一天度四分之一而有餘歲日四分之一而不足故天度常平運而舒日道常內轉而縮天漸差而西歲漸差而東此歲差之由唐一行所謂歲差者是也古曆簡易未立差法但隨時占候脩改以與天合至東晉虞喜始以天爲天以歲爲歲乃立差以追其變約以五十年退一度何承天以爲太過乃倍其年而又反不及至隋劉焯取二家中數七十五年爲近之然未爲精密也

五星之說自甘公石公始也

五星之說古未有聞虞書但曰撫于五辰而已至甘石則盡露矣石申魏人著星經甘德亦同時星有三色所以別三家之異出於石者赤出於甘者黑出於巫咸者黃紫宮中外諸星亦出三家總數三百八十三名積數七百八十三星其施於渾家者惟天極比斗二十八舍爲占候之要其餘載者所以備上象之全體而已

素問陰符七國時書也

星極經世釋義

卷四

五函四明叢書

約園刊本

補註曰素問八十一篇陰符上中下三篇世傳皆黃帝之書也集覽曰陰符經名按李筌撰序云得此經於嵩山石壁中或謂爲黃帝之書受於廣成子又云受之玄女或云黃帝與風后玉女論陰陽六甲退而自著其事蔡氏序云陰符三百言李筌得於石室中云寇謙之所藏出於黃帝河南邵氏以爲戰國時書程子以爲非商末則周末世數久遠不得而詳之素問密語之類於術之理可謂至矣

補註曰玄珠密語啟玄子之所作也其大要皆論五

通六氣

至理之學非至誠則不至

物理之學或有所不通不可以強通強通則有我有我則失理有而入於術矣

物理之學以數觀物者也若太玄經世等數是已

言發於真誠則心不勞而逸人久而信之作偽任數一時或可以欺人持久必敗

天地日月悠久而已故人當存乎遠不可見其近智數或能施於一朝蓋有時而窮惟至誠與天地同久天地

皇極經世釋義 卷四

至五 四明叢書

約園刊本

無則至誠可息苟天地不能無則至誠亦不息也

爲學養心患在不由直道去利欲由直道任至誠則無所不通天地之道直而已當以直求之若用智數由逕以求之是屈天地而循人欲也不亦難乎

人心內重內重則人輕苟內輕必外重好利好名無所不至

義重則內重利重則外重

凡處失在得之先則得亦不喜若處得在失之先則失難處矣必至於隕穫



天下之事皆以道致之則休戚不能至矣

事無大小皆有道在其間能安分則明之道不能安分

謂之非道

人之爲道當至於鬼神不能窺處是爲至矣

邵子曰思慮未起鬼神未知不由乎我更由乎誰

凡人之善惡形於言發於行人始得而知之但萌諸心

發於慮鬼神已得而知之矣此君子所以慎獨也

又云思慮

一萌鬼神得而知之矣故君子不可不慎獨

發微曰中庸曰君子戒謹乎其所不覩恐懼乎其所

皇極經世釋義 卷四

至大四明叢書

約園刊本

不聞此固君子謹獨之學上不愧於屋漏也然謂之

思慮未啟卽喜怒哀樂未發之時鬼神不得以窺其

際矣故曰不由乎我更由乎誰蓋幽暗之中細微之

事迹雖未形而幾則已動雖己所獨知人所不知而

鬼神已知之矣是以君子慎獨不待著於言行常若

鬼神之臨乎其上一不敢有一毫妄念動於中也

人之畏鬼亦猶鬼之畏人人積善而陽多鬼益畏之矣

積不善而陰多鬼弗畏之矣大人者與鬼神合其吉凶

夫何畏之有

發微曰左氏鄭人相驚曰伯有至矣則皆走不知所往或夢伯有介而行曰予將殺帶又殺段也國人益懼子產立公孫洩以撫之乃止曰鬼有所歸乃不爲厲吾爲之歸也晉趙景子問曰伯有猶能爲鬼乎曰用物精多則魂魄強是以有精爽至於神明匹夫匹婦強死其魂魄猶能憑依於人以爲淫厲況良霄我先君穆公之冑其用物也弘其取精也多其族又大所憑厚矣而強死能爲鬼不亦宜乎唐孔氏曰謂其居高官而任權勢奉養厚故用物精多而魂魄強或

問先儒言鬼神之事道有又無今左氏所載不可謂無矣朱子謂人稟天地之氣終有散時特散有遲速爾其精神所到上動於天昔荆軻慕燕丹之義而白虹貫日衛先生爲秦畫長平之策而太白食昴漢殺孝婦而三年大旱晉殺一無罪都口而血逆流於柱如齊景公夢楮丘之鬼漢王氏雪鵠亭之冤史氏所載皆不可誣也愚請各條其說曰陰陽二氣散在兩間觸目無非鬼神者不隨他地頭去分別則混爲一區幽明惑亂而人道不立矣故在天爲日月星辰風

雨霜露四時寒暑必有鬼神行乎其間然後可見書所謂禋于六宗是也自當作一類看在地則五嶽四瀆山君川后能出興雲雨以助化工不可謂無武成所謂所過名山大川是也當自作一類看有功德在民載在祀典如昌黎所謂勾龍后稷以功夫子以德爲聖爲賢歷萬世而不可磨滅者當自作一類看如人死曰鬼氣已散了子孫精神聚處則祖者來歆魯論所謂祭如在祭神如神在豈特士祭其先爲然自天子至於庶人皆有等級分劑不可踰越當自作一

類看下而至於山夔土獫水魃木妖無鬼有論而怪興蘆菹誅囚而躬對不可不信也或懸穎斫箕或生霆起鶴天地間自有此等遊魂鬼術足以惑人不可謂無但非其正亦當自作一類看分類既精而析理甚明則谷永所謂明於天地之性而不惑於神怪昔人所謂以道治天下則其鬼不神脩身之道得矣人之一身鬼神之會也只這軀殼在此裏而內外無一非天地陰陽之氣此心纔動便應故曰天地之塞吾其體天地之帥吾其性吾心正則與公平正直底鬼

神自相應一有不正則彼之遊魂戾氣亦相糾結而不可解矣朱子曰如魚在水四面水卽他肚裏水鱖魚肚中水便是鯉魚肚中水斯言雖小可以喻大後世妖淫浮祀之說興而吾心鬼神之神德荒矣嗚呼悲哉

循理則爲常理之外則爲異矣

能循天理動者造化在我也

得天理者不獨潤身亦能潤心不獨潤心至於性命亦潤君子之學以潤身爲本其治人應物皆餘事也

聖極經世釋義

卷四

堯四明叢書

約園刊本

一國一家一身皆同能處一身則能處一家能處一家則能處一國能處一國則能處天下心爲身本身爲家本家爲國本國爲天下本心能運身苟心所欲身能行乎

君子處畎畝則行畎畝之事居廟堂別行廟堂之事故無入不自得

變從時而便天下之事不失禮之大經變從時而順天下之理不失義之大權者君子之道也

斂天下之智爲智斂天下之善爲善則廣矣自用則小

人患乎自滿滿則止也故禹不自滿假所以爲賢雖學亦當常若不足不可臨深以爲高也

人必有德器然後喜怒皆不妄爲卿相爲匹夫以至學問高天下亦若無有也

無德者責人怨人易滿滿則止也

人貴有德小人有才者有之矣故才不可恃德不可無經綸天下之謂才遠舉必至之謂志并包含容之謂量剗割者才力也明辯者智識也寬弘者德器也三者不可闕一人苟用心必有所得獨有多寡之異智識之有淺深也

事必量力量力故能久

聖人利物而無我

易地而處則無我也

聖賢惟無我故易地則皆然

不我物則能物物

以物喜物以物悲物此發而中節也

此因其可喜而喜之可悲而悲之悲喜在物已無與焉故曰以物喜物以物悲物

人智強則物智弱

夫弓固有強弱然一弓二人張之則有力者以爲弓弱無力者以爲弓強故有力者不以己之力有餘而以爲弓弱無力者不以己之力不足而以爲弓強何不思之甚也一弓非有強弱也二人之力強弱不同也今有食一杯在前二人大餒而見之若相讓則均得食矣相奪則爭非徒爭之而已或不得其食矣此二者皆人之情也知之者鮮知此則天下之事皆如是也

金須百鍊然後精人亦如此

皇極經世釋義卷四

李四明叢書

約園刊本

今有人登兩臺兩臺皆等則不見其高一臺高然後知其卑下者也

室中造車天下可行軌轍合故也苟順義理合人情日月所照皆可行也

所行之路不可不寬寬則少礙

能醫人能醫之疾不得謂之良醫醫人之所不能醫者天下之良醫也能處人所不能處之事則能爲人所不能爲之事也

良藥不可以離手善言不可以離口

大羹可和玄酒可漓則是造化亦可和可漓也

言當順其自然不可妄加人爲以害天真也補註曰  
大羹肉汁不致五味大羹太古之羹食味之本也玄  
酒卽明水也按周禮司烜氏以鑿取明水於月古者無  
酒以水行禮因謂水爲玄酒漓與醑同以水齏糟曰  
醑醑濁酒也

自然而然者天也唯聖人能索之效法者人也若時行  
時止雖人也亦天也

人謀人也鬼謀天也天人同謀而皆可則事成而吉也

皇極經世釋義

卷四

至四明叢書

約園刊本

易繫辭傳曰天地定位聖人成能人謀鬼謀百姓與  
能鬼謀謂問之於易也易具造化之理而顯之於著  
鬼神之道也

事無巨細皆有天人之理修身人也遇不遇天也得失  
不動心所以順天也行險僥倖是逆天也求之者人也  
得之與否天也得失不動心所以順天也強取必得是  
逆天理也逆天理者患禍必至

天之孽十之一猶可違人之孽十之九不可追

天道之變王道之權也

補註曰天道之變無一定之氣猶王道之權無一定之法也或曰皇帝王霸天道之變也道德功力卽王道之權也

爲治之道必通其變不可以膠柱猶春之時不可行冬之令也

用兵之道必待人民富倉廩實府庫充兵強名正天時順地利得然後可舉

天時地理人事三者知之不易

學以人事爲大今之經典古之人事也

皇極經世釋義

卷四

空三西明藏書

約圖刊本

學不際天人不足以謂之學

學不至於樂不可謂之學

記問之學未足以爲事業

凡人爲學失於自主張太過

學在不止故王通云沒身而已

右先子旣捐館得之於門人故舊所記平昔話

言尙恐傳錄之際不能無差然亦足以發明成

書因名之曰觀物外篇云男伯溫謹題

皇極經世觀物外篇釋義卷之四



南湖先生邃於易學多所著述先生仲嗣九正與予筆  
研交得縱觀之惜其猶有未傳者乙丑計偕乞恩歸昌  
樂教事郡侯杜公語及先生釋義已粹於郡堂但歲久  
腐闕爰命校之補刻完帙以嘉惠四方先生諱本字子  
華正德辛未進士第二人世居月湖時人稱爲南湖先  
生守愚子其別號云後學四明童國俊識

四明叢書

四明叢書  
約園刊本

四明叢書

四明叢書  
約園刊本

四明叢書

四明叢書  
約園刊本